

蟻螭集五卷

壹

卷之五 吏部
左侍郎曹芳先交出
蟻蠓集壹部
肆
太

蟻蠓集序



諺曰相馬失之瘦相士失之貧余讀淳丘
生所為蟻蠓集蓋為之憺恨凄楚云夫生
馳心玄邈玩情典墳直入先秦漢天厨咀
其膾而嚼其齧假令較天祿石渠其所制
作豈不燭然流光直追古晉而乃幽愁促
迫身且不容桎梏拘囚白日不照幾與盜

賊滅獲駢首而戮悲夫及觀獄中諸所上
書所為諸賦激烈悲愴又有古先秦漢榮
士之風何其雋也何其雋也管卞和氏得
璞獻之楚文王以示玉人曰石也刖其左足
復以獻楚武王玉人曰石也刖其右足和抱
璞泣王都門繼之以血乃剖之果良玉也
君子謂卞和氏也智毀其足而存玉生置

極刑入之復出之既又出之視卞和之刖何
啻乃忘朝夕之命方且笙簧屈宋馳驟班
馬此非所謂毀足存玉者耶然聞易牙初
干齊桓公也飯土釧調太羹齊君怒而唾
之為之臠熊蹯炙薄者薦山梁之餐割秦
豹之胎齊君甘焉為封萬家之邑晉平公
始御師曠章英疊奏韶濩齊鳴晉侯左

右視弗能竟也。變為激流羽商。綴宣鄭衛。揚北里紹陽阿。晉侯按節歎曰：天下之良工也。夫易牙師曠，非闇於前而智於後也。性投於所隨而技變於所嗜也。今天下之為齊桓晉平也者，豈尠少哉！生幸見天日，余讀生所為蟻螿集，益為之愴恨。淒楚竊恐生終其身，幽愁促迫，殆又甚也。然若子靈齊桓之不中，不能為易牙之變味；靈晉平之不諧，不能為師曠之變聲。何則？情志通於寒廓，不可以世俗移也。生向不遇陸五臺先生，吾恐生之骨不足以當鉄鎖，而生之頸不足以膏白刃也。乃幸得遇出之拘囚之中，登之詞藝之林，老且白首，獲與屈宋班馬挺刃而立，荷戈而趨，即為齊桓晉平所笑而獲固已多矣。終

其身幽愁促迫夫又何傷也余性特好古而未
之能見浮丘生所為如是既悲之又復喜而
著之

賜進士出身奉政大夫南京光祿寺少卿
前南京吏部考功清吏司郎中豫章萬
恭譔



蠛蠓集自序



蠛蠓者何醯雞也集何以謂之醯雞郭璞
謂醯雞細質喜羣飛亦蚊蚋屬也夫蚊蚋
貪哺嗜臭敗逐溷廁嚙咀人一障惡之醯
雞則入室突窳幸於發詭歡糟糲而甘芳
或飛則叢薨止不渝啖此非縈於自奉而
介於自守者與其於蚊蚋侵穢彊噉者為

何如此其蟻蠓也夫而柎質鱉材駑託跡
剛間猶夫葉之於林盃之於海也竊居蓬
茨藜藿彌年無薦紳先生之交邈牧侯伯
之遇舉則一丘言則自偶此夫人之蟻蠓
哉嘉靖壬寅柎以事繫獄貫三木圜陰室
待 國家典刑發憤抒懷間有微詞輒不
敢令人見反復諷誦尋痛愍而焚毀之夫

蟻蠓之隘燕吮罹蛛網振其音而喑喑者
何以異此是猶類之至也夫蚊蚋狡汙柎
所弗屑蟻蠓雖微柎不敢自外焉視其類
也嗟嘑鷹化而鳩雉流而蜃腐草而螢蠹
蠹魚鱉皆有化若蟻蠓槁死盆醴吾獨不
知其化者何也此豈造物篤於億類而嗇
於蟻蠓也邪因摭錄舊作并獄藁文若干

首騷賦若干首雜體詩若干首構成幾卷
命其集曰蟻蠓

昔

嘉靖癸卯春三月朔六日黎陽盧栴撰

蟻蠓集目錄

卷之一

書

上魏安峯明府辯冤書

答王鳳洲郎中書

上李東岡推府書

與陳一泉外翰書

上郝南峯吏部書

與陳龍泉大理書

上吳少槐吏部書

上張馘山侍御書

與耿忠菴進士書

上晁春陵內翰書

與孟龍川書

與王鳳洲郎中書

與申洹野書

再上李東岡書

卷之二

啓

爲濬諸生留賢令陸侯啓

記

滕王閣圖記

世義堂記

序

贈郭增序

贈劉丞赴興州經歷序

贈楊生序

贈常翁就舉鄉飲禮序

贈李伍巖遊太學序

贈陸侯擢官留都祠部序

送高少尹致政西歸序

折衝卷後序

爲孫兩生贈張壚山擢曹郎序

善政實錄序

碑

濬邑石侯碑

滑令張侯碑

滑縣東城門見山樓碑

檄

大名大守移州郡讓農檄

對

對衛大夫問

傳

申氏傳

讚

張公讚

辭

故濬尉靜菴蔣公哀辭

誄

滑尹張壚山祖妣哀誄

祭文

祭李復齋郎中文

祭晁次山翰林文

卷之三

賦

幽鞠賦 并序

放招賦

惜毀賦

秋賦

天目山賦

為孝豐封君南山吳公作

酬德賦

壽成臯王賦

懷隱賦

泰宇賦

為孫滑縣作

水亭賦

崑崙山人賦

嶺昆山賦

并序

嵩陽賦

為汝南劉嵩陽作

梁苑僊人賦

有序

滄溟賦

有序

嘉禾樓賦 有序

雲濱賦 并序

遂虛賦

廣招隱賦

龍池賦 并序

夢洲賦

九騷 并序

卷之四

四言古詩

懲咎詩并啓一首上大名張太守鄒西吳

吏部少槐李翰林東岡

雜興五首

五言古詩

敘隱五首

雜詩七首

贈盧潭城二首

奉和王大伾侍御賦雞冠花有命輒和首

贈道士

太子洗馬童公內方扈蹕謁陵有命輒作

孟龍川許送芸香不至走索兼以詩寄

王大伾草堂五首 并序

繫獄敬呈王大伾侍御李復齋工部文

六十韻

贈胡公入覲

贈故大同府節判魏張公祝入祠七十韻

酬謝逸人四溟三首 并序

讀謝明濱明水寺詩慨然有契奉寄二首

重贈李子理

送華從化省謁還章丘兼呈東魯諸公二首

奉懷謝少谿侍御遷浙江憲副

贈友人歸別墅

奉寄河東荀侍御小川三首

秋日寄上晁春陵內翰五首

孟龍川自京師旋爲余言秋部李滄溟聞

冤慨然有脫囚之志因作詩四首寄上

聞張馘山侍御巡按甘肅比歲當還敬以

此寄上

獄夜書愁敬呈吳少槐吏部

書柳川弟壁二首

送張嶺山明府轉陞戶部五首

書懷投李篁臺外博

秋日奉別王元美比部詳刑還京四首
奉贈李于鱗憲副之陝西三首

贈子青三首

送顧聖之遊楚時余將往金陵三首

宿蘇門山夜懷王龍池別駕有詩未就因
追之以此

適金陵登魏武讀書臺奉別李覺齋丈

寓譙郡宿魏武臺下贈羅汝龍

別李希賢

贈紹易殿下二首

冬夜汪北津郎中過濬索詩因以此贈

過內黃宿園上人講堂兼呈張沅洲太守

冬日獵射畢同艾瑞泉從子擢挈酒藉草

坐飲醉後作此

讀史

秋晚赴井汲水採野蔬供飯

雙唐賈客詞

贈董明府迎侍四首 喜艾子紹二子作此

題王龍池彭篋圖兼壽其嶽東谷

寓目水石藤樹人物

陪成臯王太虛觀齋居感鶴至

鄴下贈吳山人聞官軍與倭戰不利

送吳東原還蘇門

重寄內二首

七言古詩

奉答楊六坡推府隱居見贈

并序

秋夜望雲旅懷

贈別李性菴還任丘

送崔秀才南還

長歌送王翰林盱山還保定

贈別南田楊子還晉石

并序

留別馮少洲進士

送友人南還

送人之塞上

贈孟龍川二首

五哀詩五首

保定兒留別

春日後贈王任菴五湖昆季

七夕

送醫友還山

九日寄孟龍川

寄謝逸人四溟二首

寄汪員外南華

襄國飲鴛水野亭奉懷張壚山明府

贈李山人

贈張長公鳧整五句四韻

長公割股愈疾

再贈張雲谷

登西城嘉禾樓重送張壚山主政赴部

送李滄溟太守入覲

送陸明府夢洲入覲

雪霽後過周紫泉山堂

詔獄結後書情敬呈王龍池二府兼致謝
意

羸女鳳圖

送郭侍御劍泉謫永安松栢圖

春夜與吳山人飲穆前江宅招妓琵琶不
至

贈陸夢洲古琴兼以詩寄

卷之五

雜體詩

伏雨嘆二首

史平臺夜宴詞

苦寒吟

杜鵑行

快鵲行贈盧潭城宗弟

黃利黃謠

次童謠

壚毘謠呈張壚山明府

芒履謠

修武行贈李主簿

信陵亭行贈張幕史

樂府

出自薊北門行

前有罇酒行

子夜吳歌

古別離

懷仙歌五首

碣石篇

隴水曲

涼州樂

怨歌行

枯魚篇

折楊柳

怨詩行

丁督護歌

少年行二首

東塘行

鳧墩有序

黃鵠篇贈羅封君就養還萬安

相逢行

胡鷹渡海來篇

閻闔篇

五言排律

甲辰歲張郡伯鄧西如覲京師其母太夫人出中饋給囚囚感激述懷作五十韻以謝

暮秋承華主簿竹川饋飯奉謝凡三十五韻

七言排律

酬華大餽飯

五言律詩

山居

浮丘院壁

大名故城

過邯鄲作

送友人入秦二首

上張鄴西明府三首

喜得釋獄消息

卽事

戲寄孟龍川

送張壚山還蜀

喜還舊業草堂

登天臺山有感兼呈張壚山

服闕口號上張鄴西明府兼呈吳少槐吏

部李東岡翰林二首

聞吳吏部少槐哀僕乏嗣飭內入獄侍湯

藥四首

冬夜遣悶三首呈吳少槐吏部

哭董縣丞紳

初月

示外弟陳可

送劉少尹赴興州經歷三首

秋夜奉懷王鳳洲北部

寄上徐龍灣北部

贈王少府封君水亭

贈王龍池別駕

夏日同王大伾董右坡張壚山陸夢洲孟

龍川登大伾山覽黃河故道得溫字

西巖

題楊太尉揮金幅障

畫葡萄

贈謝山人四溟

遊成臯王城南園見水石魚艇

七言律詩

出塞

慈壽宮

浮丘精舍

書長春觀二首

贈李金吾號

七夕

挽楊六坡推府

除夜寓大名寄孟龍川

古意

贈關中陳一泉廣文二首

憶昔寄錢同野第

宿沙口贈王北沙二律

九日奉懷謝四溟逸人兼酬往日見寄之

作

奉和王大伾侍御題周紫泉東山草堂三

律

震崗集留別

秋日懷錢同野

送林越山廣文之石城尹三首

贈徐少尹

赴理大名道中感李有池惠粟之作

聞比部李滄溟出守順德書此寄上

立春前夜宴張壚山明府宅

醉後射魚宿羅山人草堂

觀妓卽席走筆

舊黃河道中有懷張壚山明府

西華集目錄
贈羅月巖推府迎侍還萬安二首

春晚將還舊業諸公送遠獨方水雲以病
不至作此留別

登南城樓有感兼懷荀前川

五言絕句

山雨五首

示從弟橋三首

寄高貞菴明府二首

七言絕句

別冀康川進士口號

長春觀二首

青樓詞

雲中曲八首

戲贈于山泉

贈衛川居士

送王盱山還保定

秋興漫成六句

衛河漲四首

寄孟龍川絕句

西山集宴

對勘呈吳少槐吏部

獄夜

聞華從化誦李中麓樂府詞有憶寄上四首

謝華竹川酒殺二首

宿沙河值雪同蔡百戶作此

丁未夢中遊王西軒園作是歲十一月二十日獄吏譚遵令獄卒蔡賢答柵數百謀以土囊壓殺之官覺之免

憶內

贈內二首

內寄衣

與張山人雲谷對飲言別

代邊騎

訪海月上人不遇

蟬螿集卷之一

黎陽盧枏少榘著

書

。上魏安峯明府辯冤書

古者大夫士志行不通於上則盡於書以列其情
要其最顯者則李斯盡秦蘇秦鄒衍田需張儀盡
六國司馬相如卜式鼂錯徐樂枚乘主父偃盡漢
韓愈柳子厚張籍李翱盡唐司馬光王安石蘇洵
軾轍歐陽修盡宋雜游說兼道藝窮於布衣側微
之辭而後下之人得以抒其慮上之人感切於諷

情切詞彈備極哀乘讀令人可傷以彼其材結能持以道何至使人歎殺

直之說於以納其忠而弗之罪焉則夫書之宣上
下通貴賤也於古有是夫雖然幸而處常徵諸言
載之書可以達天子不幸而值變身桎梏之刑待
鈇鉞之誅徒嘔心血筆而書之不足以達士庶人
何者彼其天壤之相違居養之相異囊首赭衣之
徒固不足以動人之耳目也今天下公卿士大夫
自宰相而下與天子持議論相可否乘朱輪而插
貂蟬紆金紫而懷珠玉執天地之符而力侔造化
者固不爲少也而柙含冤幽室關鍵口舌不敢延
頸而一鳴者何也伏枷鎖罹重法廁穢弗潔之囚

誠不敢輒以書通竊又懼夫上之人不肯戢威解
顏傾耳一聽死亡者之論徒速血肉糜骨之禍爾
夫鳥極則厲鳴獸極則走挺人窮則歸本嗥天命
之衰也於柙已甚安得不頓走狂嘯祈霖雨救塗
炭冒死一言於執事哉夫柙世家業農幼而讀書
循章句以諸生受胡氏春秋餒屈宋之糟游司馬
氏之濱窺跡於揚雄諸子之垣然志行狂簡言多
激越時時取釁厲爲世人譏誚庚子歲二月中柙
傭工人王隆左手病瘡甚柙謂隆曰汝之病殆不
可事事給汝直復若業何如隆曰諾請以張杲彊

幹而多力者代僕耨曰然汝行遂歷試張杲爲傭
奴六月二十一日杲盜場麥耨聞之以畀司里杲
遁宿孫潔場中食守場人李現麪一缶明日耨赴
訴縣伊家乘大雨排房塌撲死且日杲母魏氏駕
訟邑侯蔣公曰盧耨毆伊男卒七月初五日蔣公
發閱杲屍則上齒闕者六左脛裂凡可以致死者
無不毒傷夫齒闕則食難脛裂則行委自耨場至
孫潔場連一里遠而彼走且食此其齒與脛果得
有恙否也齒脛俱無恙然且而闕而折果孰爲之
耶當是時耨具大刑對思不知所出蔣公亦不測

杲體徧傷故柏拷掠數百自朝至日晷與法具伍
嗚呼耨以柔脆之膚而妃堅虐之刑彼且何情而
不啗予骨肉而耨非金石之固亦安能久於抗對
也苟疾痛有間雖赤族之禍然且不恤矣是月二
十七日耨先母哭耨於野有婦人而持母曰母哀
我張杲姊也我父杲叔寔知杲死雨頽房壁壓焉
杲叔張昇又謂耨父曰杲之死也甚微而難言父
窮之曰吳章者杲外叔魏氏與章淫禁章不得娶
而居其室杲之死夫二人者圖之房壁頽壓非特
霖雨使然也鄉昔齒闕脛裂徧身毒傷者於茲可

徵焉先人以姦慝之跡隱而具房撲之情於巡按
樊公准辯飭大名勘問未及而按臨會審樊公謂
在庭諸公曰王隆者盧柵雇工人也按文附綴張
杲作王隆傭人隆且爲人傭張杲爲傭人之傭耶
夫王隆無恒產爲盧柵業農卽令張杲爲若傭當
業誰之農乎使杲果爲隆傭則杲當在王隆場安
得來盧柵場盜若麥耶且杲所撲麥盧柵之麥所
飲食盧柵之饋獨傭爲王隆之傭名實眩矣法宜
開。蔣公不然樊公曰凡士師可以生殺人有天
子律令在律可殺吾不敢生律可生吾不敢死我

所議盧柵同諸君奉 天子律令爾我何敢私且
魏氏原告詞謂盧柵令雇工人王隆覓張杲郭勇
與柵傭工矣夫王隆一人爾果覓工自代卽當傭
一人又安得雇張杲郭勇二人代一人耶况盧柵
當時嘗給郭勇雇直錢勇旣爲王隆兼雇盧柵又
安得給無謂錢與王隆所傭人耶今不幸事變杲
死遂作王隆傭人設使勇亦死則勇卽作王隆雇
工而盧柵不得謂勇爲雇工矣法宜開蔣公語塞
少間進曰盧柵旣遭死請罰穀一千石破若家何
如樊公默然蔣公趨翼進將言憲副張公目蔣公

退同知崔公履推府朱公之跼朱公肘真定理刑
趙公謂蔣公曰是不可死先生何苦扼人蔣公稍
就位樊公指柵原法曰彼罪案旣若是而蔣令寘
之死予當柵法何僉曰稱律令於是下柵大名守
什公飭滑縣劉公覆勘劉公者又蔣之同年生最
舊執也相持詞議定而後出謂房撲爲妄告擬就
以家長毆雇工人至死應徒律量罰穀千石其傍
引鯨鯢兇噬之惡無損於蔣公焉以呈察院二十
年正月內詳允發諸犯的決贖罪暨柵各寧業所
議穀千石直以爲非法令免惟皂隸李祿未詣官

照出亦擬不應詳代樊公巡按殷公允其詳而獄
由是勦矣柵居家未踰旬而先人終距六十日而
先母卒踰年而兩子死一女亡夫柵出獄瘡痕未
洒卽繼之以天崩地隕之變而動其心脅之慘柵
何天命窘極若是哉先是蔣公董獄當死刑者五
人曰盧柵曰袁濟曰馬氏曰呂教曰侯宗儒然皆
冤誣而無實以故獄詞雖備而率不服是故樊公
首貸柵薄其罪暨殷公按郡則四人者咸稱冤蔣
公懼諸公救之以柵爲口實解殷公問蔣公曰盧
柵何如蔣公具疏進復組織柵死若昔之語樊公

者益誣由是殷公釋袁濟馬氏而復問呂敖侯宗
儒尋亦開去獨執柎於喪械送大名守張公公知
柎之寃哀隱悼惜之不足而議柎抵死此固因察
院之成命非張公好殺之本心也明年柎奏辯復
行張公問得其情供張杲實柎傭人而仍以原擬
若曰仍原擬則法不病作傭人則不沒其實而典
刑緩且歸柄於察院也是年翁公按臨弗原明年
柎復奏辯行張公時巡按胡公會審而張公前吏
部郎中通判吳公前吏科都給事中推府李公悉
直柎爲誣胡公執先定之辭據紙獨與柎對若仇

佐証卒不及一詞及柎稱寃出憲副喬公作而言
曰是情寔可矜胡公曰此卒不可殺終當與某囚
同例減死爾姑待仍擬張公退而歎曰諸公哀枉
非不力救然所能者人也其所不能者天也於是
悉取諸逮事者徵問前卷傍引鯨鯢兇噬之惡嘗
笞某六七十者皆虛偽無驗正去之獨張杲案
如胡公議於戲柎內省由齟齬之年以及今繫獄
之日柎始讀書不過爲狂瞽之文瀆君子視聽未
嘗附會官府行無賴作培克又素惡商賈行坐之
事於市井挾劍雄酒豪俠之徒固未嘗啣盃酒接

虞居高士已上
清遠臺兩必若
但好個德悌
者殊調好奇
言則未免輕
也傲物恃材陵
人遠語招尤矣
及夫露才揚
名招人過心
自高者步

慙慙同濟凶淫之惡慢長老而忤王法也獨好個
儻恢曠之行嗜殊調好觀古人奇節然未敢踰大
閑爲名教罪人府縣無告許之辭而六曹無文券
之驗夫所謂恃豪放恣險惡憑陵暴橫於一時彼
濬人固寬厚有容者亦安能甘蹈患害上下無一
詞發擿必待張杲之獄而後暴白哉且張公央獄
明公而少貸使柙果負大惡如前卷云云則亦安
肯薄正而去之俾文案不符於察院會審又何爲
汲汲解暴令柙無死若是哉夫前卷錮獄尙之以
紙若鎔金鐵之精貫重關之鍵而牢不可破幸而

巡按樊公開示覩縷動引 天子律令平反是非
一人之私恩得以紊典刑而掩日月也且柙應擬
徒罪贖穀四十五石而倉有收也魏氏領葬杲屍
有狀也柙領杲原貯庫所盜麥并袋有案也夫李
祚詳所載皆柙已開原跡二十年四月內殷公允
之有徵也是皆藏諸司吏有考也柙寧業居喪一
年是亦齊民矣固非逸刑掣鎖之徒越有司而警
方牧之人也讐家無告佐見無告公正之民無告
劫發陰私狡猾懷悍之徒俱無告夫執柙時去允
李祚詳日期然且八月遠矣然而察院至是復悔

安有察院放
已八月而遠

收、不知虛君
名何深忠於
蔣公而為此
年除根、計也

其允曰盧柟招詳朦朧收寘之死夫招詳果朦朧
耶前李祿招詳何不駁勘果非朦朧耶顧復執柟
抵法由是言之前後翻擾多失其據而柟安得無
冤誣於其中哉始柟為諸公原宥前已歷陳惡有
察院之嚴諸公之明而為是朦朧招詳哉惡有市
井輿情之地而柟敢以招詳朦朧居之哉惡有三
代直道之民容是招詳朦朧之人油油然處之而
無所異哉昔有好生者贖狐兔麋鹿而放諸郊獵
者邀之則急走狂嘯以捄其死嗟夫人放禽獸則
不忍邀今樊公既放柟於野人又從而招之是非

憂物之心重且長而仁民之心輕且短與夫張杲
一人也在前卷為王隆崔工樊公為盧柟崔工殷
公復作王隆崔工及柟奏辯張公詢得其情仍作
盧柟崔工而翁公復改作王隆崔工夫古天吏殺
人也左右皆曰可殺勿聽諸大夫皆曰可殺勿聽
國人皆曰可殺信矣而未敢也然猶察之見可殺
焉而後殺之今柟之獄朝一人曰可殺暮一人曰
否暮一人曰可殺朝一人曰否夫所謂可否者纔
一人之辭耳設使執政舍已之見平其心氣推而
問諸左右諸大夫國人則其可否豈特一人朝暮

所謂哉雖然可否無定者謂之疑獄王制曰疑獄
汎詢衆議赦之又曰附從輕赦從重書曰與其殺
不辜寧失不經呂刑曰五刑之疑有赦五罰之疑
有赦周官司刺掌赦宥之法夫古之聖人思其心
未嘗殺人因民遠善而邇惡故著爲法令以馭之
夫刑凶器也擅意快殺者入人易深而聖人有憂
焉於是垂法於經若易之解曰雷雨解君子以赦
過宥罪臯陶之戒舜曰欽哉欽哉惟刑之恤哉我
明太祖創制立刑於律首爲橫圖薄刑具著大
誥減等又五年勅刑部恤刑於疑而可矜者察

小大之比以宥之此其仁民好生之意與王制易書
周官之法相流通今柙無辜之獄非止於疑而已
也何獨不被聖王赦宥欽恤之仁惟此網羅繩鉗
之厲哉夫察院諸公堅不原問是非不知柙爲冤
抑真以爲死而殺之也蓋譖禍旣成每執政出都
仇者從而攻之而柙名曰監生記者謂柙非豪右
則守錢虜子爾蓋不知柙以中民之產積獄數年
悉買費無餘而先人二柩暴於人野場中寡妻無
嗣託食於親厚故人已閱二載矣艱苦萬倍不能
一宣上卒以虞涉之嫌而下無解縣之日此大道

之公不行於一夫而構飲恨待斃所以積淹於獄也夫孰肯正明王之法忘小嫌之私挺已抗救於汨沒無報之人哉昔者構歷大名府獄濬獄元城獄會諸解繫徒錄遠六七百里近比各府州縣獄其弊無大相遠而莫以明是故敝訟之政荒園土之教衰雖使蘇公召伯日訊於庭於國家基本萬一無所裨益焉請詳言之夫三代而下禮樂教化之不行凡可以驅天下之勢者畏而已矣是故上而畏天子下而畏方伯連帥其次畏府州縣牧之諸侯其次畏皂役羣小夫畏天子則天下

治畏方伯連帥則方獄平畏府州縣牧之諸侯則丘井安畏皂役羣小則民無所措手足而冤苦病夫獄物之深密者也周禮大司寇用獄聚教罷民凡害人者寘之獄各施執事以明刑耻之今之治獄則不然晝則聯繼而居拳桎而食呻吟悲號相靡於棘垣之下入夜則足連繫項重鉗肢脇受縛三麩髮引層閑之半筋脉急張血肉反攻而疾痛不勝噉守者撫之弗聽則榜楚有加矣將死一人預以病嘗之有司有司曰可從而殺之曰某官殺汝也非我也夫死者未病而嘗有司以病者何也

亭在山頭
近尉亭
尉亭山頭也

曰殺之慘一召慘之故有五凡無賄而通者殺多
餉不分者殺記守者之過殺爲富者復讐殺見利
弗予者殺夫官有察吏有稽彼恣殺而弗顧然且
不覺者有故也未殺諸溢惡之言於吏旣殺示顯
柄之威於囚囚懼無漏言吏忌無貰政是故恣殺
之計行有司弗覺矣由是待罪之民輕天子而弗
畏輕方伯連帥而弗畏輕府州縣牧之諸侯而弗
畏唯皂役羣小是畏嗟乎天子方伯連帥府州縣
牧之諸侯所以治皂役羣小也於其治皂役羣小
者弗之畏顧畏其所治者則是驅天下之勢不在

乎上在于皂役羣小也由是百姓無所措手足而
冤苦病府州縣牧諸侯之政鑿而丘井危方伯連
帥之令壅而方嶽蔽天子擁虛噐於上而禮樂征
伐不行於下則天下壞亂不可救矣雖然柎聞之
君子曰有治人無治法孔子曰君子之德風小人之德
草草上之風必偃是故商君治酷而民尚急文帝
好寬而諸吏多長者今執事治濬兩河雞犬之民
不下十萬戶而囹圄無人執事好生之德可知矣
是故吏禁之屬無夙敝如前所陳者是非彼能無
私心人讀書而體臯陶之德也良由執事寬仁之

政流通於濬彼自不敢爲酷民爾或曰獄重地宜
謹嚴汝負大臯而云云若是將有以自解與夫柙
聞古之賢者不幸善居獄而速死之敝有三君子
不由焉忘盜賊之分雜卑汙之行喪其所有而日
與囚化者命之曰濬獄乘隙竊免亡其身以及其
親命之曰遁獄劫天典隳王法挈挺決出自分必
死闔城守而殺禁戒命之曰叛獄嗟乎善人不入
獄夫獄所以待小人也吾惟不知務而輕用吾身
吾是以久獄不知命焉乃今不能控訴自明復爲
看獄遁獄叛獄蹈速死之敝悲哉甚矣吾之自惑

也昔君子黃霸在獄授經曰朝聞道夕死可矣以
故李固杜喬孔文舉蔡邕皆世之大儒卒以獄死
然君子之名縣於霄漢矣柙志疎而才狹視古人
若丘蛭之目龜螭龍也乃竊嗜好爲文賦數百
篇詩幾千數十百首雖不足傳苟得遠脫桎梏而
好事者或取焉柰何不以古人自附而固流俗於
濬獄遁獄叛獄速死之輩哉昔先人治土地若干
畝自柙下理後悉賣之豪家而約劑者又竊與之
通弊減畝數私價直凡先人諸故物無不私市於
人甚則拆房室伐樹木鄉人無賴効之一切施其

不法。又徭役甚煩。柵以貧窶得羣里長窘辱。夫柵待死罪。無兄弟子嗣之續。卽有井臼婦。彼獨宴處。閨闈不過一書生妻爾。又焉能知庶務。應外事與。豪詰崛彊之徒。相抗唇。我往年執事。均賦柵以中。上哀下下。又諸差役。悉憫痛省覆。此非執事知柵貧苦如上所云。又安得霖雨之澤。霈然若是。我噫。嘻。柵事已矣。唯獄中無他事。舍勞思愁苦之外。則讀書日明於道。少延旦夕之命。爲死所爾。若爲柵申冤枉之情。解塗炭之菑。覆柵之妻女。母爲鄉里暴客之資。爲版籍窮民。此執事之恩也。當道之責也。柵何敢預焉。伏唯執事裁察。

答王鳳洲郎中書

七月初七日。本縣遣使捧檄齎牛酒。腆禮并翰。教遺柵家。柵唯皇風旣遠。光氛載竭。箕穎之後。世絕幽響。故雖兩漢玄纁。蒼壁時加丘壑。而大名之士。往往負揭。取誚後世。易曰。束帛戔戔。賁於丘園。丘園之美。何可易言也。柵槁臑之餘。已蒙大君子渥澤。復起爲人。今又施曠代之典。於胥靡之民。叨天之秩。竊地之懿。回惶中惑。實益厚顏。比又讀執事所喻鸞龍奮鬣。五綵炫爛。飄飄然若凌風御虛。絕

無纖瑳回視寰中。職踰語真若竊帝壤以堙洪水。幾何不償且潰也。執事邁天人之英操宗匠之器。與李于鱗宗子相諸公雄據虎視掎獵中原。卽令揚馬應劉接軫橫騫。未嘗不喪精奪氣。偃伏旗鼓也。枿方卷舌脅息攢投不暇。若執事云云。何敢僭預。獨所懇者。枿素嘗歷諸郡邑。多誣枉如枿文。緻不可反者甚多。執事啣上命察寃抑拯救焚溺。於斯人獨無加意乎。哉。記曰。附從輕赦。從重唯執事念之。鄙作詩賦謹裝六冊呈上。拙文數卷未及繕完。容嗣犴文幕。適聞旌旆告速。而枿又有秣陵之行。故耳。秋霽方採藜藿併食。偃卧無俟多談。枿又頓首頓首。

○上李東崗推府書

枿不佞不能奉先王之教。違孔子之訓。以奸時王之典。逮繫濬獄三年。迷惑頓踣。殊苦萬狀。寃頸縮喙。不敢長鳴。而自陳。此非堯舜兼濟之病。天地之大遺於果羸螟蛉。纖芥之細也。抑枿自察材質卑微。朴扶囊木之間。恐不能盡白。枿之所以待罪之理。又不足感執事推亮憫裁之化。賈山曰。雷霆之所擊。無不摧折者。執事之威。甚於雷霆。震悚惕厲。

萬不獲已畧扞固陋沒死上千幸加惠憐聽垂察
焉。柙聞春秋之義自誅討亂賊禁蠻夷猾夏之階
特以復讐爲重復讐之義非尋常世俗簞食豆羹
之怒詈罵睚眦之怨瞋目按劍曼胡血纓命氣相
高也。孔子曰父母之讐寢苦枕戈弗與共天下也
遇諸市朝不反兵而鬪檀弓曰喪不慮居毀不危
身曰毀不危身爲無後也非謂食美衣錦察音樂之
比長天子孫樂妻孥以供宴安也。公儀仲子之喪
舍其孫而立其子孔子曰否立孫重嫡子之建延
宗廟血食之祀綿本始之義爾。孝經曰立身行道

揚名於後世以顯父母孝之終也。夫仁者踐誼勇
者不必死節智者不汨名若徒効小廉死小恥快
一劍之奮行弗顧後令聞廣譽不加於天下滅父
母之稱此匹夫自縊於溝壑之事少有遠慮圖大
者不爲矣。詩曰哀我填寡宜岸宜獄握粟出卜自
何能穀夫寘身犴狴之中狹聖鑑之卜從一死不
返之諒孝子不爲也。曩者柙犬豕之質寡聞道之
資觸司寇之刑囚幽圜室之內先人赴訴御史臺
下聽之問諸監司曰免問諸守令曰免問諸讐言正
曰免夫然後稱律令出柙於死沒之編氓之籍越

明年結獄始歸侍先人寢食几杖先人又不留家
居適淇門別業入暮夜而盜賊興矣鉏耰登之大
屋干戈擾於坳塘白刃之虐砮於平樓先人縣繩
及堞隊則賊藉之戟鋌伺之鉤鍛一夫內嘑羣響
沸應絕雞犬振簷瓦先人以七十之年降而蘇登
者三杪乃氣力疲憊謂庶母曰孤兒始脫患難我
有長苦積恨於異日者不得與之語乃今父子不
相見天辱命也賊薄滋益甚請幣不可請貨不可
請降自分裁不可賊突登戕先人沒悲夫誰能無
父而死何先人令其子不忍言之若是也時告諸

縣邑賊已出境有懷慶爲之宄陽武爲之墟封丘
延津大河之曲爲之堂隩烏合蟻聚之衆斬木揭
干大呼於淇衛之郊時蔣公蒞政不肯發一夫掣
白挺以逐之柎家貧新禍又無財賄雇熊羆之士
誰肯不待教命爲柎出死力窮誅越人之寇哉卽
有鄉曲之民哀柎無告者捕之纔得蜂蠆於積閏
竒劫之間封豕虺蛇凶噬之惡固已投跡草木依
山澤肆然無忌而誰何郡縣矣柎輿求父屍歸之
寢則官府有憎惡之不祥城守有捍拒之嚴陳哀
暴棺於郭門之垤猶及今未成葬也當是時夫豈

不能告諸天子請諸方伯連帥也然多狼顧之患
懼滅門之禍其事本末未易明此所以沒齒關口
而不敢言唯我執事明睿遠照深察而悉之者也
願執事熟思加痛少裁焉是年先母悼先人之故
垂白髮哭泣不飲食距父凶六十日亦殞柩奉二
柩袒括幄哀皇皇焉如有求望望焉如有從而弗
得也杜門餒粥守先王之制嘗膽謨謀雪先人之
耻不知察院復按前事移檄復收柩矣由是司里
授鎖城旦詰門尹貳繫其妻義勇竭夫圍其宮執
柩苦塊之上械送大名張公勘問不卽寘之死刑

之若不能舉也哀隱嗟嘆之不足三月而後成獄
竊窺造化之私少之得其當以處柩爾卒乃不得
執政旨趣擬之大辟柩信知非張公本意雖九歔
猶不足報張公深恩也夫柩有二小弱子託宗祀
之寄未及而長子殤越數旬而次子爲無服之殤
夫殤下葬以夏后之塋周無服葬以有虞氏之瓦
棺也柩囚繫不能與二子永訣覆用蘆藁孔子曰
敝幃不棄爲埋馬也敝蓋不棄爲埋狗也由是言
之二子之葬視不如狗馬矣昔者延陵季子適齊
反長子歿葬於贏博之間還其封號之者三曰骨

極力形容
指之不容我
死之苦正如

肉復歸於土命也若鬼氣則無不之也夫聖賢值事
變猶不能忘情骨肉冀其鬼之隨已以終父子顯
幽無間之義悲夫古之君子皆然何柎獨於其子
生歟不相知若是哉書曰迪惟前人光施於我冲
子柎承前人之光無冲子之繼又何施焉詩曰貽
厥孫謀以燕翼子子且長沒何孫之能貽也夫柎
受木索嬰金鐵坐屏室之中無日月之明忘晦朔
之變腥臭觸九竅死屍參肢體稍解縲繼伏棘巖
之下蟣蟲如流結髮如約肌理不蘇胼胝紛紜之
皮搔之如雪下夜則檻柵交軋枕股之會鼠嘯於

願婦嚙於承權百足岐翹之蟲歡愉游戲於肘腋
之間少有關便則守禦者禁之曰噉叱而撈楚交
施於骸體之上矣昔絳侯下廷尉曰吾嘗從楚軍
百萬而心未能動殊不若見獄吏之已甚條侯坐
收不食嘔血數日死顧柎鄉里委巷之陋繩樞之
士而眈細之人也視此安得不寒心哉柎聞太史
公曰砥行立名之士太上不辱先其次不辱理色
其次關三木被箠楚受辱昔湯讓天下於涓子涓
子弗之潔也負石入水死伯夷思與鄉人處其冠
不正去之若將浼於塗炭夫視天下不以為潔視

傾冠細故若恐汚其身也。設使二子視辱其先祖，理色關三木，篝楚受辱者，思將何如哉！夫拂行汗名賤，卽死若九牛亡一毛，無所輕重於世，然自忍耻，湛溺苟活，溷穢之中，無恤消子伯夷之謂者，竊惟私恨有所未圖，報天地之大義有所未經，列如前所云云也。昔越王句踐禦吳於攜李，戈其王闔廬殺之，夫差使人立於庭，苟出入必曰夫差而忘越人之殺，而父辱則對曰不敢忘。三年乃報，卒敗越於夫椒，嚮使夫差懷君父之讐，卒有不諱，則越無曾稽之耻。大夫泄庸種蠡必不匍匐屈膝於巖

峪之間，其子女臣妾文馬珠玉珍寶之噐，必不陳於姑蘇之臺，闔廬之耻必不雪於九原之下。楚子滅越，椒也。箴尹使齊反，自拘於司敗，楚人釋之曰：存子文之祀。若楚子忍於箴尹之禍，若敖氏之鬼久矣，其餒矣。孟明視爲秦伐晉，再戰再比，喪師百萬，爲晉俘虜，逃之釁鼓之下，可謂辱矣。孟明以劔師禽將，非勇也；身死名蔑，爲天下笑，非智也。退而與秦伯圖策，汧雍之間，君臣合謀，開關出兵，東取王官及郊，濟茅津，封殺屍，還伯西戎，威震天下，再敗之耻，一鼓而洒之，使秦伯不悟過之，可使以立

功誅孟明以見法孟明不蚤見主之不留罪引節
 以自裁夫孟明髮膚與人同骨肉非有異衆之飾
 徒借草木比糞壤死矣安得彊秦之國功並五霸
 名與天壤俱哉夫柁抱不測之罪非有公輸墨程
 之智陶朱猗頓之富孟嘗賓客解難脫死之拯也
 生產貿易子無餘燼茂父子兄弟之親寡妻孤女
 棲食哇疏紡績之間柁恐就刑之後父母骸骨長
 棄暴露遠無收恤之主牧豎戲為蹋鞠牛羊礪之
 角獵夫鞭其朽過者泚頰睨視曰盧柁不肖抵法
 使其親陳列天地如此可哀也夫柁誠無面目見

先人地下俾夫差得專美於其前也竊又恐隊姓
 隕氏絕太公之後祖宗墳墓歲肯伏臘無一人陳
 菜羹奠酒漿者不得如楚子存若敖之祀也夫柁
 固有一死特以滅奴矯誣坐滅卻顯業廢事功口
 無食人之粟足無立人之朝一旦與螻蛄同斃歛
 恨忍耻長跪遠謝於孟明視柁何不拊膺搥髀流
 涕泣盡而繼之以血也柁伏覩執事為治大名農
 易其業女不忘機杼南鄙郊墟之民父老扶杖謳
 歌思化是召公之治也博物多識窮天地之文密
 緻理之極是子產之智也忠信明斷民愛不忍諄

無姦伏之心是仲由之義也夫執事被三盛德柙猶卧烈焰之中其焦爛之禍不能極聲號嘯以速霖雨之澤智之所不足論也柙聞古之君子聽獄致其忠愛以盡之疑獄汎詢有赦無殺柙雖不佞竊覬覦於君子矣夫先王觀風盡民情之變有奏獻賦詩之體柙不揆昧死述鄙俚隨書進聞維執事之採察焉柙頓首頓首

與陳一泉外翰書

柙聞往年執事受職走馬來濬縣時縣主尊重廉水習高其才不輕與物接明日始乘轎邸見執

此等文字全似韓歐矣

事之任既數日始戒官僚從事屬典禮進賀踰年柙或因執事春秋祭饗會食入公門於園墻窺視則縣主肅而入拱而出周旋委蛇賓主輕重之儀罔敢墜逸與前所聞者大異竊獨不知何爲而然也既而濬士大夫有所存問於柙者私道執事盛德恭愛仁賢道隆而思謙行顓而體備宏外而惠中有所叩則因爲之鳴以盡其節温乎如玉縝乎如金萃乎如芙蓉澹乎如秋水泛於塘澄霽而無所淆濁也曩昔縣主之所以盡禮於執事者謂非出是乎哉暨柙詣御史臺對發內黃見執事往來

山陰徐生等
此本頌才華

每伏謁道左執事忘其爲囚以鞭揮之曰毋執事
之聲音顏色始得接見尤進乎園墻之所窺識者
而前士大夫所稱譽果足以得其似也當是時有
能脫去桎梏加我以冠履法服令之得爲人其體
使能誦伸坐立其手足使能持行其耳目使能視
聽其禮貌使能揖遜退避其口使能道古今事變
明仁義陳帝王之迹而無已也執事憑軒而聽之
則必有可觀者今以刑僇之民爲世擯斥雖欲自
進已見逐於君子門墻矣柙又焉敢振金鐵亢明
刑揚其惡臭塵觸於執事之庭哉雖然嘗聞聖人

樂天而知命賢者守義以殉死智士不廢時以立
功所謂樂天而知命者道德備於已險夷之來非
我所致比利害升沉通塞之故舉弗問焉則周公
居東孔子圍陳其人也所謂守義以殉死者不幸
而禍變加我者或是與雖死以定分可也加我者
或非是與雖死以順受亦可也然則奚死哉死於
義則止爾若荀息之死節叔孫豹之守難彼誠深
乎是者也所謂不廢時以立功者畧小嫌以自汗
藏器以待時而用其道於天下者也畧小嫌以自
汗者所失者一節而所全者大分也藏器以待時

者權也。而用其道於天下者，垂大名於天地，洪濟萬物而大行斯世者也。昔子犯之負戈，管仲囚檻而顯齊者，非與夫。柎以盲昧墮死刑，誠見黜於周公孔子者，若荀息、叔孫豹，則爲其君引節。今柎緣讐坐誣，而罹之極刑，卽狗死其所守者，何義哉！獨柎罪章所載，一見釋於御史樊公，再見疑於太守張公，使有解倒縣者，得沒其齒，終其愚，則柎願爲伯臣執鞭，夫豈無膚寸之功，以謝天下哉！今特囚拘牢，猛去冠飾，而聯紕之，其體非復能詘伸坐立，其手足非復能持行，其耳目非復能視聽，其禮貌

非復能揖遜退避，其口非復能道古今事變，明仁義陳帝王之跡，假令執事致之堂陛，賜之跪，使出語言，不過頽然一囚而已。又安能決胷臆，開口一辭爲君子應對哉！夫柎淹獄數年，心思輻轉，每傳鐘鼓及獄卒喧呼警報，則便悸怖久之，始能定日間與囚徒雜處，或勉強一笑，不過亂愁苦，忘兒女思爾，非有所謂樂然後笑者也。使憂能傷人，則吾豈可以延歲月不死哉！比年來桎梏無晝夜，或爲文賦，腹藁成，則請於司圜氏解刑而後書，已則復刑以故，多鄙俗無足觀，然猶不以爲耻而獻之官。

府亦欲司命者知柎頗從事於斯免榜笞云爾夫
虎豹惡獸君子忘其兇穢而寢之皮取其文也今
柎克穢異於虎豹而有其文或者爲君子之所寢
邪謹錄舊所爲文五首賦二首雜體詩三十首託
諸生錢子萬選李子應宿敬上執事倘忘其兇腐
之質而寢其皮毛之文燭日月之光而賜之以不
死之惠俾柎求士大夫所稱與親炙盛德而叩其
鴻音則夫園墻之所見內黃之所得者愧然而失
矣柎父母五年不葬而二子一女死闔門蔑絕無
所統繼濟之士大夫固能言之今不敢贅唯執事
垂察

○上郝南峯吏部書

柎聞昔者荆軻入秦而白虹貫日白起滅趙師而
太白食昴鄒衍繫燕王之肆而五月飛霜夫精誠
變天地奸氣拂星辰此皆越等夷之幹造盛衰之
變關命運之會殆非人人可與揆咎而取徵也夫
德肖朝菌形類蟪蛄生如植槁梧亡若覆死灰然嚮
靡延長頸極號嘯以求託化育之意弛負擔之憊
夫誰有蹈赴湯火舉手投足拯死亡者哉柎聞荆
楚連城之璧隋侯明月之珠於越湛盧之劍屈產

齧膝之乘。此四者天下之至寶。使出自齊秦吳楚。大國必將狹重期之。觀崇華廐以養之。累踵曳跣。購千金而視矣。發跡於三家之市。則人之躡景昂目而觀者。纔百之二三。何則。語曰。犀象無位。出自驕貴。蕢草草履無然。下伍積居。襲之漸也。今柟木蓬澤枯槁之士。奕世編氓。業不出丘壑。綺縞不曳。體梁肉不適。唇繩樞。瓦缶長。大子孫閭巷不聞金玉之聲。勲葉之貴。擁貂獬乘魚軒。揚眉濶論。視猶土梗草苴。斯亦士之至賤者矣。爾乃負固陋之質。效矯世之志。遐思遠舉。立于百世之下。以竊慕于

千萬世之上。詩書飾小。愚禮樂誘言。志依附處士。乖忤權貴。雕蟲綺篆。於辭賦之間。銜玉不售。置吾家體用不適焉。於是乎上不能伏巖穴之側。考泉石之跡。以重明主之顧次。不能發經射策。効納忠信。以拾取緋紫之榮。下不能揆卜齮之計。逐什一之利。致富千金。爲宗族光寵。夫然後張目而劔戟森企足。而梁父峙市井。都遂之中。一陷穿網。罹之設矣。昔客有鼓瑟於齊王之門者。能使鬼神上下。縣竽不合。則人將掩耳而不聽。宋人資章甫適越。雖端凝冕裘。斷髮文身。則人將駭矚頓走。反目而

不觀諺有之曰衆口鑠金重毀銷骨而柎負違俗
之難抱獨任之釁挾搯壤而障江河則人有惜狗
馬之斃痛狐狸之掩靡不愛柎一死者矣况夫潢
汗瀆於鬼神鄭聲淫於師曠社櫟棄於匠石燕磔
笑於周觀誇渚崖而東面視惡知其不長笑惡於
大方也夫柎罪戾如此其大適遭傭奴之變而其
家益無賴圖致之死要取不訾之賄厚誣抵法之
刑尚賴天地日月得自明稱貲一年乃復皇網掩
其翮周網繚其膚申索繫其足垣鼠不避齧其髮
髭柎聞市塵之音商販歌嘆愈於鈞天之樂薄解
束縛稍置散地踣躑僂俯愈於帝庭之美出檻域
寢苦塊愈於匡牀之安藜藿之飯晨至而晡進試
以挺杖後食愈於紫駝之羹赭衣短褲不掩脛胫
畧備燥濕愈於魯縞之繒吏至喜則屈膝怒則頭
搶地雖太史公詬辱蠶室王嘉惕於法伍李固斃
身籬缺塗毒金鐵俛首垂涎嘑天椎心而流之以
血何以踰此柎聞蛟龍失雲雨則罇鱗波濤殞骨
泥沙士嬰禍羅則毀身亡名折節狗死今柎形辱
志降長謝洙泗則聖賢之逐客覽清聖之鑒則鴟
鳶之餘肉何地而不可委辱而柎含垢忍耻延一

夕之命苟活溷壤溺血之中不能蚤自裁決貽先祖之羞徼鄉里之惡者是非禍覬徼幸而利大於媮生耳竊懷蓄恨之積固有不瞑目之行故敢冒死上陳願執事憫裁聽察其至柎聞古人有言曰人固有一死或重於泰山或輕於鴻毛用之趨舍異也何則孝莫大於復讐統莫先於傳子士莫重於廣業昔者尚子行仁勇之事長驅赴難不能報伍奢之怨穆公屬國於宋殤搆戚黨之禍結怨諸侯不能定子馮之居子推汗世主之量高不賞之節燔炙介山不能樹管仲之功也故夫事涉過討

於前駟馬不能捷之於其後矧死生之際得失之大機柎固熟思而詳議之矣唯執事推心加聽焉曩者柎寘身園土出歸謁先人於淇門敞廬未幾而黃池之孽作黑山之賊舉抉垣破屋戕先人而火其室先母垂白髮號哭不逾時而逝者豈非悼痛先人不首牖之故哉夫柎孤立無兄弟犬稚甫九歲卽亡次子三歲亦歿死寡妻孤女孑然在室族人攘利變易不測竊恐栢舟不可爲誓陳人之媵或加於我盧處子矣柎聞墨翟棄室而說諸侯百里奚鬻鬻秦而相甯戚飯牛以干桓公此三人者

豈竊世主權利富貴取聲譽天下哉要之各乘時
奮智行義達道樹勲業爲不朽爾夫柎自稗齒學
章句長而被儒服誦法周公孔子之道思欲附會
古人效駑鈍之姿蹇步鉛割麤有所建明於斯世
也然瓦礫之材璞匠所棄制科之不收縉紳士大
夫之弗齒中風狂癩觸昭憲之網弗出者三年矣
柎何遽死而不急聲焦嗥於執事左右哉由是觀
之舉子推之隘者則士不宏跡宋穆之謬者則統
失緒持尚子之操者則狗近名孝不寬昔曹沫將
魯不死三敗之辱于柯之盟則挾匕首劫桓公歸
魯之侵地以雪衄師之耻今柎欲包曹沫之羞以
反三子者之見而後伏斧鑕之刑尸藁街之觀歟
然長逝少謝造物之私執事胡不少垂憐惜宏天
下恢廓之量忘其出身之微越於世俗之惡拯袂
水火雪淹滯之冤以成憤抑之志柎卽白骨復生
載覆盆而被日月之光者果誰之賜哉

○與陳龍泉大理書

柎聞物有異類而同情者故麋牛齧棘猛虎負隅
麋鹿走挺柎竊以爲禽獸之性怵於死不過惡中
傷血肉惜毛羽骨角而外不知事夫人則不然特

書河備極凄
楚可憐若不
知柎罹此何
奈何也

秀萬物善智慧悅親戚交遊急耳目四肢之愛臨
不諱之期陳取冠履故物羅列諸兒女妻妾滿前
執手喟喟語咕咕屬後事視禽獸無所省而死者
遠矣夫君子則不然任天下重器身百世之規道
誼未盡下見淆於閭里而上無王伯之遇不幸遭
變則含穢詘辱嚴周身之防以圖事未效視夫人
畧知省而死者亦遠矣今柁無君子之行而私有
志焉自愛於其死日者柁以傭奴故坐法御史樊
公察其誣而出之明年殷公按郡尋寘之死而柁
父母在殯啣不共天之寃絕宗祀之緒濶倫理隳

備極死囚
狀司刑獄者
情不動心

民彝姓名不著無補益於世與盜賊同斃於法伍
則柁安得不寒心酸鼻而死哉卽死不過於二三
禁吏之手與羣儻嗚嗚相悲咽而已又安得諸兒
女妻妾滿前執手屬後事哉且犴獄幽扃之地一
夫辜死則暴之數日始出落髮髭變肌膚巨鼠如
狼噉其面目甚則羣嘯抉腹噉其腸胃脂膏相靡
於垣墻之間是不得惜毛羽骨角如禽獸矣今柁
待死何以免於是竊聞禮君子決獄有赦重附輕
之義思柁骨肉無見笑於牛虎麋鹿則執事之賜
焉唯留意幸察

上吳少槐吏部書

楚頃襄王好畋獵。葵齧御人脛。州侯夏侯請從磔。葵楚王曰已。卒飼之。虞人之餼。莊辛見楚王曰。臣聞大王獵葵齧御人脛。也有之乎。王曰有之。曰王之葵孰與於王之御人。王曰御人貴。夫王不賜之。磔也已甚矣。而復予之餼。此王率獸食人也。楚王曰先生之言諄。寡人奉先王社稷。雖不肖。豈敢比於率獸而食人。曰者葵將烹寡人。已令處葵深宮深宮不逢不若。誑虺之厲不敢爲妖祥。此葵之桃塗者也。它日葵在朝。暴客邪佞之徒不至。持戟宿

大手筆力挽千鈞

書中用事設
而論所
制之律文也

衛之士日事高寢。此葵之泰阿犀甲堅城方池者也。又它日葵出郢超黔中。過夏州。還獵蒼梧之野。軼熊虎。驅豹裂腦。血鮮于巖谷之間。窮軀彊幹之獸。東走齊青丘。境上此葵之落。盧矰繳藥銛陷。穿之利也。夫葵備三能。寡人弗恤。從貴人之請。是磔三能也。寡人何靳於虞人之餼。莊辛曰善。王之已也。存葵三能。夫柎齧僕人之脛。讐家因矯殺之。厚誣之死。執政不肯深原。論曰抵罪。此葵之將磔也。甚矣。夫負死罪待磔。誠不足惜。竊悲夫先人暴露。二子就亡。盧氏之鬼將乞食於誰之原乎。執事誠

巴柎死。編名司里。保副之間。讐服犯教之民。如驅豺狼。柎且爲鄉里。桃塗。燹矣。若不獲命。願賜徒配。遠放焉。處都會。監門持戟。禁呵國之姦。細柎。殆亦爲要路。秦阿。犀甲。堅城。方池。燹矣。抑亦徼惠。太公之世。得賜流竄。荒裔乎。抗旌西夏。還戍漁陽。礪劍飲馬。長城之窟。使旃裘引弓之民。不敢南向。牧馬柎將亦爲國之。落盧。矰繳。藥。銛。陷。穿。之。利。燹矣。夫執事憫柎一死。聽命以圖事三效。此豈獨楚燹被顯惠。蒙福澤於頃襄王哉。

上張鵝山侍御書

父覆扶柎似

柎繫獄。刑罪深重。蹈不測之誅。忘日月晦朔之變。形貌銷穢。伏棘垣而待鈇。鋌者於茲七年矣。然猶

柎。底。覆。書

不揣。輒上書當道。自明以求幸。納於速化之域。是非獨愛狗馬之命。故爲是謀。謀爾誠以事實極枉。

柎。退。之。云。子

議者因緣文致。不肯平反。卽柎生不能辯。一旦陳屍東市。飽鴟鴞豕犬肉。滓旣化。則柎又安得以浮。

厚。不。久。窮

游。氣往來於王公大夫之前。開口一雪其冤乎。

不。極。文。學。辭。章

由是進退無據。慌汗號呼於鼻。鑊之間。以畢其餘。

益。工。作。矣

惘而敬聞命於下。執事柎聞傳。舜爲天子。臯陶爲士。瞽瞍殺人。如之何。曰。執之而已。爾夫瞽瞍天。

子之父而臯陶執之爲能用法焉設使匹夫匹婦
惟無妄之刑事可議也情可疑也獻讞之辭不能
持其平也則臯陶將惕然弗安若已推而納諸溝
中申其誣弛其刑不正其辭不已也然則臯陶何
心哉母亦曰法者受之天者也士師者奉天之法
以佐天子者也吾執法能無天子之父而不能恤
匹夫匹婦之冤敬於大慢於細褻天之法士師之
罪爲有大焉爾故其言曰天討有罪五刑五用哉
又曰與其殺不辜寧失不經是則臯陶而已矣柁
爲僱工人張杲本家圖死縣官以私怨寘之大辟

暨柁奏辯下大名張公勘問仍作僱工今大理駁
章曰張杲之死似非一人一手所能致恤刑覆勘
曰本犯執稱毆死張杲係僱工偷麥堅不輸服是
誠其事可議焉矣情可疑焉矣獻讞之辭不能持
其平焉矣設使臯陶見而覈之將執其法而遽殺
之歟抑亦申其誣弛其刑正其辭而原之歟不然
何臯陶嚮昔施於匹夫匹婦者今獨薄之於柁是
豈士師有二法乎哉或詰之曰子言誠似矣然子
文案連抱窮年之獄孰肯忘上下之嫌子立以救
子哉柁曰不然獄文誠無所疑在所不宜開苟有

所疑雖百世之下猶或非之况乎數年之事是非之公尚可問之三代直道之民也邪昔者梁人有繼母殺其父者而其子殺之有司斷以大逆孔季彥救之而免南康囚法不當決監司欲誅之周茂叔擲板於地將棄官歸而卒全其人是二公者浩然之氣直塞天地故於今不衰焉邇年巡按胡公按郡諸公救柙曰冤胡公曰此卒不可殺以待來年察院爾柙愚雖不見明然感天地覆載之恩者未嘗不耿耿於懷也何獨私念孔季彥周茂叔云執事盛德遺愛流布魏郡南鄙之民被照臨者仰如天日柙固竊處園墻恒切衷私孤子之望父慈女之慕母不啻過也緣執事在古臯陶之位故柙得以臯陶之說進輒復忘其臭穢敢獻俚辭文四篇雜體詩四十七首畧抒冤衷唯執事垂察幸甚幸甚

○ ○ 與耿忠菴進士書

孟冬十六日臺人某來揖司園氏曰汝爲我語盧柙屬者進士耿公過濬訊訪而冤狀曲垂愍痛諸所云要旨謂斯世縉紳元老諸公憐而徇馬文辭早晚消息得原報柙愚聞此伏地叩頭泣血下曰

柎不肖弗遵師訓蹈履乖妄鬼神恫怒橫被譴厲
疾首園門抱不測之誅爲名教所不齒者於茲八
年今耿公乘驛傳未遑稅鞅遽賜問一囚抑不知
柎以何因緣得見幸如此然柎知有所感矣請敬
陳之夫天地萬物交錯水火相薄精氣感通象類
流動各以召應故易曰寂然不動感而遂通天下
之故樂記曰感於物而動故形於聲夫感通固神
化之能妙用符契之機也獨無觀於會稽之山夏
后氏之穴焉爾乎隴隘嶮岈寥乎其深虛也不知
天地氣至則洩靈稜出雲霧變化虬蟻盤旋如車

莊子曰夫精氣
其小者也美雀
因是以俯囑曰
此程云、文法本

蓋旗幟盡幻怪於山谷之間嚮之靜淵者轉而劃
然軼蕩也夫夏后氏之穴其感之微者也因是知
豐山有九鐘焉邈緜曠漠偶乎其塊獨也不知夫
霜降氣凝轟闐雷觸天然自鳴於大荒之野朝遊
乎瓦礫夕諧音乎玉磬轉移之間比於師曠之耳
夫豐山之鐘其感之微者也因是知沙丘有鳧鳥
焉秋深蟄籟口向宿不知春社旣臨儵然竊杳愚
入華屋少出於琤奇花木之間冷然而乘清風飄
搖乎太清雖有落盧矰繳之施弋人將弗加乎其
上矣夫沙丘鳧鳥其感之微者也因是知燕臣鄒

衍縲頸繫獄頽乎其刀鋸之髡鬲鑊之截也不知夫昭王感吁霜之事按劍解顏尊爲上客卒之推運五德談天地四海九州之蘊吹陰谷之律使五穀繁殖夜爲虜晝爲賓夫燕臣鄒衍其感之最著然尚違遠而難言也因是知今日之事柙嘗受誣大辟伏金索貫三木與盜賊妃伍惘乎自分爲天下大僂也不知夫耿公方受命南還揭旌黎侯之國而威馳乎燕趙之外觸臭類存寃僂令柙違去塗炭存先祖祀畢少壯之志雪一劍之耻然後仆質橫分以身首謝士夫卽柙瞑目而耿公之德已

塞乎天壤矣夫柙囚居九幽之地有內死之心無外望圖生之意臺人云云蓋耿公感之以天也而僕長跪遠謝動之以人也夫積誠弗竭則著之言辭言辭之不足則據之以爲文孔子曰言之無文行之不遠謹以荒疏并舊作四賦十冊敬上伏唯高明垂覽焉柙頓首頓首

○ 上晁春陵內翰書

前五月內節判馮公來署濬事之三日臨獄閱囚出明公所示手書文采巨麗懇惻過甚皎乎如春陽溫乎如挾纊旣枯之骨勃然復興此誠造化生

育萬物之私非世俗偶然一得之效也。柙愚不勝
愴恨，伏念五六日抵於旬月，精爽淪喪，慌惚如失。
東望稽顙，渺無涯涘，竊唯載古在昔，賢豪之士顯
於側陋，若侯生見顧於夷門，馮諼蒙任於薛邸，毛
遂脫穎於趙庭，薛公納春於旅次，是皆感會風雲，
遭際世運，適見龍之時而受知於大人者也。繼茲
以往，世道交喪，玄纁蒼壁之儀加於世胄，丹書赤
訓之章不出侯門。陳平之巷絕長者之車，韓康之
廬乏束帛之爻。過此而言，取士於管庫魚鹽之間，
者吾未之見也。矧夫弗潔之囚，三木囊頭，長錮犴

此恐人以此為
有林無行也

獄者哉！夫虎豹之皮，人取其文，而或畏其兇；犀象
之骨，人愛其材，而或惡其穢。是非虎豹之罪，皮與
骨固足以厚人之疑也。柙以傭奴故，致晉師三豕
之疑，涉樂正夔一足之誤，陷法象之地，備撈楚之
辱。殫周勃之金，嘔條侯之血，蟣蟲生於肘腋，胼垢
長於肌膚，縣衣如鶉，結髮如繭，節留暮秋，獄草委
歇。仰視鴻鴈，嗞嗞南翔，思欲振羲和之轡，頓六龍
之首，折若華於陽渚，躡倒景於崦嵫。天路永遐，喟
言莫昇，神往形留，我勞如何。昔稽康以忤權而臨
刑，蔡邕以浩嘆而當僇，陸機以膺譖而致命，彌衡

以抗俗而膏鉞此數君子者功成行著生則縣名
於霄漢死則垂芳於竹帛長逝瞑目夫復何恨哉
若柎讀書幾三十年叨光於禮樂之域獵芳於詞
翰之林上不能效駑蹇之力於當代下不能立清
修之譽於鄉閭徒以曾參殺人之謬與盜跖聯頸
而死嗟乎人生至此能不悲哉顧念形影寔知克
穢柎竊自分當爲世所棄又安敢蓄不訾之懷望
大君子收恤明公道塞二儀光照四海奎璧之章
格於上下鸞龍之文奮乎遠邇將使徐陳奉轡應
劉扶轂屈原擁篲於前子雲擔簦於後此足以徵

明公天挺之聰顯昭代人文之盛矣今上注意
翰藻明公制作實回聖眷雖漢儒白虎石渠之遇
茂以踰此夫盛德顯位巍巍如彼令聞廣譽赫赫
如此然猶投人夜光徼福囚虜慰冤寃於梧丘解
貳負於石室垂太息於幽垣示昭曠於天下孟嘗
平原信陵諸君號稱下士未易幾此柎感恩無地
敬敷委曲臨紙拭涕痛深心骨唯不惜帷蓋終惠
犬馬益幸

○與孟龍川書

龍川執事莊周稱膏以明自銷漆以用而割樗櫟

用莊周語一
孟龍川書到
底是大力星

其秦漢人
也

之材以癰疽不適用而壽竊嘗笑此語為不關世
故墮四體偶槁木土石能言誤斯世而已及觀夏
商末主殺龍逢囚箕子剗王子比干彼三賢者視
死如往明惟恐其不銷也用惟恐其不割也未嘗
假以癰腫不適用而壽則信乎周言果為過論也
夫龍逢箕子王子比干樂然而死者其道誠有所
重故生而有不用爾曩使苟於殺身無關綱常倫
理之道此與匹夫匹婦自縊於溝壑同彼三賢者
尚肯銷其明割其用潰其癰疽徒適用而弗壽邪
然則周之言或有可取歟今有人薦高第職在司

此周言為山

此周言所為
是

微名起后
下云文章
富禮上冷語
文字中得此

諫或監察御史給事中官犯顏直諫膏身鈇鉞與
龍逢箕子王子比干遊則亦何恨於死也若乃讀
書行道身未荷人之祿手無析人之圭徒以讐者
文緻矯誣啣冤抑負明刑與一切盜賊奸宄無賴
之徒同斃抑安得不有感於莊周云僕繫獄事本
末執事悉備而我盧氏在濬世世業農無公卿朝
士大夫顯貴故僕得罪後無一人肯援手者而僕
亦不敢出私怨言分定故也假若趙盾受械狐偃
當繆柳下惠城旦子臧季札充匠作子產季良叔
孫豹石碯擬流竄有力者坐笑而觀之彼數君子

歐陽文忠公集卷之二

三

留

若名者明
可嘉
戚之疏
此望盡
右故也

者能無怨乎哉夫其怨者戚之也不怨者疏之也
戚之故民無所不致其愛也疏之故怨而有所不
屑也奚若是分定故而已矣今世大人君子有能
興哀於不報之地僕得未減遠徙邊塞汚胡虜血
刃死爲國殤雖未能從龍逢箕子王子比干遊比
之徒死園墻無分毫効力當代者不亦遠乎哉私
念至是前莊周所謂愛其明惜其用守癰腫無用
而竊壽者僕誠無取焉執事以爲何如屬者聞執
事於王四府耿進士前極稱僕見誣狀又出所作
四賦塵上此造化生物之妙也銘刻銘刻持去滕

此又况周
非微歸奉
健吏舞文手

此存父字
傲報獲武
上任少卿書

王閣圖乃正德間山東馬生手所摹者尤工緻其
畫額記中語率僕寓言執事一一詳之始見不知
其肯爲僕一雪涕否也令器朔平華平俱才識高
邁恨不能相見語唯執事善教不枉其材幸甚

與王鳳洲郎中書

構負質犬馬不能操執有所自立中風狂走傾跌
谿險釁疹所積卒與禍會往年謝逸人四溟狀構
冤誣明公哀其侗愚爲構白請上官蠲出垂死之
齒既又爲之詩以誌喜音節愷亮寄情悽惋真可
以借金石感鬼神令人讀之嘔嗔心腎流涕垂血

無已也。柎承此北嚮叩頭，不勝愧恨。竊謂柎刑僂
小人未嘗接待大君子，顏範而荷眷如此，獨以往
時犴狴森密，無由裁報。中心愴熱，忽忽彌年。今始
脫刑網，伏跡茅茨，將飾固陋之愚，款則辭蹇而瀆
聽，鉗口是尚，甚非仰答鴻鈞播物之義。故敢畧陳
微悃，唯高明採察。柎家世農畝，無王侯卿相之貴。
黓雲焰薰灼之勢，繩樞瓦缶長大子孫。獨柎顛蒙
廁諸生講席，曾不能以此時對揚三策上。朝明主
又不能資藉夙儒鑒視已之毫髮，恣睢傲物，獲罪
上下。斯已自分投跡豺虎矣。庚子歲，傭奴狗盜本

家排場巖墻撲死。時賢不察，寘柎極刑，囊首鉗足。
囚鞠幽室，惡吏好貨，榜楚毒至，吞聲飲血。苟活於
溺溷之中者十二年焉。夫柎始之以嫚斂之罪，繼
之以殞軀之禍，濟之父兄信雖仁賢，見柎如是，固
已視爲螻螻之肉。而柎豈望全其首領，復拜祖宗
之墳墓乎？明府小峰陸公蒞政之初，篤察冤抑，爲
柎平反，窮辭極力於臺憲之際。然後氛霧再廓，天
日迭見，嗟乎！時旣逝矣，魄旣澌矣，忽焉來復，此何
世矣！所恨二親並暴，三子同喪，終天永訣，弗克臨
葬。出獄之日，託跡閭閻，偃仰穴繆，傍徨四壁，臨日

柎、羅獄當
待援、者未
爲多人、猶備
柎若楚十二
年乃脫何如
出陰徐渭述
獄後五十年
六不、司、受、茶
苦如、甚、士
同、百、章、不、章
式

顧影悄然傷寃，煢煢之思，勞積曷已。昔楊子幼，既
貶斥，謂小人全軀悅以忘罪，彼特以荒淫自娛，良
未極。夫此爾歲凶，濬邑猶甚。柁妻女八口，親舂糠
糲，拾鳧苳草根以供煑炊。夫數理所不能過者，雖
大聖亦不克免。仲尼天縱，至其變也，厄於陳，蔡矧
柁齒，黜之末。夫復何所云竊？又恬於利勢，每讀烏
保猗頓傳，見其賤市貴，販逐倍萬之利，輒汗流被
面。貴人之門，耻爲曳裾蓬箔，煙囪舉目言笑，非唯
世之喪柁，柁亦喪世矣。縉紳先生見柁如是，哀其
窮時時存恤，而柁亦逡巡惶惑，不敢出見。諺曰：焚
其齒，曳其尾，伊誰之耻。斯柁之謂也。抑予又將何
所怨懟？柁鄙穢，誼不敢以此言進者，仰惟明公嘗
出柁水火負戴之私，切於夢寐，其處已行事，恒若
慄越，惟恐不能奉承德意，以傷公知人之明。惓惓
之衷，冒死上聞。外錄所作文賦詩共三卷，隨楮呈
覽。乞叱入裁教，幸甚幸甚。

與申洹野書

伯樂適燕，燕王請見，曰：燕雖小，固冀北天下之馬
藪也。寡人有馬，願先生相之。伯樂曰：喏。燕王召圍
人，擗上乘以見馬，肥而茁，潤黃金白璧之光，流於

此戰國策士
也主於激
非其人激
矣

月題伯樂曰奴馬飾之爾明日擗中乘以見靡鞭
筴絕兩銜介睨騰躍而矯齧左右也伯樂曰駢馬
不可御爾又明日擗下乘以見濇溺膠其腹菽汁
液其髮骨象峻嶒進之如有疑也退之如有思也
俛而噴仰而鳴若有所言而不能也伯樂改容變
色一舉而三失走見王曰臣相馬三日一不中法
今見王之下乘以夫下乘固天下馬也而王斥之外
廐毋乃枯之皮毛而不能索馬於牝牡玄黃之外
乎燕王曰謹謝客寡人弗識也夫今天下之士華
言善服者居上乘奔利據要者居中乘言衷行成

再上李東崗書

上微君相之遇下見困於艸直泥塗見惡於鄉里
者居下乘以足下於貧賤之士則延之於閣賓為上
客賜之坐及之話言足下胡不枯之皮毛獨能索
士於下乘以哉子相士之伯樂矣

柎聞魯使人於宋踰梁父之險捫織葛陟鴻崖俄
而力屈絕援墜大壑中三年飢茹松柏之葉而渴
飲霜露吸夜氣風雨之所激射虺蛇之所吮齧山
精魑魅之所揉捽艱苦殊狀其濱於死者數四矣
然其人極聲號嘯求拯於途旅往來者然皆聞之

去而弗顧也。間有顧者，不過攀危木，踐滑苔，側身俯首，矚視，嘿然駭慄，輒引去，不抗。然卒未知其人死與否也。明年，魯人伐宋，攻其城。公輸子載修具，贛輶器械，往過之。而其人猶存，活力疾，噓之不已。公輸子垂長綆，千仞下，飛櫓雲梯，以致之。其不及崖畔，而康居者尋常尺寸之間，爾然。微纒中絕，愈益墮其人，幾死。夫然後知命之窮極，理數之未至。終自恚憤，至死而無所仰矣。柵籬昔不遵師訓，陋寡聞道，瞑行徑，趨傾跌，殞仆沉居，圜墻之中，食惡糗糲，飲蜚毒之水，金鐵鉗其脛，蟲蚤蠹其膚，冤厲

嘯嘯之鬼，振於夢寐，震嗥哭而望救於世者，於茲五年矣。然亦有聞之弗顧者，有顧之嘿然駭慄，引去者，竟未見其能披髮纓冠而往，拯之者也。往年執事自諫垣臨治大名，柵竊私心喜之，曰：李公位隆德盛，道光而化，普行獨而思淵，浩然之氣塞虛天地，執造化之契而施再育之恩者，此其人矣。於是仰首長鳴，極其聲而號嘯之時，御史胡公行黜執事，慨然與張公吳公明其冤，而抗棊之益力。雖公輸之救，曾使不過若是恩也。向使胡公少有察薦，天隱之意，出柵幽谷，濟之崖畔，以抒執事一夫不獲之

收拾結案字
漢人書統神

憂抑亦何損於政而乃隳柙淵壑踏躓彌年雖興
哀望至竊恐公輸厭聞而長往弗顧令柙陳屍坑
谷喂野鼠鴟鴞宗祀滅絕妻妾改醮則先人之柩
誰能泚頽睨視覆以一杯之土哉夫柙罪文始末
執事已悉今不敢贅但張杲實柙傭人彼家排墻
撲死遍體傷痕夫豈柙一人一手所致佐見俱悉
苟訊及之其情立見矣今刑部駁章覆勘坐此齟
齟乃張公復令濬縣勘問夫積獄旣久若使下官
奉承刑部風旨羅織成獄是猶重關金墉而固之
以鍵又安知死所哉伏唯執事聞公輸之仁哀墜
壑之難接之長綆飛櫓雲梯以慰柙極聲嗥嘯之
望庶使墜者不死塋二親之柩全妻妾之節長育
胤嗣以成我執事興滅繼絕之惠柙少長一日畢
盡志願執事所賜豈有涯涘哉

蟻蒙集五卷

貳

蟻蒙集卷之二



黎陽盧柟少榘著

啓

為濬諸生留賢令陸侯啓

濬學生某等齋沐企悚謹奉啓大台輔侍御揚公
臺下某等頓首頓首死罪死罪某聞有虞膺曆而
咨命羣牧夏后宅揆而式叙九功哲懋官方業閱
天緒聖神罔極茲焉託始嗣是載往雲涌川徂若
公旦報政縣魯惠於優渥尚父奏功捷齊聲於標
亮漸摩淺深之術胤祚興衰之運世固可得言之

矣昔子產蒞政訛言屢騰滋世殆久詠歌始暢幸
使楚師望塵於溱洧晉人捲甲於曲翼由斯論之
履任久暫之效不可誣已且夫卓茂遷密境絕飛
蝗牟融宰豐治存異跡史雲萊蕪釜魚蜚唱孔奮
姑臧盤蔬育馨蔡彤偃師詔書增秩劉陶順陽童
謠發嘆之數公者權僅百里之用秩非萬石之貴
囿時奪物職豈無由夫泰山之坻詎一朝之雷城
門之軌非兩馬之力聖人又適其道王者期世後
仁稽古載昔風猷弗舛爰惟有濬寔衛故墟河山
相薄兩暘互患夏燔槁燼秋旅魚鼈杼柚蕪薪鐘

庾糞穢國賦報征官師淆亂男女劓劑馬牛通沒
困頓狼狽流離貿遷櫛宇之餘鞠爲禾黍娶婦坐
嘯野哭晨興村塢蕭條痛心在目雖賢俊繼踵頗
加損益然宣尼不著世喪道矣介石獨往皆懸於
守經者也有人皆守經則天下幾於無權矣是以結
繩之政治秦則柰干羽之舞敵愾則靡何者勢窮
於不可用則用者退事適於不可禦則禦者來若
廼昧淮南墮髮之論眇孫卿百仞之旨執閔損仍
舊之談陋董子更張之喻行類刻舟智侔膠柱相
時之噐殆其不然竊惟濬縣知縣平湖進士陸

肇自下車識量洪邁治俶烹鮮法由社鼠疑思風
草流潤脂澤功緒宏綽名紀父老故其建學興師
首先風化恢啓金墉綢繆厩宇浚流距川駢歸閭
族讐校驛傳蠲除里需藉賑備荒貸種通畝流競
駭賄靜一奸宄罷斥山石裁抑傳置捐俸養老分
祿賻士甄表忠貞洒雪寃獄是皆命世成務反經
合權行昭日域恩曠天波銘表太常之旌功綴羽
陵之簡豈徒郭子賞識許公亮鑒而已哉是歲十
月陸以三載考績如京咸曰上當見留上當見留
則濟人鮮終矣濟自 孝武皇帝以來靡敝不振

尹是邑者若上饒工部侍郎楊公鎮以廉介太原
監察御史魏公持以公方然卽政非久鴻澤未究
輒見擢去陸之前事稍集方期大效殫之歲月乃
可底績若使政訖小康功虧一篲長未洗之瘡痍
亟轉加之塗炭民命弗堪亂離斯瘼我心悠悠謂
之何哉夫超絕窮壤非尺蠖之力馳騁千里必駮
耳之駟終陸之政希陸之人時或改轍償功立見
屬者公車告啓攀轅若在驪駒戒路截鐙如存闔
境髦倪傾方士庶人蓄怨慕家懷訴書惶走交頓
翼陳魏闕昔寇恂河內願借一年焦延小黃乞還

舊職以今方之何有乎爾或乃製錦方純遂斷機
長往割雞未竟卽解刃弗顧甘棠虛召伯之思緇
衣勞武公之詠甚不然矣夫萬物之所不通聖王
因而不奪長譽以顯朝著之用何如好民以樹藩
籬之固夫賢哲善世民所弗能忘也黜易漸危民
所弗肯遂也奪其弗忘與之弗遂是謂政盭是故
朱絃洞瑟希世之音師曠之雅好天球琰琬秘異
之珍宗廟之至寶也賢人君子民之愛也亦然某
等素荷德教樂育菁莪猥榮桃李簡勞至公愛而
無厭輒敢進聞儻以秕謬之言枉垂聽覽矜其所

懇進呈 聖裁特停選擢俾以原任衙門從事則
燹章無毀治化有終遽爾不效治某以誑諄之罪
不勝丹悃屏營之情謹具陸知縣十八政隨啓奉
白某等死罪死罪

記

○ 滕王閣圖記

柘少聞南昌當吳楚雄鎮而滕王閣則俯瞰西江
延引甌越瑰琦絕偉爲東南樓觀第一及讀王韓
所爲賦諸所稱引益竒常自語以爲當及壯遊往
視造物之妙於所謂滕王閣者庚子歲柘坐傭奴

是工於構
思雄於造
文者

事擊獄秋九月巡按監察御史樊公白其寃平反
明年殷公追寘之大辟由是愈益錮其身不得之
南昌觀滕王閣矣戊申山東石公以明進士治濬
加恩囚儻構法少寬因市諸所蓄故物得畫一卷
曰滕王閣圖自閣道始傍達連房阿觀旋室媿軒
離檐倚棗戟翬翔翥於霄漢之上怪石幽篠危松
蒼然護映屏障俱點綴人物山水圖書象態呈露
咸極巧麗獨恨僮僕數輩不可役使黃衣客兀然
吹笛無聲焉爾閣陰穹山嶄崿橫碧黛綠騰赴環
抱流泉瀦沃會爲洲滴石衣萍藻委靡悠然而可

賞者是誠天作地藏以助茲閣爲天下偉觀者也
於是撫卷慌忽若失縲紲栩栩乎若馭雲駟而超
越江漢飄飄乎若遺浮埃之表搏扶搖而游覽於
閭闔也廼知嚮昔王韓所爲文賦不誣而構亦得
覩所謂滕王閣者竊償其私願焉夫滕王閣構未
之見所傳圖畫又未知真得肖其形與否今遽喜
躍爲慶幸如是設使構誠得一凭覽盡浮南臨觀
之美卽當乘元氣遊六合灑乎長往與世相棄豈
直今日苟活爲僂囚依園牆溲廁而已邪構幽拘
多感每戍卒更翻至則道故舊事或曰某游宦業

美田蠶園宅今丘墟矣或曰某見某服輿刀鼎奇
器在若州縣蓋售之也或曰噫某死矣其子孫不
能享有富貴窮且丐也嗟乎柎待罪七載視猶瞬
息斯世已有陵谷變遷之意而滕王閣獨淹茂吾
廬無聞於縉紳士夫是不幾昧於天道往來消息
盈縮之理歟假令斯畫爲匪人有不過資覆瓿之
具抑安知是圖清淑之靈於柎無啣而吾燭物之
智不見晦於滕王閣也龍川孟君思才儁豪爽尤
深畫理於柎齟齬友善因持軸語之曰是宜與君
卽柎不幸死君可日我其下以慰吾滕王閣之思

幸而見原則吾與君觀天下形勝登會稽涉彭蠡
泝洞庭越衡陽臨漢水以望方城獵雲夢窺荆門
下岷江還行淮海之間羆鼠所隣蛇龍所居歷幽
顯崎嶇之觀以求所謂滕王閣者周章而徧覽之
柎雖駑蹇尚能爲君歌詠其事舊所藏圖畫烏足
爲之美歎云因戒之曰去汝好適孟君家待吾考
訂姑作記與汝別

世義堂記

秦皇帝令烏倮比封君以時與列臣朝請而巴蜀
寡婦清亦以資見容爲築女懷清臺夫倮畜牧長

是善字漢
文者人只
學得史遷
發箇字根

耳聞以竒繒物獻遺戎王清窮鄉之婦賄財免侵
犯俱未嘗顯德澤物益當代而乃禮抗人主名敷
四海者何哉周人都河北走汴宋汴宋天下一都
會也屬杞東賈齊魯西賈上黨南梁楚北趙中山
饒材木噐用魚鹽筋角漆絲卮丹沙銅鐵連犀齒
革珠璣瑋瑁農工商賈率歲巨萬息故其民豪傑
富者穀千斛釀千石帛續紈紬千鈞錦千純薪藁
千輛艘千引馬千蹄耳虔牛羊驢彘千齒減獲指
千鮐鯉石首千醢夏屋千楹菽墾膏腴曠千萬畝
則負氣任俠巧悍爲一切不法丈夫相遊戲悲歌

忼慨怒卽相超距椎擊或居訕訕善罵行姦蠱視
蓋不如保清之適用財守其業自衛也獨杞巨族
張公欽廷恩氏幼岐嶷好學濶達寬緩足智好議
論嘗以忠孝大節自許可語其人曰吾治生猶伊
尹呂尚之謀孫吳白起用兵不足效也乃取之以
權斷之以勇守之以仁義久之家遂不訾弘治中
軍儲告乏廷恩以八伯金往助邊天子嘉之授
昭勇將軍宣武衛指揮使是後歲屢歉前後輸粟
六千石金千餘兩巡撫李公俱以事聞詔下附國
史又出遠田六千餘畝給無力夫家留邑田三分

之一供餽粥由是夫家子孫能免饑寒者無不感
廷恩德云廷恩既卒二子長希仁次希義希仁嘗
爲國家捐金五百兩粟一千二百石助賑巡撫潘
公奏績詔旌其閭授指揮使卒而希義承父兄懿
德尤克自愷金能振施成名家閭閱以故長女爲
周康王妃康王府屬有以罪逮繫者或求救遂絕
之曰惡去吾以禮輔王是豈可受干謁者里人鬻
女償逋責希義問之曰所負幾何對曰五千緡卽
與錢五千贖其女人有稱貸又不償則焚其券約
三千餘兩而士大夫假藉者無算焉戊戌秋黃河

決縣官卒不知所爲希義出錢五萬募夫塞其灘
嗣是軍國不給則接撚輸粟三千八百石而巡撫
河南都御史徐公魏公俱以疏上自兵馬進階指
揮使賜三品服色嘉靖丁未秋七月希義以疾終
于家子三人長曰衍祚美儀度尤精藻鑑處事咸
中肯綮談仁義樂道詩書傳載通籍諸侯擁蓋拉
鞞束帛之幣屬望於陶睢陳鄭間四方文學之士
爭與交游無不欲望見風采蓋翩翩然佳公子也
次景祚胤祚其所著與兄伯仲孫一人曰樞雋逸
愷爽篤志力行無異於諸叔語曰君子富好行其

德又曰侯之門仁義存跡張氏所傳累世善祥今
親見其後如是彼烏寡之行何爲哉夫富者人之
氣勢所關匹夫得之可以雄斷鄉曲權奪卿相力
抗萬乘者也今夫百金之家一當意則汔所有以
誇閭巷飾冠劍連翩車騎爲富貴容市駿馬走狗
弋射漁獵與少年相馳逐由是天下學士大夫聞
之回面裹足不肯與之言其視張公子孫世義不
亦甚可羞哉詩曰貽厥孫謀以燕翼子易曰有子
考無咎蓋張氏之謂矣

序

○ 贈郭增序

乙巳歲濬醫學乏承羣醫白之令令曰人無恒心
不可以作巫醫夫天能生民不能時其飲食節欲
於是虐授之父母父母能養民不能察其寒暑六
淫宣洩之宜於是乎授之醫夫醫固所以寄民命
驅慝癘而安吉祥也孰克膺茲命羣醫曰郭增氏
可令召增問之曰卽令若掌醫其何以供事增曰
藜輿藥之材取必菁華達必性情盧扁之所推也
可以供事與令曰麤跡雖足以衛民未可與善政
增曰表裏六脈洞察虛實聲色喘息不敢怠逸黃

手
親
苑
孫
深

帝岐伯之所問對也。可以供事與。令曰：敬通而思，
惠可與善政，未可與無方。增曰：淵默潛通，守一弗
易行乎神明，達之庶績。宓義氏之所以善世也，可
以供事與。令蹇然曰：此聖神之化也。狹士之所以
褊心若馬，得有是夫。命掌醫政，於是增乃教膏醫
和衷、癰醫、眊標、耆醫、養老、穉醫、慈幼、媪醫、釐婦、瘖
醫、資獸、鳩以空青、硃黃、犀象、茵參、勃澣之殊，以辯
盧扁之用焉。質以玄脈、肥脊、五內、升沉、吟思、癩夷
之寓，以極黃帝岐伯之旨焉。顓以鴻潛淵嘿，旁通
裁運之機，以知宓義氏之化焉。靖虜癰疥潰虜，縣
疣仰虜，戚施馳虜，滅趾邑用康福，國無昏天，札瘥
之民，繇是對養於父母，以合生虜。天命之曰：天醫
以復於令。令曰：善。遂世掌醫學事。

贈劉丞赴興州經歷序

明有天下，尤謹於東北西三陲。四方歲時，職貢京
師，馬類千萬數，而太僕遴選中式者，則嚴符券，飭
司養以備三陲庸調，或夷狄猖獗，將士得馬長技，
則能輔轡成大功。國初濬編，厰馬幾千伍百匹，
春秋例上太僕者十之一。有司以是爲重，請設丞
一人主之。訖嘉靖丁亥，大臣議縣官經用大空，宜

損冗貪節用奏罷可由是濬徵部馬丞者十三年
歲己亥復建官守而吏部推朔州劉侯適今任侯
被命之明日冠帶入見今工部左侍郎上饒楊公
拜且辭公曰濬某舊治邑東瀕大河故墟西連崇
岡浮壤疆礫之原值曠則赤郊無草木潦則淇衛
溢溢長澧諸陂澤汜濫渟滄湮禾黍壞民舍人將
爲魚鼈奚問馬今君臨茲土驅罷民以供軍國之
需其必有術矣侯曰諾適治先陞任廣東道御史
太原魏公今山東益都進士石公尹於濬皆嚴明
不輕可與暨侯語悉合因竒其噐而委之以政侯

於是竭慮殫材勵精博施爬壅解紛搯撮關要䟽
排而曲暢之搢擢而延引之間見疊略令民貧富
貸貫期約取盈唯其褻大於時故歲或甚絀而馬
無漏一之患有以嚴刑說侯者侯愀然曰某儲貳
有罪無罪惟長令在予無所用刑爲遂不易其政
而民愛敬之一出於忠悃用是見楊魏石三公爲
知人而侯亦不負人期望云歲丙午月日奏報侯
陞興州衛後屯經歷先是侯著聞上下俱次第薦
揚褒異極優禮及是濬士大夫聞之皆扼腕曰屈
侯於其行無歌詩以道之是非納民大公考賢昭

德之義也。因著詩以餞之曰。

帝奠民基在黎之陽。河水三東厥猖以狂。訖今千祀。淳滴而圯。禹蹟旣湮。金堤沙里。右連積澗。左介浮沙。螭盤狻啼。孰蓺蔬麻。林有飢鳶。壑有枯骹。孰克乃來。蘇我怨懟。帝曰冢宰。選侯視良。俾侯來尸。佐此大庖。侯之來尸。不遑寧食。擢剔腎胃。以蘇民。盡拊之。媮之。飲食慰之。節之。糶之。砭而劑之。凡我濬人。謂侯予父。侯有嚴程。孰敢侮草之油。油載彼郊。埒駉牝三千。齧之有聲。泐溝如鳧。積踏如鐵。礮礮連駿。顧影驕齧。泐泐河流。雲霧晦冥。簸蕩龜窟。蛟龍降精。行天匪龍。行地匪馬。狂此王國。以藩函夏。侯之爲濬。載籍有徵。豈曰無穀。乃有斯行。驪駒在門。攻車在路。誰爲長綆。繫此日暮。日暮柰何。送侯河干。願侯壽考。億萬千年。

贈楊生序

孟軻氏稱孟施舍之守氣。以爲視不勝猶勝也。豈唯兵爲然。雖士亦用之。夫士抱經藝。適有司或不。得其當。雖屈抑頓踣。而不能奪其操。力愈攻業愈。顯神凝而守固。不動其心。以挫其氣。而卒全其技。此老師大儒之所失守者。是豈幼冲學子所能練。

學禱曰

要耶是故幅巾而方袍操觚而摛思進有桀退有
度翦綵組績鱗綸煥耀而游軻乎文苑者肩相摩
韞相掛也求所謂遇屈抑頓踣力攻業顛神氣不
爽而卒其技者孰足以當之是非孟施舍之徒吾
獨不得其人楊氏子某年未冠丁未歲文戰於銓
衡失利歸而求之師覃研披割馳精於翰藝之林
獵英於綺藻之囿愈益憤勵淬湛盧之劍求犀象
而剗之挾軒轅氏之瑟合律呂歆鬼神以試乎清
廟也是年復戰於開以大捷歸此夫孟施舍守氣
之驗信非幼冲學子所能練要者與夫孟明視濟
河焚舟拜晉之賜曹子手劍而盟刷魯之耻古之
克復舊物光顯社稷者皆敗衄之餘也今楊氏子
若是非兵之豪傑則文之良將爾比其選余爲之
辭既以高其材又以壯其節且令懦者聞之有立
志也

贈常翁就舉鄉飲禮序

三代養老之制唯周最備國老由冑子著通籍濡
染之化深故其老易尊尊亦不在所舉獨庶老發
跡鄉塾寡問學之道故其老難尊尊不得其人則
隳憲典蠹風化官司有冒公之讓是故州縣有所

尊則辯於士考於社。詆於閭閻。非上壽不如讌。非資於故實。可辯理而博物者。不如讌。非夫黜凡鄙。崇儼雅以極乎溫恭盛德者。不如讌。讌惟庶老之賢者始就舉焉。嘉靖庚戌十月朔。有司遵王制。行鄉飲禮於邑庠。諸生其偕鄉長老若干人。舉北岡常翁如讌。以狀聞。濬侯陸公是其議。屆期賓介正犧。罇陳昇歌清唱。琴瑟和鳴。翁乃峩冠哀衣。淵淳嚴翼。閭閻循循陟阼。磬折之容。無爽於度數。夫是爲盛德之徵。考軒羲之跡。紀時王之典。錯綜乎人文之變。篤尚論以鎮雅俗。夫是爲博物之驗。鮑

其背覲其齒。磧植筋骨。熊經鳥視。以濟乎期頤之域。夫是爲上壽之表。夫上壽博物盛德。庶老蓋無幾也。翁兼有之。於是乎遂如讌。浮丘盧子曰。爲政之道。尊賢爲上。養老爲要。陸公治濬。期年得常翁其人。豈非賢令尹哉。周迪以里閭之材。與翁孫茂才游。能疏其行。丐余文。亦世之賢也。嗚呼。尚矣。辛亥歲孟春吉日。盧柟序。

贈李佺巖遊太學序

佺巖子將遊太學。濬之縉紳夙友。執腆幣入賀者。幾數百人。其內兄浮丘盧子獨病。以最後至。就坐。

亓巖子以巨觥觥盧子且懇之曰某不佞得侍兄
通籍三十年猷順友悌無遽聲無苛色兄之待某
何如也今某有筮國之行兄復惓惓然亦將何以
教某盧子避席蹙然曰僕刑僂餘民也奚足與有
言雖然抑聞之曾子有曰狎甚則簡莊甚則不親
故君子狎以勸交而莊以成其禮吾少也於子甚
狎今長且老請濟之以莊何如夫聖人之道廓之
則體夸散之則用細夸盡而細遺雖大不行命之
曰曲士其說有似於奚仲之爲車正也夸與細偕
乘之以慢心焉則備行之業荒命之曰墮士豢龍

氏法之故其術衰行成業修由是君有所弗砥於
治也民有所弗潤於澤也命之曰棄士公孫僑耻
之故獨著夫夏后氏以奚仲爲車正也斬鞅輪駟
之屬備獨亡鍵駕之使行則覆馬不進尸子曰文
軒六馱無四寸之鍵而車膠者小亡則大者不成
也豢龍氏好龍求其嗜慾以飲食之未幾志怠龍
亡去鄭公孫僑者博物之君子也與子皮俱事簡
公定章服比井廬備火政應對辭命雍雍揖遜於
大國之間西平晉南禦疆楚卒保鄭國孔子曰子
產古之遺愛也亓巖子能以奚仲周於事豢龍氏

政與集卷之三
做其廢。公孫僑懋其業。於戲大學。吾無足與游已。
贈陸侯擢官留都祠部序

癸丑夏南都祠部主政闕員。大臣議以爲是部典
秩所出。宜簡授材俊。以稱禮讓。爲國之義。於是冢
宰治齊萬公。列侯名以聞。上可其奏。卽日馳驛
馬齎符。促侯履任。其少尹徐君夢龍。段君瑯。幕史
初君學禮。設祖帳於黎水之陽。遣使丐余文。謹按
侯治濬。其邑西鄙馬湖。長豐諸陂澤田。歲爲水所
沒者三萬餘畝。侯至。則命賢佐鑿渠。涿其水於河。
民始耕獲。逾年計得利數十萬斛。歲飢倉廩不繼。

侯請貸於郡守。不可。侯曰。縣之民非郡之民耶。守
語塞。予之粟千石。是年秋乏種。侯又權宜處麥七
千石。助民播殖之。民以垂亡餘。得自立飽食。思有
所致效。莫不流涕感激。相率力以奉侯命。由是雖
大凶歉。而溝壑無轉徙之民焉。濬靡敝。傳置無所
供。上官取便道往來。侯輒不應。以是皆缺望去。三
年蠲費數千萬緡。民不覺利。而侯亦無所訾。嗟若
侯者。爲民任怨。是豈當世循吏所易及者耶。虜窺
京師。侯謀於士大夫。察便形勢。高深城池。樓櫓觀
望。制勝於千里之外。有諫之者。侯曰。賢者制之不

肖者守之後蓋有知我者吾何恤其臨治首先倫
夔修葺學舍殿廡時時課諸生講習然皆自振奮
丕變斐然有可觀蓋侯寬明廉仁不事苛鍛處大
節尤擊斷無所顧避故有此治效爾嚮時鄉耆馬
質魯輩不忍侯遽去率其子弟數百人詣闕上
狀留侯如漢人借寇恂事天子下其議至是復
以侯屢被薦剡義不可久淹擢今官吾以爲禮官
人必先之以論辯任爵之道然後進之有漸別等
威貴賤上下假於人神以享乎清廟爾使治政未
協遽凌之大位則其人必喘息頓踣蒙負乘弗堪
之謂今侯所措立赫赫如是而其績又已升聞于
上行若所職其功名事業又何止於治濬也且夔
龍在位必將與侯同寅偕力以光輔主上三代之
英翹足可及也侯復何所疑南都去侯鄉甚近而
封君胥山方切倚閭之思侯歸而以此獻膝下以
悅其親享億萬年無疆之休而拊誠有所望哉

○送高少尹致政西歸序

學七費為之

嘉靖甲寅歲關右高子以濬少尹亟致政於有司
有司謂高子能賢絕弗去踰時高子益自陳懇懇
乞罷御史馬公以聞得制可歸焉其同寅大同段

君福山高君張祖帳南門外奉辭於令長右坡董
子曰少尹在願大夫行事大夫颺解前高子曰嗟
乎夫子奚若是之行也吾請爲君擇言高子曰唯
唯大夫曰竊聞之濬衛舊邦左大岬右河黎南走
梁宋北距燕趙形峻勢固河朔之雄君佐治三年
民無怨嘆之音而士夫重儒雅之望是故行李告
戒則閭閻閔然脫駮服要旌竿戴目仰首願留斯
湏而卒不能遏屬騎之清塵意者君有不殫之懷
與是何果於行邁而莫之恤也高子曰然大夫曰
燕雲之闕京室鬱起三事五侯貂珥之家人摩肩

車掛鞋紛紛紜紜霧麗雲綺日夕沓雜笙鐘鼎沸
時序代謝不知其逝夫聞長安之樂者西向而笑
過屠人之門者嚼吻而往君之意旣有所歎故其
去者或在是乎高子曰否其雖陋豈敢望外事大
夫曰鵬搏九萬非南溟不足以戢翼驥馳千里非
荒阪不足以捷騁故太阿之劍必斷犀象明月之
珠不照蔀屋何則治大者耻侵細窮遠者惡施邇
也君負高世之姿被下僚之慙張敞自謂無奇東
方生故設客難以今揆之殆不出此乎高子曰否
吾不是爲也大夫曰岱馬嘶北越鳥巢南橘柚不

踰淮鸚鵡不過濟故夫莊烏窩東甌之唵鍾儀服
南楚之冠君雖通籍王臣鄉土之思能無少撓乎
高子曰否男子以弧矢射四方吾不爲此也大夫
曰琨璐之寶豈池隍之毓琅玕之樹非園林之株
臂鷹垂思於解鞵豢龍逸神於頓轡是以莊周曳
尾塗中不爲廟堂之龜子真游心物外躬秉巖石
之耒君又膺纏冠冕脫筵之意迺今爲之乖乎高
子曰否鄙人奚足語此也然相其貌宇氣溢廣顙
恍乎投刃大窾矣大夫竊視高子之志已得六七
遂恢曠其說以進之曰大道無跡其虛太空君子
察理徵之有形日中則昃至月盈則晦來膏之見
銷明爲禍胎蘭之被蕪實香爲災知機以運神執
左契以馭物恬身以退蕩放予志以自往撲吾樵
漁文吾詩書盱盱于于瞿瞿煦煦孰謂之宗以天
爲墟故夫庚桑順化不釋於老聃之言王倪坐亡
無見乎齧缺之間君誠往寧復有他說乎於是高
子躍然而喜曰蓋大知識夫大賢要妙之辭足以
破我矣因酌酒與大夫別

折衝卷後序

銅梁張公守滑之三載未奏績輒陞北京戶部主

政期行王子大伾侍御孟子思汝再劉子炤文昭
咸詩賦以頌之而其事則擒盜繕之則折衝卷或
謂之曰張公蒞政特折衝也邪張公雄雋惠裕足
智量解紛無梗縻境雜軍屯田而其長又皆武夫
僂慢猥勢乃張公則仁覆威約之有弗敢背畔去
者故其經務剽蔽蘊利乘時推化與民偃息天下
稱最焉未幾河南賊師五亂修西城樓保障廼感
嘉禾明年饑大賑民生活者萬計御史馬公廉其
能疏上天子嘉之詔賜銀十兩纁一襲所在有
司往勞夫張公雖不由銓考此其譽已籍籍升聞

奚以之奏績而後擢也由是又惡用夫折衝卷所
云張大乎哉構曰不然夫萬物對茂無可稱名迫
冬則松柏獨也其色青青是尤擇夫異者邪今之
大夫從政規廟畧樹奇功者無不被 召命夫張
公政雖美猶夫大夫也張公折衝不猶夫大夫也
初張公視事忽二人稱錦衣馳入挾之以七首要
萬金丞簿未入義農未見蒙鍾荷畚之夫未進公
乃子立與伍於存亡噓喻之間啜杯茗溢言笑坦
坦訑訑神色無變而卒以計縛二盜設使諸大夫
處此吾未遽見其得如公否也嗟乎聞震雷者失

後漢學士

盧君法法士
志氣洋洋溢
於外不知
當寸盧君羅

事連德
幾不免於
虎口正犯
此耳於乎
方今天下
一君四海一
國非如七
雄六王虛
楚恐喝
比而斯人
秦何果
操舟於陸
不行尋
笑哉

箸突麋鹿者目瞬駭投壁者按劍志不足以禦氣
易喪焉耳矣昔曹沫手刃於柯齊侯色懼毛遂頸
血未濺楚王與之盟彼二君者豈非張公罪人哉
傳曰三軍可奪帥也若張公所謂不可奪者矣耕
受知張公既久乃因茲卷槩序其折衝之義於諸
君子後然而未悉乎公爾則亦不忘乎公爾

為孫兩生贈張壚山擢曹郎序

太史公曰韓子稱儒以文亂法而俠以武犯禁二
者皆譏悲夫儒者顯易見俠士之不偶可勝道哉
設有慷慨奮世少有取於俠士者去之日又不得

杯酒彈劍以慰其悲歌別離之思是蓋有數焉不
可逃非苟而已也劇孟任俠吳楚反條侯乘傳車
將至河南得劇孟喜曰吳楚舉大事而不求孟固
無能為矣夫劇孟布衣耳見知於亞夫豈易言哉
今年夏濬兩生孫紹芳傳芳詣予指其從子采曰
是父吾先兄承芳以俠聞游燕趙間嘗一應募塞
下捕虜首功還射於衛沙中滑侯張公過望見承
芳召問力鈞石兄即以弓許之未幾疾病屬後事
目壁上韃曰必以是贈甚勿令我食張公弓卒僕
奉其弓往張公曰噫俠客哉翼日臨奠為之哀乃

大名如
益成括小
者當作虛
少撥矣

迄今張公擢北部主政。留行乞爲我辭。何如。盧子曰。游俠之徒。投分歷肝。重取予然。諾徑往不顧。千里稱義。挾聲名。雄郡縣者。非承芳之謂哉。昔孟嘗春中原陵之徒。皆以王者親屬。籍卿相之富。招天下傑雋。顯名諸侯。張公以郎官之貴。爲匹夫下弔方之史。所稱忠信賢豪者。是耶非耶。諺曰。蒼蠅千里。卽附驥尾。夫承芳所謂附驥尾者。非耶。然其行必踰其誠。必遂存亡死生。不易其要。而所望張公者。奚若。今車已發。軻曾不得爲鉤鍵。天之厭毀斯人。不已甚哉。張公見徵廊寢。澡易思慮。僂俛以自

立陳匡勲庸。施之鍾鼎。其榮著可量哉。是猶扼腕鳴嗚。引領不斲者也。昔昭代之士。唾手取功名。歷臺省。鳴珂鏘玉。乘欵段。馬朝夕。從容出與張公遊。或有人避地而處之。上下不交。冠履頓絕。拾草蒞節粒。與雀鷺爭食。卒不得追希高蹤。如承芳類者。何可勝算也。竊甚悲之。然猶以爲性也有命焉。又何怨。詩曰。緇衣之宜兮。敝予又改爲兮。又曰。蔽芾甘棠。勿剪勿伐。召伯所茇。鄭武公爲政。人愛之。及其衣。召伯循行南國。人思之。不忍戕其樹。君子樹厚德。重愛與人。未嘗不以德報之。孔子曰。以德報德。於戲。

鄉曲武斷之士修俠砥行其所攀附不如張公者
惡能垂譽天壤哉予素知張公者於是因兩生之
請而寓之以言

善政實錄序

傳曰鸞鳳諱枳棘而百里非亨衢此言易喻而學
士多稱於世云殆夫以儒術起家立卿相翊贊其
主上垂勲竹帛與三代賢者顯名此非偶而已也
古今事何可勝道哉至若朱邑召信臣蓋閭巷人
爾其為嗇夫上蔡長襃大如長者廉平不苛以愛
利先物所居見稱述故其去之日謳歌見思而二

子卒以大司農少府九卿著若是百里信易籍枳
棘何負於鸞鳳哉今人翫習耳目卽有良二千石
若長令不合於時久而弗調者遂指爲口實此卽
虎豹在圈應龍盤泥沙昧者謂其絕文威終不能
登天澤雲霧而雨四海者是不可大哀也邪嗟乎
難言哉難言哉君子於賢者之不遇亦可諒已愚
觀董大夫蒞政行事未嘗不扼腕而嘆也初大夫
銜上命尹濟而其俗好氣任俠射機利一切獨
獠不均則誅嘯而訟之丈夫相聚不得則瞋視怒
詈相鬪擊休卽六博博蒲作機巧行娼優女子則

彈鳴絃跼履其謠俗猶有衛之風也大夫曰百姓
之行滄在上者汨其源爾於是先學宮建青雲樓
勤博士弟子負職業日省更定殿晷覈名實邑中
婦人賢而有節者不時問遺米鹽衾襦征戍丁壯
分翻武呵於鄉里者趣寘之法不敢復誰何民間
先是徭法倚重民多逋負大夫料民產率平易使
自占占亦無所隱而復增益數千口白寺長豐諸
陂多積潦沒民田大夫循行澤間眡地洩水執築
金隄防之歲饑粟石千餘錢吏懼不敢白則大夫
卽上還報開倉賑給以紓其敝田中官馬羸多水

草不任乃下令禁馳負畜益貢內必得賢屬吏往
計上之其敝獄必悉情稱法必及典章民自不冤
以報大夫大夫亦樂民之弗冤也時時益自勸所
部鍾寺野多蝗隧師未及捕有異鳥羣萬自天下
食之殲顧以後沃其禾弗災衣冠之士重庶耻黜
奔競持重而矜節閭閻之間休息安堵相忘於耕
鑿澇貫之習一變殆盡嚮非大夫德化深至又曷
能歆動上下若是也今年冬大夫將報政於天
子夫以大夫治行宜擢之以不次然猶埃夫三載
考庸者其旨甚未易明也大夫宜自信而已卽入

天子問君何以治濬大夫對如王生告龔遂者曰
皆聖主之德非小臣之力也則 天子數其績悅
其讓尊顯大夫必有如渤海者矣舍人促裝行將
祖道北門外大夫誼不得自序其績乃縣官弟子
某等若干人傷大夫之賢不早大用於世也遂撰
其跡爲善政實錄以自附於太史氏若爲大夫立
祠歲時祀享則問之父老或亦有取於斯錄也大
夫姓董名某字某癸丑進士河南鈞州人

碑

濬邑石侯碑

皇帝卽位乙巳冬十月山東益都石侯茂華字君
采以進士來尹濬御史按是邑者考侯政異跡屢
薦章報越三歲巳酉吏部尚書萬公疏侯治能以
聞 天子嘉之授侯戶部貴州司主事比去父老
咸扶杖流涕爭取擢輶幃牽裾凝視侯面目遮道
請曰侯何往我等得侯如父母育字腹穀是賴柰
何忘我怛痛遽舍去侯何往侯何往是時 上方
嚴命促侯不可留遂去後人益謳歌思侯壬子歲
邑耆老某偕鄉民若干輩議爲侯立碑以永厥思
乃盧橋氏從徵予文竊惟濬地北沙東鹵西薄長

豐泊白寺諸岡。縣絡埒嶮。燠卽焚如。或時淫潦。如
漸。潭溼。艱於藝樹。賦煩政擾。訛謠繼煽。民將轉徙。
維侯下車。省視方畧。磔制汰度。讐夷阡險。日融春
煦。薰蒸旣至。衆迺大固。先是太原魏侯鈞賦已久。
媮僞滋甚。侯將事。預請監司受牒之日。出宿佗館。
飭部吏諸不得有所關白。羸精劍思。推誠萬夫。鄉
胥史保罔肯誑悖。丁口息養。輸不下萬計。明制十
年覆籍。民緣爲奸貨賂。交至侯多方裁革。老吏咸
咽。娟白手無一錢。印可水漲。自淇門東下。汨汨走
百里。沒民田舍。侯曰。防以制水。猶墉以禦盜。壘可乘

奚盜之禦。於是築堤距丈。廣如之。命監者曰。明年
堤潰。罰若役以償。由是堤完固。無漏處。河南賊王
經率徒幾千人。劫掠於延鄆曹濮之間。涉侯境。侯
密出奇畫。掩捕禽殺之。侯爲治務大體。不拘小節。
人有過。卽不問。再則決責之。無少貸。外峻內仁。在
邑三年。無苛忒之行。是以民有恒業。公鮮逋負。閭
閻之間。生長孳息。日益蕃殖。今濟民或有稱舉。輒
曰。某事侯所建明。某事侯所罷斥。其治行類爲人
所愛慕。如是嗟夫。中世縉紳。以官爲己私。挾聲勢
蠹民。往往見惡於世人。唯恐其不速去。故尹子心

治長安惡少年爾史氏已不少假籍其復何有可
愛者卽令他吏能善又皆見愛於臨去時獨不知
其後果愛與否今石侯去濬已四歲而邑人思之
爲刻碑是豈兩漢循吏所多見者哉因爲之贊鑱
諸石以紀其事辭曰

維康侯建國于衛德愛弗匱享祀永久嗚呼邈哉
詩稱蔽芾甘棠勿事翦伐召公之德懋著於南土
石侯以山東名族割雞茲邑翼畏黨敏寅亮天工
斯民懷賢勒石頌德其歿世不忘之意乎使侯後
時乘風厲響享高官魏爵致身台鼎輔聖主流治
化垂聲名於千萬世者顧不在是哉顧不在是哉

滑令張侯碑

蜀之先黃帝之裔其孫揮好弓矢王祀弧星因以
張氏故張雖子孫遍天下獨銅梁之張爲近始云
侯繼其胄名佳胤字肖甫以嘉靖庚戌進士來尹
於滑先是靈寶彭公蒞政治效循良侯紹前烈克
勤克慎飾化竟務天明地德光照四鄙甲寅歲乃
感嘉禾數十伯本侯爲起樓濬人盧榘作賦以紀
其事臺史持節察其才能遂縈薦剡乙卯夏四月
召拜戶部福建司主事於是老弱隨號創悼崩痛

文極高古
是銘鑄漢
人碑記賦語
者者

攀轅持轂橫當車軻遂強喻間去次於黎水之陽
百姓鬱邑思侯其父老秦綸等將表生祠如桐鄉
故事列狀先請勒碑傳置予好其款爲辭以慰之
曰鬱伊岷嶓徹滎開陽鯨湮禹導大陸昌傍山嶽
降靈精氣旁魄拂鬱灑擾鍾之於侯膺碩敏之姿
懋天人之萃以躍跡於魚鳧之里北遊京師灑然
釋褐帝心簡在授以是邑稅鞅弗遑折節皇術
撫循耆舊問民所虐痛水火貿算衡石輕重抉剔
蔓壘敦寒厖固靡不究極但邑故洪河之軌西塹
白馬東侵瓠子沙澗墳薄萑蘆橫翳高下鉅湮民

用蛟蠅大歉未竭癘疫踵至天殤札瘥之厄家纍
巷哭遠邇交望侯閉閣深自刻引奉職無狀傷爲
流涕廼延庶富哀列差等以相助籍然又命岐黃
家寄以生死選開方藥洒濯焦爛憂思勞瘁達諸
面目由是民生活者蓋不下數伯千計巡撫艾公
特章以聞上異其績賜之纁一襲白金十兩邑
境軍民淆處閔嚚詐牒雲擁山峙兩詞俱造龍蛇
隱形聽之人無不扼腕者侯不事鉤鉅片言析理
應機立斷訟者悅服侯爲國家均徭恐撻夙弊乃
內設方略外示䟽遠舉事之日霆發鷲擊里書錯

愕不易畧而占丁口幾巨萬明年睥睨甚侯徒步
禱雨出二十里外比返甘雨隨澍歲卽大穰侯耻
邑乘湮滅治政不著則綜核史載章具典明成一
家言以凌轢遷固先是燕人有任敬高章者詐密
旨挾匕首以千金劫侯侯形志晏如神生智長不
渝刻蹶二盜於罇俎之間遠近聞之靡不頷首濬
尹平湖陸公平政愛民嘗城濬民戴之如父母侯
謂陸公曰滑與君邑實爲聲援而其城睥睨瓦壤
不幸有變若臨以衝車誰吾與守於是易之以輓
碁殼廩緻與濬城等時北虜猖獗河北諸鎮大城

小邑爲之惴慄獨滑屹屹恃以無恐若侯者將不
謂爲今之長城哉侯白面少髯温恭懿塞遇大事
則雲蒸雷奮果敢不避譬之青萍干將隨用轉利
無施不可翠黃汗血之馬翹陸歷塊不崇朝而致
千里矣侯之休光令聞垂之竹帛夫豈有旣詩曰
蔽芾甘棠勿翦勿拜召伯所詵邦人思侯何以異
是哉因爲之刊石稱伐以盡銘贊之義其辭曰
梁益之墟粵惟坤維金精麗天哲人與期豹變龍
升千載來遊於皇景運寔命於斯作帝股肱慰民
雲霓興伏頗峨發胤殊肫智攄神殫紛自化裁人

安物阜厥惟侯哉悠悠白雲似侯之旆我欲從旃
閩海增波海波不增侯舟沛嘉青翰赤羽載游載
開遵我滑土以紓我思福祿自天維侯克配

滑縣東城門見山樓碑

滑古顓頊之墟隆安中范陽王德據之名爲南燕
天造鴻紛雄圖割有或登或叛此離反復世代不
絕故漢酈食其說沛公守白馬之津以示諸侯形
勝之執曹操亦遣關羽刺顏良於邑北魚池里河
朔有事爭城以戰議者必以滑爲首乙卯歲上海
孫侯以新塗令起服來蒞茲土明年丙辰島夷入

峻潔文曰
殷事神者

寇瀕海諸郡汀漳延邵乘勢偷攘腥風虐焰煽動
江淮土著之賊潛發肘腋揭竿斬草誰何於延衛
之郊侯行邑至東門城闔傾軋飛堞危觀寢廢弗
治廼喟嘆曰易稱王公設險以守其國周官掌固
修城郭溝池樹渠之阻今滑如是卒有兵變其誰
爲干城耶特部行事官師人卒鳩工建謀隱畧基
址旨授財用斲斷板榦材漆縮堊甃甃之屬靡不
織備乃肇窮臺爰始磐石連絡磚甃闔扉落時隳
以金鍔旗牙劍壁虎豹雄踞轍轍咿咿轟如山嶽
上建樓四楹輪廣高下法制應圖浮柱連樞雲征

鳥逝雜速。複疊若元氣。構天方地。承輿乘墉。敵懷
萬夫。奪氣丁巳三月旦。落成侯暨僚佐。酒酣登覽。
前引鄒嶧。後擁太行。左大伾。右石丘。四山環繞。雲
霞映。皆侯顧諸從事。曰美哉。茲樓之觀。名曰見山。
何如。衆謁之曰。諾。凡此役。不干時而績。已懋著。祭
藏。不啓民享。遐福帝心。克厭嘉祉。攸俾風雨。時至
品物滋潤。士女商賈。載歌載詠。鼓舞忭笑。充滿路
衢。非侯盛德。何以極是。縣丞王錡。王文輝。主簿黃
甲。典史謝鎮等。遂劄隆石銘勒功伐。垂號永久。以
風來哲。其辭曰

鬱伊殷墟。與區蒞隆。白馬作鎮。黃汗瀆停。四隩匪
宅。三民告愴。戈矛橫驚。若騫若烹。哲侯來臨。溫恭
爾雅。緇衣透蛇。有斐君子。行城循隍。東門告圮。啓
閉之菑。孰不覬我。侯曰噫嘻。斯誰之尤。匱篋見毀。
龜玉以偷。爰召耆艾。爰詆爰謀。敬爾挿畚。郭爾有
家。京臺旣起。飛甍旣會。積石鏘鏘。威儀隆竭。搗此
羯鼓。建彼雲旆。百城之特。萬里無外。康衢井井。乘
夫擘擘。飲酒謔笑。樂此喬關。孰能爲是。介帝雄藩。
孫公泰字億萬斯年。

檄

玄意高古
數詞典雅
是稱作者
目中所遺如
此居者未可
多游

大名太守移州郡讓農檄

歲壬寅月日大名太守某檄州郡諸父老曰某不
佞膺 天子寵命來守茲土作爾邦長牧爾唯雍
熙寔守之休爾之弗克若化若育唯守之憂天命
民憲上下寅畏予豈唯夙夜遑遑哉先是予踰河
徂蒲抵陳留界道遇流餓控訴屢極俾予心有戚
戚焉夫為民父母行政令其子弟老弱轉徙溝壑
而莫之省息惡在其為民父母也曩者涉冬燠溫
陰陽奸忤使其民大無麥禾后茲雨雪有濡澤渥
后土陽輝溢溢黃膏流懋然而農事未講也方是

仲春檄爾諸父老其悉心聽之曰繫唯古昔聖王
踐大寶垂鴻猷馭天立極匪唯弓矢戈矛取威定
遠足以示武也匪唯城郭溝池飛堞櫺柵足以固
險也匪唯法象圖數足以應天也匪唯典章足以
約民也匪唯黼袞圭冕兕虎鮫鞞彌龍毼毼足以
章制也易稱耒耜書載璿璣玉衡用齊七政詩詠
豳風春秋書六月雨周官太史順肯覲土贊王耕
撥庶人終畝凡此靡不以農事為首務爾諸父老
附山澤依阡陌負暄曝背顧弗躬率子弟深耕力
耨遂令腴脂封壤境墉弗易榛蕪延蔓使水火之

化不行夫然後上違徵科之令下凍餒其妻子貲
貸不足則棄鄉里背墳墓散而之四方使其廬狐
狸爲穴鼯鼠跳梁蓬藿橫翳過者指爲丘墟不亦
悲辱且夫恒產所以養恒心也以故子弟多孝悌
使無恒產爾欲使子事父弟事兄天慙無犯者得
虐哉夫天不秘其寶地不藏其利盡天地之能而
利用厚生者存辱人爾父老惰其四體五穀不分
極之流離困苦而後憤怨天地咀呪民物是惑也
夫麒麟鳳凰苞彩翩翾不足以充鋪球琳瑟瑟碧
珠琅玕不足以供炊沙棠桂櫛揭車之菁江蒞之

英芳香酷烈不足以給鬻爾父老淫習竒異急於
耳目之所難繼顧不近取諸舉手投足之至易者
何邪夫考玄索意探性命之蹟談天人之蘊者士
正行也面方眡勢制噐尚象極劂工之能者工緻
考也積貯市廛行居貿販以供征權者商通經也
而農歲其疆里舍其罇耒徜徉出境何所事乎且
予聞庖羲樹藝五穀肇始也唐堯平秩東作重務
也有虞敬授民時勤政也夏后成賦中邕則壤也
夫聖王崇高富貴方且畜之樹之翼之播之不恤
胼胝愍愍仡仡如是爾父老恠恠顛蒙頑而居約

企視聖王萬萬不逮而顧求所以過聖王者是邪
非邪予又聞周制九年耕餘三年之食一穀不熟
曰饑二穀不熟曰饉三穀不熟則國非其國書有
之曰民非后罔戴夫民以衛國也國而非國誰之
咎與曩昔吉囊窺夏大入薄侵太原之墟積粟殷
陳卒老其師以挫其鋒仍致大俘向使投鞭河山
以東之國農務旣弛杼柚其空爾之子弟化爲羶
羶爾之妻孥披髮左衽豈唯餓死溝壑委骨函夏
而已哉方今春氣融融爾父老其親率子弟躬耕
畝畝者故喻

對

對衛大夫問

衛大夫問於盧柎曰聞滑令張君肖甫以才量儔
二虜先生越境遠唁謂非馳辯以詭世與何偃蹇
諧刺之已甚也盧柎莞爾而笑曰然誠有之大夫
固以此誚僕僕亦誚大夫之未盡善也請復以所
聞楚王好康瓠委積如山三年不收而化爲鯀好
黃支車渠帑之以綱縞好周之彝商之鼎夏后氏
之龜玄纁十襲藏之秘府朔旦有事必齋戒沐浴
而後敢見其物益珍愛之益貴非獨人爲然鬼神

如此費端
如此完美
所謂雷聲
大雨點也

亦自有之也是故黃帝張樂洞庭之野享山川洽
羣神臯搖乎層霄之外夫瓦缶之音奚足與之感
天地哉歐冶子鑄干將之噐泰乙鑿壇飛廉鼓橐
雲霧晦冥升降乎上下夫鉛錐之末豈能與之動
造化哉非獨鬼神爲然士亦有之也夫君子鍾山
嶽神秀崛起佐世將銘功山石雖少膺險難而神
明已禡其賊夫草苴之智抑安知天之所爲哉大
夫退曰先生行予小人也誠不能知若事

傳

申氏傳

大藏論是
漢書名源
要者

周道微而棠棣之詠興晉室衰而揚水之賦作先
王立教始之義詳著於飲食慎密於閭臬非苟而
已也將謂親親之道足以昭遠逃而聯踈梗也敦
天醞齊民情比之以里閭同之以鄉塾締之以姻
好交之以社臘遠之以溝洫會之以井牧視患難
疾病而差楛弔慰鄰有喪春不相里有殯不巷歌
先王之教民淳風懿俗亦甚厚矣及其既衰離
父而居背母而炊違宗黨而贅富室竊娣姒之資
而充婦屋蹠血裂皆於鉏耰并白之間官長歲敝
於庭里胥日鉗於市由是廉耻之道喪禮樂刑政

之典闕矣。濬鄉鄙民申銳弟遂嘉靖初俱析爨以處役力阡陌給食耒耜備養各適其力以搏節恭儉教子弟畜雞犬黍釀待賓客儲粟帛以供繇賦。渾樸同塵偃仰村舍雖太古之民日與草木禽獸媿媿相處者何以過是哉。銳卒戊申歲距前異業時約二十餘載。銳子文選遂子文進各以材給爲府縣掾屬言動法於宗族行能飾於鄉里聲譽昭於士夫不謀於私室不議於朋友二子各奉其母還合前業廐無異馬用無定噐衣無常體奴婢無卒主歲時雜拜堂除飲酒稱壽愉啣懽故以娛其

母鄉人貶刺則笑甚則拱而退故當時聞者始則斥中則疑終則賢之樂與處民間子孫負貪嗜財產者率直之以鍾寺申氏而先王設里閭鄉塾姻好社臘溝洫井牧之教其義於是著焉。浮丘子曰孔子有言禮失而求之野先王典禮草茅所未習若鄭莊魯桓諸侯之貴獨於兄弟不少假焉者何哉有能繼聖統紹易傳法春秋游志詩書禮樂之際而既得其意者予何敢誣焉。申氏先人循民俗異土託處亦古人裂封之義至其子孫能忘町畦合室廬絕無忿悖爭爭之意其視尋常不亦倍萬

也。哉。詩曰。刑于寡妻。至於兄弟。以御于家。邦申氏
殆庶幾矣。

讚

張公讚

夫聖人明時而變化。賢者承運以立義。故象緯之
數。物理之化。造性命之微。極情文之蘊。有非洞玄
源發真闡者。不足與議也。唯至人者。約天地於毛
髮。揔天地於肢體。通之爲川。塞之爲淵。升之致雲
雨。下之澤膏土。是故傳說版築。卒相高宗。尚父漁
澤濟顯。牧野此蓋。乘風以振響。與期而流福。澤所

以神變化也。子胥浮於江。大夫種滅於伯。屈原沉
於汨羅。賈誼沮於長沙。馮都尉老於郎署。此蓋明
世借否。各適其適。不亂行以溢志。不徼欲以叛道。
所以樂命運。立義制也。安陵張公爲濟。三年治政。
廉平。百姓謹誦。未幾以病三致政。於有司。得歸嗟
夫。此非微於變化。篤於立義者與。吾聞張公有言。
曰。榮行不如適性。兼任不如守約。夫進則仕職。得
聖人變化之權也。退則樂行。得賢者立義之真也。
易曰。君子見幾而作。不俟終日。張公以之矣。荀曰。
上下易方。台衡有司。易遜。張公陸沉。宜若不相及。

用事太多終
累正案

然蓋不知黃鵠一舉千里斥鷃翱翔蓬蒿松菌同
斃彭殤齊年此皆達天地之化忘物我之觀者也
且夫李斯嘆黃犬邵平匿東門張湯載以牛車長
孺沒於淮陽董賢赫於成室楊雄隱於太玄何得
於彼何失於此哉張公非台衡之任則有古傑士
之行其陟泰山踰梁父跨溟渤尋務光揖涓子御
六氣之辨而遊造化外也余何言

辭

故濟尉靜菴蔣公哀辭

公諱某字朝用世爲登州棲霞人自公以上至曾

祖大王父皆以端慤直方見重閭里然亦不大顯
公生年十六以明經補邑諸生遂籍籍有聲公年
少負盛氣連躒魁絕探賾經史諸子百家之學浸
貫濡潤深入閩隩人有測之者森涵渟泓渺然無
津涘可窺至其爲文則洪放博行糾沓摛擢描寫
古今人物治亂日月列星水火雷電山嶽河海鳥
獸龍魚蓄祥事誼變態無不纖備一時朋輩咸貼
然推公稱首嘉靖初有司以公名貢京師天子
庭試中式例卽敎公慨然太息曰某讀書當拾取
甲乙科第益自奮拔樹功名見用於世卽不遇則

已。又安得遠名流。齷齷與壁魚。蠹簡冊中乎。因拂
衣去。遂病風癘。家居十餘年。丁未歲。或勸之仕。辭
以疾。既而曰。官無崇卑。以盡職爲能。孔子不羞乘
田委吏。急爲行道。爾始發軔。詣吏部。補濬縣簿。時
山東毅菴石公。以進士宰邑。事政精明。吏無私交。
上下斬斬。端僚讜服。公與之言。咸中委以政。公廼
觸微洞姦。推堅疏壅。治具張弛。民咸懌悅。未幾公
疾發。大寢。濬自縉紳大夫。下至園臺司。養之士。偕
走交。致醫藥。朝夕唁吊。無懈。明年春三月癸卯。公
卒。年五十二。嗚呼。登州距海數里。海中多山。穹竒

巖碧而貽貝。王珣珠。蜃之屬。往往依附。興吐雲霧。
變化城郭樓障。船車旄鬣。旗幟其靈異之所窮。盛
之不踰。則鍾而爲人。必有忠正文彩。琦瓊之士。生

其間。若公者。殆非所謂其人耶。或者疑公之事業
不集。早見厭棄。謂其靈異所感。神怪虛幻。以爲華
而不實之驗。若伯夷魯仲連。晏嬰田橫。雋不疑。薛
宣。匡衡。公孫弘。逢萌。皆海濱賢豪。是何清淑之氣
特盛於昔。所謂神怪虛幻。華且不實者。獨嗇於公
耶。識者必爲公辯。云。因作辭以哀之。曰。

夫何東方之大人兮。矯烟霏而翱翔。軼游鑣於扶

桑兮。搯若華之朝光。被雲霓之錦裾兮。倚閭闔而
延佇。顧余心之侘傺兮。歸弭節於海渚。茲幽蘭之
芬蕙兮。悵憎鬱其誰語。永修姱而匪遁兮。曰予埃
時而輕舉。擬南昌之仙尉兮。躅衛上之清塵。視康
侯之先軌兮。霈洪澤於蒸民。翼岡陵之弗墜兮。願
徼福於鮎者。何造物之膠戾兮。俾梁木之先朽。歲
浣灘之吉辰兮。揚翩翩之素旄。駢馬哀鳴以四顧
兮。悲風起而長號。指青兗之修阪兮。君於此乎道
遙。送予懷之悵悵兮。擬江南之大招。

誄

滑尹張壚山祖妣哀誄

嘉靖三十三年三月十七日滑明府張公祖妣大
封人訃報至。濬盧枏素衣縞馬。聯詞越境。就其主
再拜哭。且爲之奠禮也。羲月罷彩。哀雲結觴。庭瘁
織柯。池凋素芳。痛泉室之永隔。悼蕙帳之如存。想
殯位而軫念。撫靈衣而霑巾。國蘊閨彥之思。家墮
母儀之泣。輒興辭於下陳。翼旌德於罔極。其辭曰。
渾胚既劓。象緯殫形式。維綸紹肖。以儷營。緬彼岷
梁。闕閱締初。蘭光啓度。金龜降精。鍾茲美媛。於蠶
之里。竒馨苾醇。豐瀟迤瀾。幼而嚴凝。長則斐亶。棲

景昭華應圖女史待年既至比跡乘龍玉笄載珈
璫掃有容如山如河象服是崇懿此昌軌惠我王
風鵲巢既居泉水斯賦孝先蘋蘩敬惟保傅陳詩
挹藻護禮思裕展如之媿緝其永祚兆運冢嗣發
祥元孫岐函蔚鳳冥海飛鯤影礪方輿聲蔽崑崙
芳猷殫著義訓聿敦閶闔風清簪襦霜屑春融宗
嫺秋照臧獲弋綈在御紛華匪悅壺政淵宣陰英
之特造化沕穆幹流變遷氛翳晝晦靈散宵捐瑤
質既毀瑤蒐無還隳音虛漠佇綵空烟嗚呼哀哉
閨扉晨啓素帷夙開盃醞微陳槃殮將頽幣銷殷
沃襖組髮鬢遑遑有求莫之能咳嗚呼哀哉鵲鳩
鳴兮黛草殘秋風起兮變羅紈音容靄兮長夜暮
金膏滅兮華簾寒雲仍擗其號咷私倩痛而汎瀾
顧視天之寥寥雖蹈地其何攀嗚呼哀哉大漸斯
臨四顧彷徨執手啾啞神色沮喪願遺言於白馬
杳萬里之莫將卒飲恨而長逝寄永愛於琳琅壚
山之岳巴水之鄉壘馬鬣兮啓玄臺綬靈寢兮壽
黃腸諒佳城之不可渝兮享千萬世之休光嗚呼
哀哉

祭文

祭李復齋郎中文

維嘉靖三十二年歲次癸丑十二月癸酉朔越二十日同邑布衣盧柟謹以少牢庶品之儀敬奠於故河東督轉運鹽使司副使前工部營繕司郎中李公之墓再拜哭且告之曰嗚呼士有慷慨悲歌杯酒彈劍意氣相傾者少惟甌患卽爲之決胸臆剗心膺痛哭流涕無已者則其心爲何如邪若廼掎鎖裂垣澤及枯甃權奪造化之私惠洽茂育之德公其視慷慨悲歌杯酒彈劍意氣相傾者有間矣一旦天墮玉棺世喪游龍逝川莫返大夜長扃

琴軫雍門之調歌傷蒿里之音其惟福患顧謂之少邪卽令僕不爲之決胸臆剗心膺痛哭流涕無已者是不可得也已昔公首宰咸陽繼佐大羣導河治民何若風采官曹擅兩部之英王命獲三錫之顯古稱良吏若趙中大夫白公魏西門豹公豈遽出其下哉既而權奸扇件詔獄逮加公獨處之晏如謫判寧國人固以此高公矣讐者啣公誣以他事去公官公之來歸一無愠色教子課農容心澹漠此豈愁懔嬰心汲汲於功利要勢者所易及邪始僕被罔在獄公於當路曲爲解原當是時僕

貫三木負明刑蓋不知公果能出僕公亦不知僕
之有今日也今僕既出乃公之墓木已拱把思爲
公陳視形魄伸展衷曲極平生寃頸頓踏之苦者
而今不可得矣且公之蓋棺幾時也長掩泉壙幾
日也未亡者尚不知公之亡矧公之既亡又安知
已亡者今復不亡邪公邪我邪乃大變邪抑亦恍
惚不可爲辯邪或謂禮喪者之墓有夙草則不哭
公之墓已久而子哭之或失之緩審如是僕前所
云云又何爲邪夫哭之及時者物理之精不可哭
而哭之者吾道之窮公之靈馮日月騎星辰御六
氣之辯以浮游於兩間者其必有鑒於斯他復何
論哉

祭晁次山翰林文

維嘉靖三十四年歲次乙卯三月丙申朔越十有
二日丁未濬布衣盧柟謹以牲果致奠於故翰林
庶吉士次山晁君之靈再拜哭且告之曰嗚呼次
山君少年起甲科登翰苑聲名籍籍於京師方二
載未幾棄世長往天之奪君亦何速邪次山鍾毓
奇秀風思俊朗讀書涉濶瀚無所不至肆之詞翰
備侷瑰琦若周之鼎商之彝陳列左右颯颯乎如

朱絃洞瑟升歌於清廟也。謹次山者謂其材鴻氣固爲福壽之徵。乃一病治歲體孱孱而憊心僂僂而痰脈理不治卒骨立以死者。謂之何哉。昔次山以事如州治。余時在論。貫三木金鐵。匍匐道左。君睨之曰。去余竊望次山額角骨隆然。黥髮豐頤。奇步遠視。夫人貌六法象。倖薄者弗壽。惟而橫蹙者弗壽。昏回闡謾神不彙。括者弗壽。次山形宇超曠。宜濟遐齡。而顧不永年者。吾蓋不得而知之矣。說者謂麒麟鳳凰不久畜於家。卿雲不崇朝而散。希世之寶造物者所愛。夫次山固天之至寶也。既生

之而復取之。則亦何怪耶。夫不可怪而怪之者。吾又深痛惜乎。次山矣。嗟乎。次山。余刑僇囚。保也以君父子再覩日月。是死者復生。生者反死。將謂天道爲不爽耶。就令余侍下風。聞續論。又安可得耶。往歲次山訃至。卽欲拊棺一哭。而阨於貧賤。羈於官府。萬萬有不可道者。每輒東望。慌汗交作。余固知次山將原之。弗疑。而又幸亮其不果於負德也。次山乘元氣上下宇宙。其必有歆吾之享者矣。

不越前篇意

蟻蝶集五卷
參

蟻螿集卷之三



黎陽盧柟少楨著

賦

幽鞠賦

并序

盧柟既用事逮繫濬獄與幽囚伍。瞋憤迷惑。目無日月。不知晦朔。仰天大息曰。嗟乎。聖人脩身善道。立命不貳。賢者推運循理。以定所天。顧柟微眇。離茲憲網。問諸造物而已。因作賦以自廣。其辭曰。

帝顛頊之嬋媛兮。皇波注乎姬姜。儻海岱蜿蜒於北陬兮。靈宗嘉牒於范。湯還雲雷之震。霽兮。踈蹠

改此南服淑浚土作甘美兮躡康侯之芳躅皇傑
梧董道以廸惠兮母氏靜約而告育曰余夢文杏
霍翫於霄漢兮芙蓉擘而尚粹溘焱焱儵而進兮
應龍鬢鬢而下眦偵蚬虬以舐談兮頷仡攫而速
惴億錯指以羣號兮明駉駉而決背倏恍恍以隕
虛兮覺懷妊而因甚此有娠夢此有娠謦余降於衛濇兮
幼好媵而岐嶷岌青雲之偉冠兮挾長劍之陸離
朝晞余髮於崑崙兮暮濯足於咸池擘招搖以爲
祛兮履慧星以爲綦余長喟其歷之未瑰兮勔脩
余之菲芳裁薜荔以爲衣兮衷芙蓉之翠裳集菌

涖以爲藉兮糝杜蘅以爲糒揭旌於蘭皋兮稅駕
乎芳之塘余迅減鞞以高舉兮汨鍛翮而顛隕謂
曾參之殺人兮談市虎而成愼蒼蠅習習其貝錦
兮魚目效明月之璀璨嫫母愁以媵媵兮攢西施
之頰婉而自眴蝮虺仇仇於几筵兮戈鋌森森以
割余目旣阨余之庠廡兮又譖之以鈇拳低曼聒
彼狴犴兮桀血斷而封矚宵闐怒以蹲踞兮視將
躩踞而矯鵠檻糝蠅以黜軋兮棟偃夔而鷹翳縲
纒纒於伏棧以苦余兮乃反接而窘臂耳嘈嘈若
有聞兮何迤迴而怫悒曰炯炯以或見兮佇鏗勿

而復贖神軼氛芻芻以洞濇兮精憧憧而往來覺
塊然滯此一方兮心惻惻而增哀鼯鼠淫啜以嚙
余髮兮魑魅含睇而禬毳僂品品相喃以對泣兮
禦糾糾而呵護般逮余兮紛厖絜鵬鳥之巢蚊睫
兮焉能戢此軀也枕雕虎以燕憇兮又誰知不我
虞也悲時晷之遄邁兮曜靈忽其西藏微霜淪而
下降兮恐瑶草之不芳高馳志乎雲中兮瘞精氣
而相伴王喬衙衙而弗顧兮赤松告余又荒塘行
僂僂獨日暮兮安放乎不死之鄉橫衝波而微舟
楫兮天吳搔首而振怒歷泰山之坎軻兮魍魎齧

盼以當路後狄蹇以在柙兮雖輕捷其焉去鳳凰
之惟爵羅兮縛萋萋之華羽抱鬱軫以顛屢兮呼
蒼天以爲直戒五嶽與嚮服兮禪河海使聽殛咎
繇遠以不聞兮玄武違而莫惻何羣神之豐豐兮
靈炳燿而罔恤夫余旣不能蟬蛻於茲蕪穢兮眇
棄風而長鶩心結思於大荒兮魂煢煢而上度激
青雲之霏霏兮飄風回而霽霧載玉女於後乘兮
飭豈霑以先路羲和儼以驟棄兮望舒翥而傲御
征輕輓之闐闐兮八鸞翦鏘以迥步承雲霓之氛
靄兮靈旂繽紛繆虬乎翠羽挹朝霞以爲餐兮吸

沉瀟之精英。漱華池之飛泉兮。聆鈞天於帝庭。素女涕泣以淋浪兮。間絃瑟而咿嚶。處妃歔歔以結軫兮。潛咨語而沉情。余凌軫虛而佚蕩兮。將擊結乎三光。撰余轡而馳騁兮。問元化於勾芒。採三秀兮。眇瀛洲之微茫。弭余節兮。聊解珮乎扶桑。睇南州以凌厲兮。嘉桂樹之叢叢。召風伯以驅燠兮。謁炎帝於清宮。何蒼梧之翳靄兮。重華穆以揚靈。湘密鱗而覩瀲兮。二妃胡爲而弗從。決白門以西望兮。覲蓐收於金樞。氣浩浩以莽曠兮。薄晻眈而誰須。觴王母之仙妹兮。挾瑤池之芳都。指玉勝以爲

約兮。歌白雲以相愉。荃旣締余以好艾兮。絕弱水而進輅。齊玉轂之礪礪兮。指寒門而並駑。軼鐘山之幽駝兮。令照之以燭龍。召玄武爲備禦兮。勾辰翼乎紫宮。託鷲鳥爲之先後兮。問太乙之繚垣。靈剡剡以黝約兮。鳳凰承旂而飛軒。雷師礪礪轟礚以震盪兮。烈缺偏爍而施鞭。護夔夔以堪余兮。闔咤惡而俾還。卒攬涕反此舊都兮。潔筵尊從卜乎巫咸。曰天地無隘兮。物無終始。變化互渝兮。幹流遷徙。形氣轉薄兮。或浮而沉。造化沕穆兮。禍福無門。聿性命之難言兮。誰知其極。萬物糾以零盪兮。

又安所止息。惟大人齊物。我今以天地爲廬舍。總山川於毛髮。今騎日月以爲馬。夫有虞之潛歷阪。今富曆數之在躬。夏后胼胝而陟大寶。兮季有光於黃熊。震龍滌而夏禎。兮顧駕禍於周庭。白魚躍以膺大命。兮劉氏顯而有功。奚五羊以自鬻。兮由余振於西戎。尚鼓刀於海濱。兮仲父射鉤而桓榮。仲連談笑以却嬴。兮胥重繭而存楚。條相后而餓死。兮贊搖筆以光輔。墨不黔以衛道。兮孔轍旋而微伍。光狷介以自湛。兮夷顛頷而振古。夫道固無涯。淚兮行焉。知其所如。惟恬澹與寂寞。兮斯貞人之攸居。從委命而藥流。兮遊寥廓之鄉。忽喪我而無是。兮觀泰初之茫茫。余託蜉蝣與遊。兮曾日月之徜徉。忽歸魂於玄壤。兮又何足傷。勉修余之傲服。兮珮芳澤之幽蘭。紉揭車之落英。兮襲江籬與射干。飾翡翠而綴珠被。兮爛的皪而芊眠。組綺縞而飄颻。兮下結之以雙璠。余媿美而自鑑。兮何媒妁之可攀。夫君眩而弗御。兮亦余心之嬾媿。系曰天地緼綸。何時明我欲見之心。徬徨輾轉。懷憂祗自傷。超軼絕世。窮大荒。帝極洪洞。不可量。緘悲歸來。卜巫陽勵志。肥遯含大章。獲我所思。樂無疆。

來卜巫陽勵志肥遯含大章獲我所思樂無疆

放招賦

盧柙繫獄三年形容枯槁智慮殫怒若就死亡太
卜巫彭往見之曰聖人慮事遠而識見明夫子懷
志憊魂魄滑異寔之弗招迨就之替恐不能渡
諸技焉盧柙曰楨榦彊固則魂凝精氣專一則神
澄余無所用招爲巫彭曰夫子孰與屈原嗒嗒斤
斤慙慙揚揚而懷沙湘流窮招弗返音殫思於
師陽夫生不用招菴者旣遐而後傅衣長嘯宜乎
長逝遠暝與終古而寂寥焉遂大招曰魂兮歸來
歸來何爲乎舍君之脩幹散而之四方且損君之

先故獨無所傍徨且歸來歸來易氣雜糅恐君之
罹傷且魂兮無東東有巨壑且天吳八首壺鬣血
斷且封狐九尾譏笑昂睜且羿弧狼矢羽日絲淪
且魂兮歸來不可爲鄰且魂兮無南南有桑垞鑿
齒袒操拔釵射蜮是食且俊妻甘淵十日堯疑且
覩貓交踵儵忽千里齧人齟齬以談其臚且魂兮
歸來離此不可測且魂兮無西西方之氣白濔莽
曠不可識且吳姬晻昧日月所翳且黑水淵溱渺
茫溁滂且女丑之尸蒙面竒恠且開明人面瞪視
顛負且蛟蛇侏侏雖豹是植且蝮犬狺狺從首得

噬且招拒是司往恐見癘且魂兮歸來無爲遠邁
且魂兮無北北方不可言且燭龍長暝玄豹蹲且
貳負反縛石室圍且窳窳龍首其人吞且達木九
檣葉續緒且五穀弗育斲冰殮且魂兮歸來何逡
巡且魂兮歸來歸來君無上此穹窿且帝神威取
馳使豐霑且豺身鳥喙被髮髮髮且巨靈淵目其
音若鐘且操啖青蛇啣膠絜躬且獲豸逐人不輟
明瞭且魂兮歸來慎無往從且魂兮歸來歸來君
無下此黃壚且羴羊顛顛貪婪若舖且印鼻血吻
九頭殊軀且颿颿猗逐甘啗顛顛且八柱森挺齧

若槁梧且魂兮歸來君何取恡且魂兮歸來憇華
夏且羲和徹御望舒迺且四時軌運交受謝且玉
燭均調昭大夜且昌光第鬱八風華且象緯諧度
道光化且魂兮歸來樂無射且山岳盤礴五丘延
且隩樞寫窅汎流泉且嶢翠漣漪兢秀先且倥佯
隱淪往來間且瓊英玉津碧藍田且遐探掄採茹
延年且琦環呈露侯嬉倦且魂兮歸來都便閒且
神州華域瀰宇宙且伏后姒姓歷帝胄且朝市劬
面宮殿湊且冕旒黼辰綦會秀且紘統藻緯文數
有且杠高九仞旒羽琴且熊虎翬畫擁先後且三

主徹侯威神構且獻法惟寬流澤懋且天德離照
多善宥且魂兮歸來美休邁且不韋東壁康侯神
且浚宮有嚴次龍鱗且戶牖閒靜媯嶠且魂兮
歸來暱親臣且夏屋阿閣抗虹梁且旋室媿娟飾
璧璫且三階平城黜堊章且方連采魚繚金綱且
玉女牽牛闕緞窻且偃仰儼雅交佩纓且蘭風靡
離泄蕙光且曲屏雕疏被芬香且朱綵黼縞畫長
廊且圖繪譎侷矯飄揚且龍熏珠箔鴉翠翹且碧
璫緡縣熠琳瑯且金釭銜壁幪絳綃且象俎玉樓
藟組繡且綺縞繽紛羅幃高且珠被的皪綴瓊瑤

且隋侯夜光蘭燭華且烟開洞房徵女娃且分曹
代御靚婉娥且周鄭豔女粲芬葩且長若落英艾
髮鬢且織紈綺縠媵以媵且調中易心都其可嘉
且肌理膩靡柔惠婉且靨輔貝齒宜笑媢且蛾眉
聯卷目光爛且長袖善翳惠音歎且曼睠微波流
視眄且精彩神授志彌變且琦姿艷逸殊瑰變且
揚詩約禮靖不亂且離宮別館侍君之宴且桂區
蘭畹密彤闈且繚簷闔粲盤雲螭且穹臺倚榭鑿
方池且碕礧小山扈溶涯且方若射干施葳蕤且
毗甌芙蓉綠波湄且文鯊赤鯉從塘陂且瓊簪珠

級連姝麗且蔡茵步輦極游嬉且魂兮歸來無乂
違且庖廩肆事殺饌盈且黍稷麩麥刈香稷且秦
薤蜀葵吳鹽蒸且越橘甘酸香榛凌且苦醢鹹酸
八物豐且葅脯靡鑿膾彌精且馳峯熊躡薑芷馨
且胹貊炮麝桂椒行且鰕鮪鱧膽燻鵠鷓且鮮鷄
臠鼈膳劔羹且五齊三鸞羞豆腥且酪澤蘇膩歆
脂瑩且壘樽刻鏤雲氣縈且玉酒歛灑九醞清且
靈和希液夏凝冰且瑤酌芳潔娛協情且歸來故
塾媮樂有寧且西清東序列巨虞且應棘搏拊考
鏞鼓且倕鍾句聲塤箎竽且雲門五音大武且

大雅既希鄭衛陳且女樂駢進簇巾綸且新聲絕
妙窮徵音且激楚結風陽阿繁且美人半醉色靡
徵且明眸皓齒揚朱脣且目畧微眄遺精神且竒
服交璫望之若雲且二八鴈次舉趙舞且颯摺鵠
驚鷓鷯下且凌厲赴節動媚嫵且竽瑟闐奏枹鳴
鼓且羽綸鱗回絙雙廡且吳歆宋音遞綿縷且危
筵離徹藉氍毹且促觴交膝墮簪襦且沈酒繼夜
勞珍厨且醪酪解醒戲侏儒且欺德鷓耽詭覬覦
且鞮鞞韋靺儀林胡且躡鈇蹋醢緣都盧且娛酒
既終步欄衢且周覽岐視聊踟躇且攄翰撰思文

璠璣且同杼賦歌畢歡娛且魂兮歸來恣所圖且
瓊轂翠衡駟六驥且旌旂承雲建格澤且貔貅擁
趨桓輝赫且弧旌枉矢載鷹獨且采且道被綢遠
獵且八陵十藪虞羽骼且麒麟驕虺伏圍柵且鉞
連駒駉蹂貍貊且鳳凰鷲鵠鷦鷯且鷓鴣鷓鴣鳴
喙媿媿且憂搜摭逐彌平陌且血輪割鮮多躡躑
且游戲倦虬言旋宮且較施創刃招友朋且重觥
錯几張華燈且伐鼓闐鞀鏗石鐘且絕夜連曙嘯
歌惊且樗蒲角巧有瑤枰且象杯犀齒五木行且
一呼十盧射先名且剝柏踔蹠白日窮且懷思長

鑠壽岡陵且魂兮歸來求安貞且淫佚縱度賢聖
媿且周穆八駿康遊畋且有窮不軌誆隕顛且肉
林酒池商辛殲且愔鑑不遠魂匪湛且三后五帝
憲章廉且盛德昭屆四海園且馨香至道徹九天
且丘索墳典載籍菴且禮樂苑囿文治淵且魂兮
歸來端視瞻且亂曰青陽攬轡兮萬物發生桃李
灼華兮芳杜蘅懷君之故兮超恍惚游覽高舉兮
窮淹沫蒼螭駟駕兮杠虹旗飄風徃迎兮君不來
魍魎睢嘯兮從後先被服薜荔兮飲石泉松篁叢
靄兮杳不見天背行誘驟兮馳堂隍周游上下兮

歸故鄉若木敷華兮翳陽靈白露灑浩兮皋蘭辭
榮時不可再兮日蹉跎鴻鴈嗷嗷兮水揚波崇期
恢曠兮芳草茵方軌結鶩兮車麟衛之澣兮伍
之南雲溶溶兮發澄潭晞靈駕兮步晴嵐魂兮歸
來胥盤桓

惜毀賦

太陰爲室兮叢棧昏玄雲黠霽兮殺氣淪夔矧盱
笑兮鬼啾啾鼯鼠呻吟兮虺蛇繆蟣蝨鱗鱗兮被
髮曩精淫恍惚兮軼上蒼聖澤霈兮澧澧周道砥
兮有枰狡童兮輕佻馳陂陲兮逍遙俛兮趨志驕

蹇越荒唐兮華泆恣恫兮顛頑兮棄鵠鸞奇鵬鴟
鷓兮從嬉攀網且繞被兮增機綸捆繳繆窘觸兮
殷擾結軫禍延考妣兮童穉離隕室家丘墟兮第
羅茂隱寘身園牆兮玄夜長虹霓爲孽兮日無光
痛哭旻昊兮結愴招帝閭兮眇沫般自列兮莫聞
痛際天兮我柏徃者逝兮匪追淑將來兮安宅檻
虎豹兮熊羆文威絕兮孰所爲憲皇網兮寃頸反
舊鄉兮何期山龍從兮綠桂枝禽獸號兮猿獫啼
羈縻兮離憂羗長苦兮物類我思

秋賦

楚襄王與宋玉游於雲夢之臺。舍蘭臺之館。浮漢
沔。略江潭。射楊林。眺蒙山。游旌。蜿蟺。法象。緯燿。輝
蔭。三湘。氣彌。七澤。猗蘭。幽以承珮。芳桂。遠而延輶。
輦瑤華之繽紛。翔翠羽之鵠翻。於時涼月懸。珪白
露凝輝。寒風鳴條。微霜霑衣。宵霧靄。今遠山。崑暮
煙橫兮。長河湄。王迺抽牘。揄翰以命。宋玉曰。疇昔
雲夢之遊。子大夫爲寡人賦。高唐未及。蘭臺之駕。
子大夫爲寡人賦。雄風方今日。馳虞淵。鷓鴣先鳴。
汗漫淒澗。無以攄情。子大夫未有說乎。願爲寡人
賦之。宋玉於是逡巡改容。釋位離次。跪而稱賦曰。

臣聞天地無閔。乾坤斤衍。剛柔沓分。時序交禪。春
華發榮。秋實振晏。其爲體也。博確鴻固。專翕廉凝。
收歛像類。參伍元英。乾健不息。弼成罔極。上備天
道。下全王德。秋之時義大矣哉。夫其朱明旣退。招
拒斯昂。蓐收弭蓋。少皞弛裝。闢白門。肅金方。韜炎
飈激。清商焦涸。澗而不流。沸潭潛而弗揚。爾其爲
氣也。氤氳膠戾。凜翻頽。憤蒼翳。綸菌掣。蹠磚需。喻
喻忽忽。撞摑磕。礫若迺觸。土囊汗沔。之口。噉大木
圈。枿之竅。燹厲叱。嗃迴。戲突嘯。聒勃。駭躡。蹶攢
號。倏拂改節。和喁。稍嘈。崒今若促。絃柱而擗。筆纂

迤兮若逸擠攸而鳴塤囂網緼窳圍橫酸鬱陶爾
其爲容也澹淡晡暄皓暘曠晠斥塊漉漫廓落鴻
敞荒裔凌厲上下窳窳黥靄轉薄游氛軼蕩紛態
橫出溘懷悵惘蕭瑟寂寥悵悵憐悽孤臣孽子遷
客棄婦莫不感心傷氣流涕增欷爾其童濯嶮巖
分披崑崙䟽離案衍宣回嶽壑泐岍崢嶸羣山蕭
索劉厲彌平寂寥空墜於是清玄海落長江抑烏
澤熒扶桑潛滌滄瀾密鱗瀚灑霜凝龍窟霰落鼉
房鮫人泣珠海童滅光陽侯馮夷天吳偶像魂銷
魄揚率悉愴况若迺受縻森蔚沈寥林墜隳葩搭

樛伐萌沙櫟繫精於松檜之林獵芳於桂椒之圃
被杜若委庭蘭蒙江薜夷射干翠葉紫莖朱萼秀
華隨風振綺應日傾葩於是鴈遊江浦雀流海濱
燕歸玄穴蟬寂窮林蟋蟀宵征鷓鷄夜吟陰凝氣
積萬物凋瘁倘有后斂後時削跡未逮披零電衝
凍靄拆跂裂吻而死者不可稱計若夫志士坎壈
中人薄寒蹇產淹留感時增歎惻擴迂節忿啓淵
恩僚慄於邑絪結弗變此夫閉藏萬有搏節造化
忌盛憂滿唯秋之謝王迺乘戎輅載素旂服白玉
駟雲螭居明堂命將帥誅暴慢明好惡嚴斷刑脩

法制繕囹圄決訟獄感氣順化應時承治所以張
弛乎仁義之道彌縫乎禮樂之文於是東漸西被
恩殫無垠脩臂鑿齒之邦結育驩頭之民幪鳳凰
箱麒麟繫猛獸籠文禽薦上國克珍肆於昭聿皇
萬萬歲

天目山賦

為孝豐封君南山吳公作

吳王夫差敗於具區之野王孫彌庸駮乘大夫申
叔儀御王望見天目之觀嶽嶽嶮嶮曾凌雲撓第
鬱輪困薄乎中霄王命彌庸眡之對曰茲所謂靈
祲也王曰靈祲何如彌庸曰昔禹封九山含精畜

雲觸石吐氣浹漫龍鱗蛻今獨上剡兮池菴祲祲
紘紘莫知所以爾迺滋草木旅禽獸爰備恠填珍
媾駢田隱爚萬物朐蒼疇昔之見無迺近是於時
申叔儀進曰大王察彌庸所稱纖慄參離巨體塌
戾可謂剗造化之渣滓而膏於盛德之符契者矣
且夫維揚之澳碩人焱起翩兮若威鳳苞彩翔秋
旻矯兮若游龍凌倒景昇河津曉兮如日溼兮如
雲變化無方孰者為隣伯啓毓於竒石傳說騎乎
箕尾茲山所以發精於哲耄作鎮於江汜若夫撫
草蒞之見禰頰舌之談臣雖佻陋荒慙所不敢聞

也王曰願爲寡人賦之叔儀曰唯唯

惟吳后譽茲曼壤兮頽女繫其岑隈竦捩峭之陵
嶽兮遼菟紗乎邛峽陟翠微以嬖姍兮徑造天之
岬吻踞虎豹而聯眇兮純無山之蔚嶸礧嶠催催
之跟踟兮岨矍矍而掩襲馭沈沈以輔轆兮巨石
嶄嶄之猶翻南嶼岫嶮橫山峽峽靈岩玉華鬱律
萃第參差波波揮援獠獫碧洞嶰澮窆豁谷謬豁
衍沕霏劫悟危脆傾崎嶇窳磬礧礧暑雕巖踈躡
澶暖墮靡橫選蹠盤孑孑拉柁睢洩蹲鴟噉霍山
下還眺層巒馘何煙煙雲霞濛瀕晴崑天霄膠瀉

宋巖飄靛澹泚乘風瀟捎跋如聾擾罔若禽翽目
不轉睽豔彩四暢滲淫離襪莫能形狀瀑布傍涌
離潭濺泚龍湫荻浦靈溪磳踏灑乎棍流汜濫躡
徃蹶崎石觸唐嶙瀟平溢怒洶洞澎漫漶溜瀾瀾
狃齧騰盭溼滂解舛橫流紛霈潼沫高厲皤如白
馬偃絀羽蓋蜚俾咈喟汨汨去瀨憑陵碩壑碓投
雷磔硤砢潏隱砵轟旬渚滂滂波波渠清瀟鐸枝
洳蹇產泮瀦漂駛淼茫遠輸紆餘東逝求辭天墟
漭沆滄養安節長浮浪澗演淪瀦爲後湖於是水
蟲恠錯暴於洲渚龜鼉蟾諸鰕鰻鰓鯉鮫人淵客

呀呷齟齬。魂魂鱗鱗。踏選傍仵。珍木敷榮。璘幽叢
生琅玕。翠萋珊瑚。絕呈偃仰。岐軻中。搖目精灌林
苑。歲葩華掩。會糾枝隴。房棹榭。礪備。此離。隳飢風
流。晻藹。隨波潭沲。婀娜。娉芾。浥彩翠霞。吸精沆瀣。
纖柯嚶吟。颺瀏。慷慨。經冤隕。抑或象筮。籟尋變。馳
險。八風。肺沛。馮虛。聽響。使人心憤。麇隳。獮父。狄雖
裸然。貍猥。黠毅。獬胡。獬暖。獬斷。坐嘯。裂皆互。瞰驚
透。護畧。幕歷。半散。超巉。巖。騰。倚岸。捷蒙。茸懸。絕澗
羣。獮狡。健。燦。今若浮雲。曾不可稱。算周覽堂。密。隙
隩。彌。陲。芳草。靡施。秋蘭。靡蕪。唐蒙。留夷。爲尾。胡。繩

楚蘅江離。瑤瑤。絢絢。艸。艸。萋萋。肸。嚮。閭。菱。芬。馥。芻。
披。鷓。鴒。羣。遊。歷。揚。軀。翼。睽。視。嘲。咋。毳。毳。藻。臆。鷓。子。
鴛。黃。鷓。諸。鷓。鳩。戴。鴛。石。鳥。鶯。斯。蒼。鷓。鷓。散。陸。離。戲。
游。山。岳。若。夫。琛。希。之。賂。金。鑛。涌。朴。雲。精。燭。光。瓊。支。
昭。華。璇。英。白。玕。藍。田。縹。碧。赤。瑕。流。黃。嶺。硯。山。谷。衍。
溢。陂。塘。碣。岸。不。枯。林。藪。輝。潤。滋。液。瀾。滴。光。彩。璘。煜。
於是乎。嶽。靈。擁。峙。川。后。聯。蜃。百。神。焱。壘。儼。儼。燁。燁。
秦。乙。薦。鴻。祇。御。蜚。廉。翔。蚩。尤。鷲。靡。蜺。旌。馳。翠。輅。飈。
旋。電。掣。陽。噓。陰。沍。煜。奕。傑。僂。萃。於。豐。處。鳴。秀。斲。竒。
亶。胤。顯。老。環。琦。偉。長。幾。觀。日。表。方。瞳。星。爛。鮫。姿。雲。

裊宏懿儼雅。倣儻要藐。回翔於道德之林。獵弋乎
神明之囿。覽觀九族之有亡。與閭閻之變態。錫羨
餘恤。不逮繕橋梁。虞婚配。裕後昆。揚昭代。金紫璧
耀。冠蓋雲屯。擬跡萬石。越彩八閩。然後肆志乎游
覽。履巍巍。涉漫漫。坐窮石。揮五絃。舞白鶴。泣玄猿。
曳綠邛之杖。踐赤王之舄。浩浩乎葛天氏之唱。偃
佺負局。羨門安期。或命石髓。或翳紫芝。相佯於洪
崖之涯。洪河清。昌光鬱。麒麟游。鳳凰至。萸莢生。黃
龍戲。泰華砥。嶧衡霍。增醜。風雲交通。鼓舞忭會。信
壯乎天日之大。享靈長於億萬歲。

酬德賦

昔謝宣城作酬德賦以報沈侯。彼特腴風雅之賞。
豁國士之眷爾。柎自庚子歲。被誣繫獄。十年餘。自
分朽骸。求絕人世。趙王殿下。憫然。餽柎四賦。灑以
睿藻。用雪梧臺之寃。壬子冬。柎旣以

上命平反。迺如趙朝。謝王哀其窮。錫之珍饌。肉藥
寵龍。渙瀚天日。疊耀方之宣城。所感爲德。何如然。
神以理超。情以文遣。匪辭之麗。斯焉取酬。於是因
謝名篇。聊著鄙賦。其辭曰。

唯岬岑之培塿兮。黎水滄而停秋。淑氣殫以滌滌。

今諒非胤之多尤狝螻蟻之微姿兮顧厲響而長
浮爾迺歲旣暮時將竭寒螿鳴流芳歇搖落洲渚
次巖丘樊千里直視黯然銷魂情感鷓鴣愁淒斷
猿悵氛濁之福狹馳清想於天澗慨夸父之鄧林
吊燭龍於崑崙縹余馬兮扶桑枝涉余韞兮桂水
湍拾江妃之明璫跨湘靈之翠鑿於是崑嶽互起
江河橫變封豕卧啼雄虺坐眄夙露傷足晨風瘁
肝汨海濟以傾檝歛凌風而鍛翰豈蒼蠅之點玉
實萋菲之交煽囚園土兮曳長纓俛寃頸兮泣吞
聲仰飛鳥兮不可攀思日月兮何時明嘉虞卿之

撰籍希黃霸之授經簡一閱而三嘆魂竟夕以九
升志沉緬以鬱陶氣於邑而填膺揮思彤管裂衷
竹素秋澁就章風誣託賦信陰陽之迭運躋虧盈
之無愆將長號於帝閭賴造始於英藩偉神聖之
授彩播天人之名篇泚瀝液以淫灑紛藻潤而芳
妍振金碧之琳琅炤丹牖之瑋爛羗雲涌以霞駁
倏龍變而鳥騫皎若凌天河窺織女雲漢之章鏘
若升清廟聆師洎洞瑟之絃濟末伎於何李藉隆
譽於謝田翼二京之可紹埒三都之並翺警司命
之炯旨歎士師之酸言爾迺聲流臣工華照八表

市虎解讒亭姬雪慘返景崦嵫合劍龍沼起灰鼯
今發夜臺披雲霧今天門開攬衣帶兮非疇昔聊
躑躅兮心魂哀於是緩貳負之管械啓華表之靈
思雖城廓其如故已人民之半非陟北堂以傍徨
痛考妣之先違二稚逝以如往一女殞而方歸彼
蓬婦之苟活亦老醜而堪悲涉園亭以凝眺見薰
葭之蒼蒼橋偃蹇以斷石壁墜地而橫窓雲幽咽
於翺岫葉蕭瑟於銀牀瑶草委兮菸壑桂枝凋兮
垂墻望佳人兮不還歲將杪兮怨長於是季冬嚴
寒北風騷屑江雲結凍海煙飛雪蒼隼凌飈代馬

警節邁世懷賢卬恩赴國仰攀嶺岫俯涉清淵揭
閭闔以延佇遵玉階而屏營壁連錢以啣釭牖疏
鏤而瑣青爛昭華於東序裊翠葆於西清擬承明
之彤廬或鈞天之帝庭罔虬顏之萃渥冠日表之
竒榮侍螭頭以嗽辭撫龍翼而若驚爾迺玉音綸
發神衷璨亮天風四敷春陽疊暢八珍馨流三鸞
芬颺馳羹已霑鳳灸再貺醴酒陳兮泛翠瀾醉起
舞兮嬌朱顏願君王兮惠一見壽千秋兮歌瑤壇
精髣髴其如思情邑鬱而弗安步徙倚以斜陞涕
淋浪而流泉將振翮以遐舉忽掩臆而長嘆玄雲

鬱以凝盼悲風颭而無端昔園門之多險嬰金鐵
之拘聯效魑魅之微軀望豺虎之一餐敢謬想於
煙闕覽清輝於鳳鸞德裕命而匪測恩潤身於無
垠幸濡翰於執圃啣一羽而塞乎巨川迺爲之謠
曰若有人兮滄海湄吸光景兮馭雲螭時蹇產兮
隳淵涯宛將逝兮長離思大人造兮叅南離恢寃
網兮超塗泥惠芳腴兮恩不訾誠旣感兮我心悲
揄丹悃兮歷賦詩彌億萬兮英聲垂

壽成臯王賦

梁孝王讌賓兔園相如在位王授簡於相如曰寡
人壽願爲我賦之相如避席再拜曰唯唯夫壽天
地之希齡大王知壽然未聞王之壽大庶人之壽
小也王曰庶人之壽何如對曰庶人凡夥品類各
異若夫竒商巨賈征戍之客勳工浮游田父跣躅
黃冠玄牝緇衣閒適每遇誕期佳思聿興殺酒矜
設招致友生縟藻匪施滢碧無傾帷幔起兮露色
寒琴調急兮霜華凝曾爲歡之幾何旋紛擾而咿
嚶若大王之壽元辰未屆百司豫啓瓊珠之宮金
華之里象棲龜屏鸞茵犀几窮竒怪獸含香上馨
雲氣四散化爲僊靈綺麗恍矐奪人目精於是石

渠金馬之士。逡坐駢至。克乎後庭。炮翠麟。肺霜鯨。
宴素日。張金燈。攘皓腕。之鴛袖。映繡柱。之鴻箏。調
採菱之艷譜。發過雲之新聲。歌曰。帝子降兮金井。
寒集瑤池兮驟白鸞。隣遐齡兮千萬歲。與佳人兮
長盤桓。爾迺分曹投博。飛觥舉白。促席交膝。簪珥
狼籍。玉衡斜漢。金虬水澁。然後歛儀肅容。悄然言
別。揚旂離館。廻鑿東闕。此所謂大王之壽。非夫凡
氓所得擬也。王迺釋位。就相如坐。以酒觴相如曰。
寡人之壽。若是其大。微子之言。寡人弗知也。是後
益親幸。以相如爲上大夫。

蛟龍逝兮騰蛇遊。山中人兮奈何。羗長徃兮攀桂
樹以淹留。

恭字賦

爲孫滑縣作

爰有東海大人先生。北遊於空同之野。返駕於廣
陽之丘。憇秦龍之館。戲靈昌之洲。馭輕飈以尚羊
兮。曳卿雲之煙。翮將高舉。以猥驚兮。游放志乎天
外。致明神之澄爽兮。乃精一。是僂鏡。吾之無纖翳
兮。闕音霧音窳音穿音咬音咸萬寂之涸會。日月暎
列宿。透行垂景。岑夤荒勿無疆。天音歎礪之混漚。
渺阮沕以玦北。緬積清之邵亢。廓嶠音嶠音黠音以旁

魄倅羽鱗以奮戲音戲淳捺音捺蹄髻以道真奄靈怪之

昆臍音會旅溜煬以泡燂爾迺前引壽華後蟠燭陰左

蔭肝榆右儼鄧林邈釗曠以寃良離襲馭以攘闕

音揭閭闔而毗曜靈問音上營室而俾音突夜光慧

倍譎而吹音切飛廉鈿列缺而歲豐隆沛詡詡以

封奕倏煙音迫煙以彰芒闕崑崙而鬻音古符禺

蹶泰戲而掌空桑跪夸父而縮邛峽頸帝困而俘

大逢訝育遺而洗幼海罅音虎鯁壑而欲音匣流黃

碎五嶽以兌崙澆涓波乎九阰珥明月以為縣蕤

赤霄以為裾沓纁翹而曳虹暈帶貝葉而攝雲濤

冠靳魏而乾音情虛躋徑不周以少留浮氣車而逸

神馬表乘黃而服馭驢使鉤辰按轡頰女為之御

青龍銜光以燭衛白虎擁鉞而先趨熒惑司法以

警道太白斬關而建旗蚩尤之倫璘璠煥耀以吐

煙捷雄戟而荷垂雲枹雷鼓而震天陬檻環拘而

踐蠹園斲天愚而轢泰鴻齒欽鴟而猥音昆畧攬虔

山鼓而摺計蒙劈巷溘而撐據比挫陸吾而馳驕

蟲扶英招而鬲列蛸鏹耗臙而殊竒眈音匹澈音妙六

合之鴻稜瀉九域之紛洿聆金鐸之磅銀音口督音計

赤舄之委蛇黨姬文而鑑哲髯借高密而閑重華

祖伊祁而援青陽將栖跡乎黃帝之途優哉游哉
嗟吾泰宇歷萬世而誰何

水亭賦

太原王公好水亭客有美而賦之者曰伊彼翼野
參井攸分旁啓漫疆崿島嶒困槩泰清浮三淵氛
緼鬱律霞駁綺紛噉隳蔽靄含陰吐陽若鬼若神
迺毓岑靈挺休哲擢方英考隱澗石撫幽泉野爰
構水亭汾堤之下傍引澗瀾上蔭苑柳亭泓汜瀾
綠幄密偶石戶壤父此焉託處若迺春陽告謝朱
夏騁途炎飈歛烈熿燭燦霞翳羽蓋鳴翠騶祥鸞

鸞鷲翔乃先驅爾其珍怪琇美沓其阿瑤草翁翹
蒙其巔麟角馴擾遊其後龍鯉出沒涌其前於是
召鴻生延鮐叟陳樂方命罇酒籤鏗辟穀以蟬蛻
羨門服氣以珣虬玄鶴二八降乃天隅延頸長鳴
飛翻迭擾雲光殊覆赧綵四興紛紛輪輪合還杳
冥於是爲鳴鶴之歌曰曳倦衣兮何翩颺來廣漠
兮集層軒壽夭老兮歷萬年少歌曰涉沆漭兮緝
荷亭覽日月兮東西生鳴鶴且舞兮希泰齡嘉至
德之昭曠應皇運以來臻莫珍璧於清壇薦馨香
以攄誠介茲景福緜如岡陵

崑崙山人賦

粵唯崑崙之墟跨乾樞兮幹不周崒厲萬仞爲帝
下都羣神旅遊爾其磅唐頹頹巉岈峭彌鬱紆僂
泡槩泰清摩赤霄吻昧靄颯或黯或寥鬼神髣髴
莫之能要赤淵繞其南黑水流其西汨瀝厖潰觸
於窮石放乎海湄迺有星宿之野濫泉之渚渾臙
爛煥雷响雲擁一瀉萬里蹶葱嶺縣龍門齒底柱
寢名藩波汰膠縠迴沃滌灑榮光四塞郁郁紛紛
靈胥走水蟲喝龍伯翔鮫人竄於是穆王之子感
而生焉俶儻綽懿崛竒雲我目如電光氣若虹霓

靜則淵停行即風披孤立長嘯天門洞開迺竦吸
雲之冠佩飛景之劍御翠黃之乘詣玄英之館命
玄武以開關兮判大行伯使當兵轢巷溘之倔僑
兮碾磬礪而扑攙捨踐蛩媿媿妬奮獵獵之雲旗兮
熏池訶虓撼雷鼓而撞鴻鍾梁弱水之潏潏兮檻
離朱之榮攀玉檻以窺九井兮下無地而峭崿涉
跡僊圃游目靈岑封巒詭赴離石斜蹲塌疊天頽
條跼雲崩罍則開明人面殊形九首狡音厖吠豹
文純擾鳥則白鶴鳴鸞鳳凰翬騫蒙綵戴岐雝雝
嫺嫺瑤碧之草玕琪之樹呈葩露色燦彰岡阜凌

倒景飡赤霞濯華池戲玄洲吾順風以遠馭蹇將
遊乎汜林誘畢方使先驅兮走蝮犬之狺狺畧窮
竒以透迤兮問據比之尸爾胡爲乎作神姦夫然
後背帝囿緬離侖歷沙棠登玉山於是西王母出
而見之觴於瑤池之上獻錦組百純黃玉二穀毳
光散亂奪人心目乃爲之謠曰君王八駿馳翠幄
白雲在天岡陵出今子千秋尚後來何以贈之黃
竹曲穆王之子畬曰嗟予悠遠在東夏山川間之
石磊砢吹笙鼓簧心苦悲何以報之復而野王母
再拜謝穆王之子遂驅升崦嵫山乃紀迹於其石

壚昆山賦 并序

壚昆山即古巴嶽也爲梁蜀雄鎮俯臨巴江而其
上多名觀產僊茅長慶中有服之者輒仙去銅梁
張公愛其崑岫陵嶠遂自稱爲壚山云夫山川淑
氣蜿蟺蒼鬱窮極弗勝則鍾之而爲人詩曰維嶽
降神生甫及申大雅所著於是乎足徵矣公瑰偉
魁梧職任簿書才兼藝翰神理清暢妙絕羣倫意
者壚山之秀篤授之公天或動之朕兆默令公取
以自謂哉僕不肖猥侍公顏範偃仰締思聊著斯
賦下里之音諒見誚於郢匠焉爾其辭曰

粵唯廬山之不可隱護兮旅億類之鴻紛軼岷漢
夏其無儀兮宰浮歆而鄰岫道紆回之鬱壘兮踐
危石之岨吻攝蟬喧而下闕兮三江分沅江颯而
並入巴流宛澶以回薄兮竟纏山之縞帶汨漫滅
其濛鱗兮砒興聲之瀨瀨濫漭漭而長往兮滄洶
洶而橫厲沫滂滂以曾沸兮填轟靄之磕磕勢觸
輿而互踰兮欵泚凝而引會颶噉响而澎溷兮剝
抗激於天外礫碧濇濇之歎澹兮波溷溷而淪瀾
衍曾渾之盤渦兮洪濤悠起而排山氣滄渤以磅
磅兮象霧靄之構天藏靈異之有無兮何變化之

可詮傍睽遠視肆於無際下自山岬上千絕巖礧
嶮峻蛇峭嶰嶰崕盤石礧礧錯牯還會岩巒逦峭
留嶷厓墮崑崙離隳迤邐相追狀若禽翺或象豨
舞睽睽斷斷拉蹠僂麋傑池碩泐增複絡繹崆峒
蹲猊崑嶼石龜逡巡蒼野出乎其下嶽嶮崕巖郁
郁芊芊截如雄虹談壑飲川俯瞰澗底宵冥黝泐
長風中號颺颺蕭瑟虧岸澆澆徂徠鳥狝屏營超
忽慄魄爽魂令人煩愠不可具論膚寸之間雲氣
歛起變態橫生輒張徙倚紛紛輪輪若降於天若
麗於人視爲旌旃舛卽麒麟幻怪百出伊孰與隣

爰有崑崙靈室，谿澗屈蟠洞天。勿密洎滴成響，燥
熱生凜。蒼玉磔砢，僊茅葱蒨。駢闐翳靄，委乎厓畔。
爾其山陽漫羨，廣衍芳草碧滋。秋蘭杜蘅，鬱金江
離。烏蓮艾網，香蕕離披。酷烈四暢，醱芬沛風流。
雲蒸黯藹，轉會若迺。陰崕瓌木，羅生鬱燦。爛炙燦
若天星，夕視不去。盲人目精，楓香幕歷。滋液沍醜，
盧橘垂房。連卷硯礪，雜華紛糅。隨風靡疊，矮會惘
散。揮漉澹淡，紆喻婀娜。殊態異觀，杙枒嚶吟。聲似
笙竽，蹶赴詭變。愴神銷精，蛩烘失衍。逐臣銜玦，放
子被訕。勞積曷已，技血增歎。於是春風瀾洩，羣鳥
飛還。便翮刷羽，唯唯啾啾。雄鳴求雌，往來其間。鳴
鳩負雀，鶉子桑飛。雋周竊脂，天鷄聯翩。暈彩彰綯，
遨遊乎山顛。至若宛隆中絕，崑崙斜赴。樵採不通，
猛獸騰鶩。羆貔豺兕，舐舄往顧。猿狖輕矯，兢遊遠
枝。干尋獨往，邈莫與期。傍徨孤嘯，使人心悲。僊遊
之輩，廣成赤松。羨門若士，吞石休張。御風凌壑，蕤
雲旂翳。翠蓋欒倒，景上下霈。慌忽汗漫，周游無滯。
於是嶽感川迴，天門洞開。期應五百，精徹上台。降
大人於遐陬，兮焱飈起而神駭。泰乙禺嶢，烜烟以
仿佯兮。青龍蝮蝮，濼縱而髮鬣。靄熒熒以蒼霰兮。

焚鬱律而渾胚沓爾陰歛豁然陽烟霄停雲聳竊
翦麟披岐嶷倣儻淵璇韡偲厖皇溲瀚蝓畧渺瀰
飭太陰與揺光兮揉旬始以爲旌赤燦怒之眇屬
兮戩熒惑而轢櫬槍蚩尤矐眈以警御兮伯僑之
倫脅閱拗喙而迅征遵不周涉玄冥排闥闔遊廣
庭睨威鳳於東廂岫翠虬於西清於是天子迺命
太卜擇日請見太輅法象建太常綏鳥羽鏗石鍾
枹靈鼓紹介之士一日之間蠶屯魚麗陟金馬登
石渠虞清問待公車紆國粹察廢滯規憲章資輔
世夔龍揖讓圭璋交輝以臻乎至治嚮非茲山之
靈發毓竒秀惡得有是哉

嵩陽賦

爲汝南劉嵩陽作

楚王北遊登崇嵩之觀嵩陽大夫侍王迺涉蒙茸
履嵬巋長御遠睠汜濫無際顧謂大夫曰壯哉山
矣寡人於茲殆將脫屣邪嵩陽大夫曰大王之言
誤若臣者始足與憇焉爾王曰夫山畜洩雲氣萬
物所祖無貴賤遠邇皆好焉子大夫私之已有是
何厚於自待薄於寡人邪嵩陽大夫曰臣聞之傳
記鷦鷯搏雲鴨鵝悅羣物各有適故其所託者殊
焉王曰夫寡人舍此將復有說乎嵩陽大夫曰唯

唯夫嵩維巨嶽極於圓祇之中橫帶汝潁崕陷於
氛霄之上綠菴霽之薄盛乎翠虹之嶂爾其三十
六峯二室嶠峽靈巖浮歆隆豐峴峴鼓轆互分嶇
倚傍迂籛篠偃蹠行者中于久之拗息汗脅增慙
若夫甯阮絃控虧澗無底竇廖窅冥長風颭颭扎
軋伊訢流離轉散髣髴松聲天雨新霽萬壑灌瀨
湍濤滔汰砢頽雲噉礪磬疊響歛歛鬼怪於是離
鳩掩羽豺虎驚蹙慌忽謾台悚息川谷此誠山精
魑魅之所穴處竊恐大王不遑託跡於此也王曰
敬聞命夫大夫惡得獨憇乎哉嵩陽大夫曰臣少

遊上都親侍諫垣陪列公孤尊三王貶五霸揖讓
於魏闕之下爾迺南箕揚舌青蠅點白卽墨膺讒
寺人灑血解圭組脫鳴璫辭金墉凌風翔飄然遐
逝迺昇乎嵩高之陽故其怡神育靈則攀緣嶽峯
傍眺瑤城陟乎泰清盡足力而後返於青炎之圃
徘徊於松桂之林激嘯於沂水之澗將折若華之
英蕤江籬襲幽蘭帶楚蘅猿援媒於左麋鹿擾於
右逍遙容與精神益壽然後檢搜巖穴探飲玉漿
壁壇鳳笙銅銚石牀希瑞呈露娛樂無方若迺王
喬控鶴於林間密公失路於霧外少君捧節乎雲

中劉根抗絕於人世莫不偃仰羣笑馮虛軒輕臣
雖傭駑與通紹介故夫龍門三臺緱氏之嶺皆臣
往來遨遊者也夫大王擁千乘之噐妃嬪珍玩之
御不輟於前焉能避世長往哉王避席曰寡人不
能也子誠爲蒿陽大夫

梁苑僊人賦

有序

趙王客李九河同王崑泉飲周孔問園亭時余在
坐酒酣談兔園事感慨悲恨有加焉於是蕤思泉
涌藻華雲綴興之所至遂成短賦辭曰

仲秋之朔顥氣既夕激風頽波微霜淨石凌九河
揚崑泉周子臭葉浮丘垂竿於是梁苑僊人感焉
被炎洲之翺羽兮綴丹浦之明璫翳青霞之芾靄
兮乍有無而離光褰裳鳧汀濯足鴈浦燁若昇霄
翩如振羽風流雲停放乎泰宇爾迺步虛躋於冥
壑陔壁立之翠屏歌青葱之玉樹颯參差之鳳笙
赧輕矯以傍駮泉冤泐而小聲於是螺璋盤舞龍
嶠斜帶百仞嵯峨殊絕異繪採珠濱之紫菱鏡貝
水之朱華冠天嶠之雄虹蹴合沓之龜鼉戲赤岸
騰洪波弄反景揚清歌乘僊飈以如往澹孤嘯而
却在騁逸思於天墟寄冥心於人海雖炎光之已

絕乃江山之未改帝子逝兮驚風遊簫鼓寂兮埋
中洲鴻鴈飛兮自來去城角起兮增暮愁感滄桑
之浸變痛園林之愠休心一唉而如喪魂九折而
夷猶慨人代之歎習若靈雨之墜天卒長驚而不
返何華表之千年予既不能蟬蛻於茲溷濁聊將
泛駕乎海上之僊山亂曰已矣哉江河日下兮勢
不可與爲防非夫憑虛御風以獨暢於九陔兮又
安訪乎吾於泰鴻之堂

滄溟賦

有序

嘉靖時歷下李公以進士補秋部郎中自號滄溟

蓋緣公家近東海云博物志言海中有三神山濤
波險壯倣儻幻怪不可紀極是非王喬飛僊之倫
惡能排氛乘虛徃憇之是非女偶朝徹之客惡能
忘形坐馳存想之公抱魄守寂超然神遊於物象
之表遂擅乎是世之人知礙於玄適名絕於靈紀
方且囚拘形有溘然與草木同逝不亦悲哉僕受
知於公既久使無瓌美申之賦頌人將謂予爲不
知言於是作滄溟賦其辭曰

唯帝嚳之胤臣若傳說兮精徹絳漢上躋列星的
貝闕以炤彰兮邈危墟而效靈呬天雲俾翼蓋兮

後枉矢而轉犁醜逝兮非還擢兮非倚儵神變化
莫究終始光氛翳固天人崛起聳鳳質之苞彩兮
撫龍翼而騰驤吾綴函山使衝牙兮華不住以爲
璫旣濯足於明湖兮又晞髮於鵲陽爾其挾蒼虬
窺海日歌雲謠薦泰乙遊覽乎昊天之臺徜徉乎
招拒之館建素商之旃書青女之簡上秋之末塊
然自失恍惚漭漠神氣四暢迺觀乎滄溟之壑左
東極右清丘帶以鞠陵之阻浸以禺豳之洲東南
一陂西北一澗缶甌九河活泐江漢百川漲赴瀕
洞灑歲長浮乎天畔爾其始至也泓濂濂焉淖淖

淖焉泮灩灩焉矯若素斬縞馬羽蓋之浣翹兮又
如白鵠之將翔沫溘溘之高揭兮互踰追而徃躑
壁壘重軋不可撐兮忽乎選沓似軍行渾渾沌沌
淘淘泡泡拉拉跚跚雷礮雲响砰砒哨蕙徒觀其
淪潢之所齧瀟飛滂之所激射魚不得游鳥不得
下崩濤灑雪萬里騰瀉夫然後凌波谷捎滴山偃
轡蹉丘弭節甘淵便旋豎亥之浦清冽晏龍之川
爾迺靈胥包戈冰夷澄鏡颺風不颺五兩不競霾
煙清郭瀟虛四映碧山嶮嶮螺今象海水浮碣石
霞爛雲綺苔錦雜駁勢嬛蟬以相襲兮壓層冥而

送潮汐於是尾間岐分汀淤傍處潯不澗浹濯漚
沮齟潭澹濱潤泓涸嶼斜莖藪之澹澨兮綸組
瑛而鯉卷紛海蘿以被離兮石髮縹撚而縈瀾何
萍實之遼廓兮俛硯磊砢焜畢乎窮埏菟奚江蘼
葭蘼水松雲蔓陽厓風披陰叢彩理豔燦擢華敷
茸若迺羸蟀揚焗蛭麤翕赭背騶含光虢蚰偃息
紫虻曝沙以如渠泛蛇乘流而覆笠武羅屏首以
蝨身帝江蹠足而歛翼竒蛸沉屍於曾泓潜罅吻
吻以削血海童捐袂於枉渚鮫人織杼乎泉室於
是橫海之鱗偃雲敷薄天津翕鬢甲戲洑深叔鮪

繩鮀鰕歸魴鮓叢貫龍次璨錯璘璠喁沫噴藻噓
噏連淪捷鬣掉尾隨波泓沉或躍沓而濺珠或嚙
鰓而哈雲畔漉漫於天光託亡是而爲隣爾其羽
族則有鶴鵬鷓鴣鴉虞鸛鷓縹緲驚暈精煥
曳飛延鳴浮天溢岸搏風揮霍跋如裂漢轟割成
響恢詭殊觀若迺厓隩之隈窮怪異畧貌毅驢麇
猎猎獒獒狽狽狢狢子力負麝父捷稱山獾投
人以顧笑諸犍啣尾而遐征迅蝓躡巧於遠枝狂
虜摘石乎山陘爾迺背空桑維風帆擢飛雲涉廣
淵跨渚毗弄少海汰波澄川后待天吳咄馭馮遲

馳躡譴喘澗沐揚靈渤解閭闔輕舉泃澗隆頽凌
混縱柅越溟絕碣汭洄潢洋滄溼渺瀰惘恍咎豁
畧無端倪鴻鴈不及翔蜚黃不及駭脩聃電邁不
崇朝而逝者億萬餘里於是懞煙幘被羽裘觀乎
猗天之闕踐乎相繇之區行乎決漭之壑陟乎招
搖之丘瀛海爲池碧津爲洲爰橫澣之慘竟垂雲
之浮裊櫓槍之偉竿緡明月之鴻鈞靡雄虹之巨
餌連六鼇於天陬窺景温源啣霞員嶠拂衣石林
振彩雲峭優游漫羨乘風獨往以臻夫蓬萊方丈
瀛洲之奧焉爾其遠望離處峻嶒岵岵紫清近登
山趾反在水底岫岫巖巖螺黛黛煒繪鬱鬱煙煙金
闕璇室紫府洞門瓊晚不死之芝瑤岩返魂之樹
駢田羅列錯落乎其間若夫偃儂羽父之倫翳鳳
凰驂麒麟戲奢比游無垠乃邀余於泰皇之阪
以觀乎窮竒之民畧玄股兼離耳延彫題覽黑齒
登巫咸歷無脊飲帝臺之漿孽蚩尤之旗玩弄乎
夏后啓之儻是雖山川隔限於絕域靡不玉帛朝
宗於天府然後乃知主上威德之所留誠有得
於滄溟之偉觀也

余未作此賦時夢至東海上遠望山出海隅相

去百里或五六十里皆霄綺離駁金根雲牙照
燿上下海水振蕩若三韓朝鮮日本穿胸等國
遠近環繞魚鳥雲物不能盡述以故余作賦時
卽以夢中所見聯絡篇什雖外加鏤刻然大約
十得七八也豈余留心此賦而有是夢耶抑亦
形解神遊真入斯境耶八月十七日作此賦至
紫虬云云倦睡夢一人青衣長身以刀剖余腹
抽腸出尺五許然其半未盡尚連絡脊膂而所
出腸彼以手握之盤結如孟瑩潔脂肪中微有
紅黃肋膜然其人稍挽之覺痛余以手摸腹曰
汝手乾澁當渥之以水若油使滑澤可入腹而
其人曰喏卽以水洗濯之置腹中遂醒夫是二
夢前後雖不得其朕然亦大竒矣姑記之

嘉禾樓賦

有序

嘉禾樓者明府銅梁張公之所作也樓在滑之西
門上瓌備巨麗爲邑偉觀落成時有獻嘉禾同莖
而殊穎幾數十伯本云是樓西畝所產異者夫符
瑞應德斯至故昔之治化隆者芝生庭木連理黃
龍翔於沼鳳凰巢於閣麒麟遊於圃張公宰邑三
稔政和民裕道路以歌樓成而嘉禾至亦何怪與

三國時吳會稽嘉禾生改年嘉禾夫是樓以嘉禾
名蓋亦古人造物託始之義云爾乃援筆鏤思作
嘉禾樓賦其辭曰

粵若稽古維明蜀有大人先生崛起命世撫厖鴻
而凌厲今紹曠廷之奇芬擘清飈以遠遊今啞滄
許而搏崑崙借劔闕揖崆峒絕輶轅指燕京振羽
天衢馳聲中夏值旌濮陽遊刃白馬迺尊廟畧規
九野履塊隍雷駁而風行緬天陰之莫階兮悼西
門之墜營觀櫓叨憐之涅坳兮萬夫仞關魯何足
以當兵吾恐公輸之捷巧兮豈施帶之易勅於是

羣僚聞議小史獻謀髦倪逮縈勗茲煦喙以相與
成虜神明之樓據厚坤以特峙今象雲氣之構天
揉參旗以繚垣兮緡東壁而軼三淵埒帝神之奧
區兮泡燭燂而璘璠偁夫帑首帶干將而跋四維
兮闐轟哮而俯噴屹馮驛驛以魂魄其相奮被兮
歛凌雲與融以駢田離樓第鬱紛沓選兮礪豸天
矯鳳旒而龍翩旁唐堀吻蓄疑礧礧兮畔漉炤爛
奐而便蠖狀若碣石之蔣蔣兮又似虜巨鼇載員
嶠脰迴川於是屬輿乃躋夫城階兮而印華榭帥
爾層觀兮離零蜃蜃濯瀟晶旣赴星流以電燧兮

觸巽瑣而排金扉愔窳窳以陰處兮洞罅豁之離
竒嗒砰碣其雷殷兮颺凌兢而增颺魄脅闕以冥
眴兮眴北南之軋塊徒覲覲之恣恣兮精憧憧而
潤漾憑軫軒以流覽兮紛譎俛而殊狀爾迺萬楹
攢崛礫礫連扔飛朶虹繞浮柱雲征芝栢磔磊穹
櫺條僂拉縊偃僂枝掌糾會窺天窗而結綺躡兮
翠玉樹之千尋垂藻井之芙蓉兮涵綠房而曳連
淪鏤太華之岳岳兮巖巖鬱嶮哈嶭而嶙嶙流水
潭湑湑洩於其下兮汨泚泚乎龍鱗虎豹狻獬以
陸梁兮熊羆訕談而血斷螭龍躩踞於巖藥兮騰

蛇蝮蚪於桼振爰有王喬飛舄赤松餌玉若士鳶
肩羨門乘鹿據重桴以危處兮倚蜚柳而曼睪凌
虛險以相佯兮若鬼神之髣髴錯粲珍怪品類竒
英千變萬化窮極海宇隨色賦形爾迺表以通天
之觀突以凌雲之臺建以靈夔之鼓杠以熊虎之
旗賁育之倫伏鉞幪楯陳視乎左右騰躡乎上下
者不可殫計蓋王公設險以守國足以藩主上於
億兆載也於是天地煙煙煜煜紛紛渾渾儲精洩
靈肆乎無垠戒羲和以警御兮飭青龍而走太陰
澂夜氣之灑灑兮焮朝霞之燉燉流青雲之靄靄

兮滾玉露之沄沄焚輪轆轉於豕韋之壑兮沕泱
滲纏於河之濬岨乎鮒鰓之畝離乎天臺之樊被
天衍之溝塍兮挺嘉禾之秀穰茂一莖而兩穗兮
蕤葱蒨之竒芳苞金粟以岐翹兮勳偏反其光半
散粼瀾蹶仞邈以長鶩兮却偃起而回翔婉若神
女之照灼兮施豔彩之章又如綠雪之靡漫兮薄
翠岫裊陂塘若迺霖雨新霽原阪始漑承以朱明
滋以沆瀣琅玕青熒翡翠翳橫翬雉朝鳩以往來
兮摛錦翼之陪鯁皇蟲負螯詵詵殷殷其振羽兮
盈冷響而煩哀曰峻鼓儻於桑中兮遊女採蘋忽

乎鳥舉而雲迴蘇墳薄之累遷兮粲困匱之岷嵬
曾城瑤柯何恍惚兮杳玉榮之莫見碧珠貝葉不
足與炊兮珊瑚化離吾又奚取之而爲爨歸禾詠
赤鳥之姬公兮濟陽開禎非夫萬乘孰應期而紹
漢夏千祀之夸美兮綠茲樓使再躋繫君子之孔
良兮輔陰陽而規判巨靈紛總總以傳傳其來翔
兮相柳偃頤轟負而承闔踏挾斯之麗譙兮擄白
雀而釗羽林揆夏后山川之嶮巖兮崒二嶠隘孟
門二嶠徒西阻於鶉首兮孟門曾不得扞乎靈津
曷若神宇之揭崿兮拱魏闕而嶙峋爾迺斲天槍

殪旄頭挫蜚廉摺蚩尤廟貌之所歆動威稜之所
昭留東漸滄海西被太蒙南麗丹穴北馭空桐披
髮左衽之民褰白雉縻駟虞縉叩叩絳駟馳縣車
裹馬出於遼逖之域享獻乎明光之廬天子乃乘
鸞路驟雲螭綴明月橋虹霓柴園丘燎泰虛招帝
閭今天門開跨不周兮騎轟雷風颭颭兮神靈致
御醴芬兮酌玄觶福穰穰兮橫岱嶧天人歡兮衆
聲慨祥風吹兮雲靈靈對垂鴻聲兮彌萬世

雲濱賦

并序

鬻熊之墟雲濱父居焉棲身嚴戶放志滄浪超曠
之度方之瞿矧子真之流莫能尚已近時諸大夫
各有篇什僕辱在草莽承風操翰聊爲古賦以紹
公孫嘉遁之製云

楚山碧巖倚嶮峻兮象圓海浮蜃闕朝暎夕瀝兮
滋翠竦蚪窮石北塊頌洞兮邈不可越嶙嶭峩嶢
泐翁危岫蔽日而干霄降逮山坂礧礧磳磳鹿角
傾碕顛浦續燃於其垠兮彭蠡東注而雲沓濫鱗
長浙嚶泮渺曼泝汜溜濺涸淀吐吸踰岸互會斜
沙渾之滋徑莎灘之隩如此者幾伯千處焉爾迺
翠幄嵐構蘿壁風褰芝宦椒塗錯落煙雲碧津離

樹青輝玉葉丹葢承霞素房垂月殺隰輪碾隨風
歛鬣九臯之曲虞蓼都良芳若蔓荆薜蕪苾草蒼
蔚羅生苔錢離駁綴若華星郁第苾烈隰蒲畷平
外則峻沱漫羨菱蒲續斷蒼翠沍霄杳無圻畔至
若白沙如龍碧磯如馬黠屈蜿蜒在波之下水鳥
鴛鴦鷺鷥鷓鴣鳩鵲搏流飛灑弄景泮陽延
鳴鉅野蓋將指瀚海以爲池望廣原而解羽也殆
夫暮秋次寥霜河溪清槎江晚兮雲葉淨螺湖夜
兮月華明坐盤石調紫笙吸鳳曲舞潛鯨猿啼北
華鶴唳西平鳧客流思鮫人吞聲少焉蕭瑟風駛

水涌灤潏磅礴濇泆泆鱗觸萬籟俱動仿佯慌壑令
人心恐是誠龍盤於冥陬蹕蛻乎煙隴爰有東郭
谿工之倫貌沛天虛靈含素真扶筇被羽嬉遊絳
津垂竿魴鱖加弋鴻鴈臙鼈淪脾孺鷓戴膳斟雉
芳羹彫胡碧粲蔗漿縹清玉醴緝淡集讌於昭霞
之宮披醑於苑風之圃浩唱乎猗天之臺張樂於
洞庭之澣乃左覽清極右睨范林泐石封鷓翕葉
藏珍超然神往來此抽簪將遺珠於丹水遂埋劍
於崑崙豈徒逐二女於湘浦抑將窺禹化乎海濱
於是江妃感焉見於碧渚凌波嫣然笑逍遙容與非

煙非霞若雲若雨奇色麗質瑰偉曠世順微風以
翱翔向江皋而解珮爲之謠曰白玉鏤盃瓊爲漿
飲啄沅水雙鴛鴦冰夷賡歌曰蓬萊欲渡海水深
麻姑千載絕華音雲濱父報歌曰協僊靈兮遊汗
漫日將杪兮倚墻嘆駕予舸兮凌赤岍胥鳳德兮
垂素翰

遂虛賦

姜次渠鄴之良郡貳爲要路所忌徵入部士民傷
之因有斯賦詞曰

丙辰暮春壯游鄴都超及隩履平蕪羊腸走險鹿
角通衢蕩陰開其南邯鄲倚其北左引衡漳之浦
右據太行之塞誠京邑之藩屏霸王之區域於是
鴻風昌慶雲蔚大人起神龍會決閭闔兮叙長雲
瀰四海兮歷河濱翺韓陵兮俯洹野戢亶甲兮紹
前芬若迺承流三輔翊載王室日牛無全害馬迸
跡春秋郊行生物蕃息士女謳歌鳥豨翔舞式乎
四國爾其優游暇豫退食在公瓦雀行案山鳥下
廳青苔繞戶綠樹垂榮窺明月兮虛堂仰浮雲兮
太空佐卧治於淮陽資芳猷乎廣平誠希世之哲
匠乃邁古之化工爾迺梁父鬱興三塗並起靜無

寧波動即覆軌蒼蠅鳴白黑溷市虎張真僞眩巾
征車之闐闐兮去東陽之舊疆歷鷓鴣之荒陂兮
趨爛石之崦岡虎澗罷嘯龍山茂光瑤草就歇玉
腕橫傷風淒其而啓塗雲蒼鬱而飄揚玄猿綠狎
睢洩鞞踏排林蹶石羣呼狂驤於是賓北門張祖
宴諸侯來方岳餞征馬鳴雲旗亂茄鼓兢起金石
交作絲簧迭奏細縕僚悞圉軋護濩發言爲酸振
衣爲喟左右淚落莫敢仰視豺狼嗥兮路垂鴟梟
鳴兮林間欲徃從兮不可將獨處兮懷愆爾乃君
門萬里一視無際天閹攫人闐惡鼻鼻虎豹環繞
鉤蛇傍衛自非飛仙捷徑而介入又孰能排紫宮
而謁上帝於是燕國大夫退而嘆曰僕本澹人游
心大空涇渭渾澗出入濛鴻等天地兮山川猶毛
髮兮在躬我無物而不得物無我而弗通總唐許
於瞬夕齊茵桂於一終乃今神遊於太玄遂吾虛
於無窮爲之亂曰若有人兮乘紫煙入大化兮超
蹄筌佩冠劍兮上下昭日月兮回沿何蚊睫之少
虞又奚足爲吾芥焉

廣招隱賦

碣石隗絜兮築桂宮礱碯礪今連雕墉明月瑤

現兮光陸離犀象蹲視兮瑱文墀長裾結劔兮曳
雲霓刻燭遊戲兮尚夜來孔旒兮翠羽撞華鍾兮
枹鼓廣額兮繡襜駢進舞兮龍堂色氤氳兮曼睩
送琬液兮瑤觴君胡爲兮山間踞盤石兮飲泉空
谷兮無人羗蔽霄兮蒼翳杳暝繆兮瑟兮鬱岵岵
兮精憧憧兮神罔壹兮深林險阻兮虎豹往來鬼
太息兮君焉處此其蠹蝕兮鬱岵岵嶂巖砢礧礧
叢萑軋第隨風婀娜薜蘿網墜兮紛紛魍魎怒嘯
兮愁人綠羆兮玄狎攀援長驚兮邈不可親君何
爲兮不歸徒貯想兮浮雲重曰王孫逝兮碧草幽

明月嶼兮珊瑚洲搵朝霞兮不可見窮四海兮焉
求翼神龍兮來過鳴鳳凰兮庭柯桂樹兮又何爲
兮淹留聊出隱兮與堯舜而賡歌

龍池賦并序

魏郡少方伯太原王公雅好龍池竊考括地志圖
稱龍池山四方隆表滄中多水有龍出入食五花
樹公以此自况其玄德獨尚良可知已然負瑤琰
之器者必厲遏雲之響柝叨居南鄙濡公德化苟
非闡之以辭後將何玩焉於是聊著斯賦以暢公
美其辭曰

黃帝莽漠之野龍池之山彌襟帶而沓盃兮左禺
隴右崑崙北繞三桑赤澤南馳九疑縉源鴻紛未
歇蜚淳沸鬱玄津在焉若夫論其爲狀也究其幻
怪也爾其區域也則雄嶽磅礴方七百里嶒嶸嵒
嶂崿岬岨屹翹踈蔽壑連峯負闕滔日隱輝藏精
畜洩熠虹飲雲木虺嘯月鬼神恍惚若存若沒乃
有碧樹抽煙錦草結綬五花爛熳九芝並秀瀑纛
以耑放乎川藪鳳鳥之所嘯歌神獸之所遊遨於
茲託處者什殊八九焉於是泰洪擘其厓鹿回絕
其紘天吳貢其波江胥湧其靈神濤泓淳翠浪連
深疊如紋羅澹若空青潤瀆洩浹淵還激泓挾輕
颺以長逝折崿碧而返觸矯駭天之羣龍脩決雲
之雙鵠少焉安翔寂寥徐迴如解軍裝泌泌泔泔
漱灑乎砾澐若迺水藻披紛於陰崖石髮捎鬢於
陽渚綠蘋承流以委猗紫菱隨月而容與莫不承
華露色或浮或沉髣髴江浦至有紫蚌珠蚌頰螿
文魮鱣鱮魴鯉噉喁水湄優游澄深儵往忽來逮
夫朱羲旣明精滛上漢散爲朝霞靡離爛煥圖靈
學僊翔麟狀鴈變化嶇崎測之無畔故其神映遠
田潤槿木之東葉影扶桑之西枝飲夸父於後滋

浴昆吾於前涯嗟太液兮黃鶴散驚華林兮連葦
稀愁積草兮珊瑚晚吊疏圃兮明月低爾其層渾
之淵洞溟之府有蜿若龍栩栩俛俛赤帶翠鱗鏤
髯豐輔摘藻繪文章采爛絢雕琢璘璠烏奕外朗
青熒內分醴醞輝瓊連蛎蚌繆不可盡論若夫騰
池表溘清埃馮太虛驅轟靄霖四墅徧九垓貫影
河津掣電海嶠煙熅灼爍池混却照遠而視之似
神女遊朝陽迫而察之如若華流景光蔚兮啣燭
耀鍾山之野隳兮啡漿涌夏后之堂於是豐隆警
轡虹蜺衛趨飛廉清驛列缺候塗雨師舉水族戾
神踰挂虎蛟嘅王珖沉鈎虺械雷兕殞蠱雕鍛授
軒轅之符構女媧之精效有虞之璽負神禹之艫
豈徒躍劔於延平委杖乎葛陂雖飛聲於僊館終
見誚於龍池也廼感穆天子之事起而賦樂池之
歌歌曰軼八駿兮黃竹西奏廣樂兮臨玄池水粼
粼兮失龍螭誠荒淫兮何所爲又續而爲飛龍之
謠謠曰濯滄海兮欵翠翰錯金碧兮艷紅蘭遊淥
池兮戲層巖乘九五之嘉運吐赤文於瑤壇佐哲
夔以典樂爲聖后之納言君寧批徑尺之逆鱗願
燦耀於瓊編

夢洲賦

趙王遣使幣聘盧柟往就見之王命坐諸客上曰
蕞爾小國屈先生以言竊聞先生遊遨大都薦紳
之士往往搆先生賦有之乎對曰然有之王曰奚
賦耶柟曰鄙人朴質蒙侍君子於羅太公爲雲濱
賦王別駕龍池賦董封君邃養賦李郡伯滄溟賦
張戶部嶺山賦陸大人作夢洲賦旣成大夫亟有
所稱賞而王未見焉王曰可得聞乎曰歲重光赤
奮若之夕中州大夫晞嵩高俯河陰坐述玄之堂
感牛女之故精神恍惚如將飄舉青揚微婉黃氣
四湊乍若有喜不可究攄少焉就寢夢見二客造
焉褒衣偉冠粲目貝齒進退尺度貌甚閑雅翦刈
藉草坐棗樹下擢素手弄瑤芳軒饒碧飲寒漿極
妙思樂無方爾迺乘鳴鶴之舟遊赤岸之浦超凌
虛之樓憇飛雲之櫓髣髴杳冥若出神怪修容長
髯見一道士延予升堂體貌備至言笑甚驩殆昧
平生詢之氏姓疆曰伯靈舍舟而途槩三伯步石
壁巨閣輝搖光燭扁稱瀛洲寔多僊駕爾其爲勢
也擬其爲大也磅礴鞦韆砥研千仞嶽剌峽嶒脇
施邈倚緼隆豐柴缶躒虧負遠而視之渾渾焉胚

胚焉氤氳焉沾巖巖焉崇岳岳焉煙煜濛湏浮乎
漢表迫而察之峽峽離纏反在水底蓬萊峙其左
方丈峭其右員嶠阨平水涯方壺更而不收其陽
則朱羲清華盛夏凱焉其陰則玄靈溫風隆冬燠
焉是以山峪魍魎之所水府龜龍之積夏后方貢
之未掣大章神度之尚沫爰有瓊瑤赤瑕藍田江
珠琪珣琅玕之寶綠碧璀璨瑛蔭乎玄濤草則石蘭
木芝荃蒞江薜蒲荇菱藻藹綬綠莎木則槿木若
華榕櫨豫樟枌梓柺櫚沙棠扶疎櫛椽被乎
西東於是珍異之禽神怪之豨則有鳳凰鸞鷟鷓鴣

明鷓鴣鴟鴞鷓鴣飛鳴翺翔戶豹咆黃能鶩麇麇
羣雌獾顧其水濱則有獼獼水豹蛟蛇石鱗龜鼉
蜺麤魴魠鯖鯁莫不噍喁淫溶呶噤菱藕閎汜幼
靡或左或右於是徑掛猿之岩涉通靈之澗跨文
石之橋謁玉虛之府長髯舉方師會命童子設饌
具乃有苦醢之羹勺藥之醬滌菽肥膾九醞鬱鬯
炮鼈寒蟪燻雞酸雄山麇貍豹之胎水蟄鱗鱸之
腴腥菜錯異豐融苾蠶千態萬殊凡所以滋神魄
養血膂者充乎四隅乃使師消鄒子之徒截孤竹
制鳳尾控素頸流纖指吸朱唇離皓齒玉呌發龍

吟起激清商靡流徵泣嫠婦慕放子開九陰除積
匯大音未希列絃奮蛩拍挽逸響小大互比武毅
揚北音滯蜚廉馳泰一嘅聲盤姍以隱約執迅突
而爭鍛嘆壯士之不返信猛厲之可喝招屈原於
江潭起隋武於湮隧雖忼慨而莫覲其神徒心神
爲之搖旆忽東方之旣白覺精魄之未沫一歎而
寤筆之載記趙王曰善賜之絹百疋玉二鼓文馬
一乘盧柝携之歸衛上

九騷

并序

九騷者濬人盧柝之所作也柝被誣抵法逮繫
詔獄十年餘上官考驗率避嫌弗肯原庚戌平
湖陸公宰邑治政廉明爲法不苛察其冤平反
之今年秋以不事權乃遷南京祠部主事柝痛
失所天不勝其悲哭別離之思於是作九騷以
攄其志云

嗟夫山川之鬱塊也胤秀兮揭日月而載光矯節
兮若出浮雲凌厲橫處兮超未央發軔兮聊將與
行決轡兮徑度乎紫宮翮翹容與兮園視之無垠
跋踰攘袂兮抉巖而輔新釀化兮士女要藐而流
誦聲歛逝兮物愛之不可懲惘愴兮而私自淪雉

漸漸以飛雉兮蟬噫噫而搖鳴
鷺翩翩以窺巢兮蟋蟀哀響於戶庭
悼犬馬之餘齒兮荷君子之明馨
仰涓涖之無報兮徒嘔裂乎血衷
獨竭思而忘寢兮若羈旅之無雉
隣望南雲以慨嘆兮心搖搖於旆旌

右一

痛世之熾嶮以詭襲兮偈微纒而枉度
謂騷衷之竒驟兮鞿羈之使遵此隄路
夫騷衷諒不有於羊腸兮鞞羈以負
騷慨造父之不若是兮或今之人善
御黃鵠一息千里兮夫豈爭食於鷓
鷺聊

濯羽於枉渚兮終翩翩以遠去
顧豢龍之捷巧兮視神物如犬羊
儵奮雷失所處兮悵孑立而催躩
苟大人非可乘兮胡爲是之洪
忍臨池水以凝睇兮又何軫此軒
冕吾奉堯舜以爲君兮忽不知其
蹉蹉表獨行之耿介兮歷九折而
不返伊摯負鼎以康后兮甯戚飯
牛而商歌儻斯民之翼翬兮聊折
節以委蛇騷衷逝兮玄闈黃鵠翔
兮紫氛觀者浩歎兮如煙跼馬
睠顧兮河瀕夫神龍幽蚪以行天
兮非倮蠖之匹倫固將視之澤此
后土兮終迅往符吾所云思江海
以爲竭兮涕淋浪而橫集願

附君之車塵兮身窘束其未得俟結草以抒忠兮
何枯骹之足惜恐年歲之超芻兮旅糞壤而無益

右二

吳艤發沃兮權翠翰秋風嫋嫋兮吹河干鴻鴈嘹
唳兮絕羣難徘徊翔視兮血汎瀾涉蘅臯兮辭遠
客寔煒煒兮將焉薄捐珮兮洎澣結長想兮江之
嶼願留斯湏兮惠我語君不顧我兮苦復苦旋羽
逝兮沒長雲望不見兮鴻潢紛攬浮颺兮不可襲
立沆漭兮長太息超旣邈兮中莫佻精淫淫兮增
恍惚落日恐兮絕響歸來兮申旦昧之未極

右三

竊獨感此鳳凰苞彩之九章兮揭重冥而離玃覽
冀州之有無兮舞德輝而丁之顧斥鷃之盱笑兮
彼亦奚知夫鳳凰之所訾將無量於蔽詬兮焱振
羽而高翔心隱憐之惋惋兮固無埃於君子之見
明特滑鬱而緘處兮中憇憫而無傍余陟岵以望
君兮君之行已云邁眺白雲之髣髴兮儵幻擾於
江介山嶺屹以橫厲兮水淅森而縈帶羗神徃而
形留兮極勞心於天外諒覆盆之曠蕩兮繫日月
之大明垂垂照之無已兮永篤恩於夏蟲

右四

闢白門以周覽兮邈青氣之潢洋悲梧楸之委約
兮葉菸邑而有霜撒朱夏之恢蕩兮然怊悵而不
平六龍杳不可頃兮王喬遠又奚足與存日曉曦
以下春兮月載魄而上營歲崢嶸以不處兮老井
井而相循奉不肖之賤軀兮曆四十而有七耻功
名之不建兮幾墮身於鬼虺枉浮生於斯世兮終
佯狂以自適繹大命之所由兮託深衷於罔極掣
清醴以寄悵兮飛廉誑而莫將因贈言於黃鵠兮
喟余又不能高翔羗媒絕而路遠兮志經鬱而弗
彰立蒼莽以竚望兮徒結想於微茫願假跡於楓
葉兮流洞庭之煙渚常宛轉於舟楫兮得見君之
容與蹇儻徊而弗進兮悵疚心而齟齬

右五

繫余幼感慨而好嘆兮矧此離之多故款賓從之
動俗兮懷征人之徃路日淹暮兮風颺颺吾登長
隰以騁望兮君始沛平方舟貽貝璐兮捐明月吾
與君期遊兮江之汶思溟泮兮旅璘珣吾欲自遂
而趨徃兮徑絕欲寃頸而愁處兮無隣然中道而
蒼曠兮忽不知其所從羗疾心而反視兮歷肝腋

而抽誦顧患欵之難變兮信常揣乎丰顛竊仰北
郭騷之抗行兮盡一飯之奇報媿駑蹇之弗逮兮
恐斯名之未紹夫梁父之非所乘兮東海余莫能
蹈馮鬱邑其害已兮乃扣衷而自劭食草澁以爲
飽兮御毛褐以爲溫朝臨饋於清流兮夜託宿於
孟門遵市南之先軌兮揖伯夷之清芬將要之以
沒齒兮奉君子之玉音愁疊疊而無端兮思嬋媛
而不解寬髣髴於江漢兮願朝宗而赴海

右六

无美一人兮倏遠遊翺翔凌厲兮臨河洲迴橈醜

睽兮心夷猶鞅屢無聊兮若失好仇沙棠舟兮青
雲幔朝黎陽兮暮淮漢决層冥兮送蜚鴈蹇誰慕
兮淚如霰曠余眚兮山之石雲英英兮而來下瞭
千眠兮塞原野挑飄颻兮君奚舍采芳杜兮礧石
林霜靈靈兮雪紛紛惋惜憚兮倚莫贈君懷我兮
思不任滄波之臣兮渺煙楫媵魚龍兮食海月我
思君兮阻天闕虎豹咬兮熊羆咆鴉鷓鴣兮夜
怒號風颭颭兮山木寒思公子兮增離嘆

右七

偉終南之松檜兮挺直幹乎千尋託奇根於陵嶽

兮掩枝葉於玄津
紗蕙華之競敷兮望風雨而先
零君獨服此勁質兮諒非衆芳之所羣
奔薦喏於渠護兮願當君之夏屋
顧杓鑿之橫施兮乃終罹此怨讟
心閔閔之隱軫兮哀斯世之蹇齷
指南土以翩翩兮汨滋邁乎芳躅
託鳳鳥之先容兮藉鷦明爲後乘
謁重華之離宮兮奏雲門舞六經
鄭聲曼靡離遠去兮麤穢除而虛
清厭衷嫺儀以沕宓兮夔龍軒翥
而並迎夫賢臣作忠固無遠近兮
量自信其所長堅白支離吾弗與
辯兮雖領顛其何傷竊余離慙以
求思兮俟一見之何時痛江河之
愈下兮恐青雲之後期登宛丘以
望君兮君之門萬里沂江潭以直
上兮謇余又畏乎龍鯉仰浮雲之
互逾兮杳鴻鴈之難攀心低徊以
怛懽兮積遥夜而求歎

右八

皇天之不逞於一物兮
攄余魄使有行乘巖嶮以
集憇兮被倨傲之頑名
苟視履之無憇度兮身焉
取此紕繆唯神理之降罰
兮假豎奴兮用殛銜窻
鬱於夏臺兮欲一鳴之匪
得惜既往之莫咎兮懇
將來吾不可測迪馮馮而
無終兮怊懣懣而罔極

竚慌泐以孔黜兮精煙煙而遠襲揆堯禹以爲像
兮揖仲熊與爲伍余孜孜日夜以呻誦兮尚欲奮
聲於天下然傍徨而絕術兮衆尊嗜而認予歲困
敦之罹網兮至今十四年而始原微大人之鯁介
兮余又焉能使常存奔犬馬之無恙兮歡旣至而
霑巾慟嗙浪之曷已兮信感泣乎路人昔越石之
當垂兮晏子聞而解之苟鮑叔之少忍兮仲孰與
乎宥之感國士之竒遇兮爾千載而仰之思鬱悠
之眇暢兮判淹離而晟之送佳人之姪姪兮擁千
騎之暉暉載雲旗之旒旒兮疊鉦鼓之齶齶左蒼

龍之蜿蜿兮右白虎之巽巽屬雷師之轟轟兮御
豐隆之翾翾飭帝江使混混兮戒陽侯之貅貅叱
竄鼉以爲梁兮靜蛟涎之汨汨二女翾翾而來翼兮
馮夷僂僂於滄洲兮江水無波兮檉九河使安流
渺長浮之漚澹兮還期君之舊鄉嘆處者之莫從
兮徒憊心之遑遑夏不忘茲厚德兮將坐見於羹
墻忽乎君之高蹈兮顯光烈於虞唐

右九

蟻螻集卷之三終

蠨螋集五卷肆

蟻螻集卷之四



黎陽盧柟少楨著

四言古詩

懲咎詩并啓一首上大名張太守鄧西吳吏部少槐李翰林東崗

柟頓首啓拘幽五載二靈未痊兩稚繼死宗祧有
劉食之憂日夜悲號煩懣纏鬱播爲不仁啓偏枯
之漸蓋志塞則神瞖氣秘則形緩可以宣蘇神氣
滌蕩邪穢遭遁世而無悶者取要虜音聲焉是故
言之不足則發之以詠嘆詠嘆之不足則殫之以

詩賦然楚恭寤言隆以美謚子服補過儕爲上大
夫古之君子過如日月之食更也人皆仰之詩賦
之作宜莫近於自訟也已曩昔栴引見御史臺時
諸公神明察栴冤誣力挽之不出夫並物茂育者
天地之化也燭微垂光者日月之明也矜愚兼養
者慈父之仁也潤物無跡者元老之器也聖澤汪
濊時雨灌沃枯槁之民蒙被滋潤勵結草之思懷
刻骨之銘晝夜寢食一以匪懈第以天網難於頓
解人心可以道固沉緬垢顏追思臯戾蹠足嶮巖
游志坦夷文之禮樂以從事辱春秋大改過之訓

望風承顏馳精羽麾傾聽鐘鼓刀鋸之警歛若遺
失作懲咎詩一首走獻下里淫哇無足採擇祗據
下情云爾栴不勝悚懼頓首頓首其詩曰

於皇 明祖曆數在躬龍翔淮甸鳳跄金陵 哲

后繼啓寔爲 太宗滌宇沙漠定鼎北平胤鳥肇

跡篤生我皇文思欽明武烈威揚九壤流化八葉
載光越商軼周方軌於唐赫赫明聖鑒臨下土閱
茲藩魏在漳之游政狎民逸不克時叙咨汝宰臣
孰寧予處天官曰罷張公臣隣懿思淵塞邁德種
勲三揖緇衣五馬白脣錫汝淮陽以優王賓曰若

李公維帝喉舌逆鱗補衮持稷糾契執憲匪回萬
夫之特投章出郊藩此南國曰維吳公環拱紫微
縣衙泰垣曳履龍墀三台中拆駭標天維懷玦之
屏絕景超輝象服有鞞式讌嘉會劔履雲行徽章
霧麗丹霞扶軒流飈承珮相協天人調和鼎鼐振
舉頽綱綜釐羣紀肅肅公徒莪莪俊士有懷克綏
無頗不圯神人胥悅黃耆稱美繫余小子髫鬣載
年園彼橋門執經陳虔屢磬玉鬯琴瑟洞絃官師
傲甚我弼我愆嗟余小子般樂肆射禽色交荒曾
匪日夜日居月諸忽焉代謝長老有言固而弗化

履霜堅冰積雪維霰福始禍基致毀匪嫚滅獲跋
扈監牛之漸駕言鉏挺構茲奇怨誰其爲梗職此
厲階行人牽牛邑人之謫匪曰狡狂孰爲斯媒沉
思窳圉遐不愴懷蹇蹇王臣侯來於京雲馳四表
雷動八紘霜飛天鉞秋冠烈纓如追放豚寘余典
刑羣公穹燭察我寃隱灑以甘露潤此槁軫爍燹
燎原撲滅可近三宥弗張六極迭馘犴狴勿密纏
牽求極卧無曲肱行有顛踣日星安施違此昏墨
維繼之儼與余偃息大夜何長佇視虛照魑魅傲
惴旣嘖亦笑招之不來迤邐入廟非予作孽斯焉

取造瞻彼衛澳有蘋有蘩祁祁士女大珮瓊璫以
嬉以游俯仰如神豈不爾懷畏此棘垣麋鹿榛榛
虎豹伾伾號走曠野嚙肉茹糜夫我無食不如爾
怡欲往同羣騶虞在達伊禽之介黃鵠其羽千里
一息不遑寧處蕩蕩玄霄倚克與伍有泚厚顏莫
不能舉嗷嗷鴻鴈喑喑江湘弋人何慕實汝瑤觴
汝之匪覯亦自云亡罪豈捕盧俾我悲傷何我人
斯不如獄草晨光朝晞露夜灑草之油油孤秀
斯寶嗟予小子胡不自好嚴父辭堂慈母去闈二
靈並暴風雨中摧圜幽五稔誰掩葛藟心膂慘傷

髮膚當垂兩稚失怙咨命不永厥緒斬斲誰繼余
統馬牛風埏牧豎登隴萬歲千秋涕下如綆妻孥
牽裙將柰若何我有嚴刑逞恤其佗生當來歸死
當長嗟茲其余辜怨豈在遐諤諤三公奕世夔龍
投分紹運駢翊帝秉力侔造化志與神通何惜覆
盆照此微躬蠢爾黠虜窺我華闕願投有異親冒
矢石搴旗瀚海奮劒沙磧雷轂鴈門電掃張掖捐
軀國難解頤龍鱗血化爲碧膏塗鉄斤薄劣旣弛
少謝陶鈞死雖一轍肝膽殊分天未悔禍憂心煩
勞懷賢如渴德音式昭夢寐赤舄仰止嵩高王澤

弗竭鑿我時髦

雜興五首

輕車載脂良馬且閑于盤于游游覽山川綠蘿高
林鳥鳴關關神逸志悅踞石飲泉劃然長嘯鳴谷
振煙青雲何意翱翔我前欲擘以登倏然上天整
巾頓纓薄暮言還

巍巍蒼山湯湯洪河鳥籟于林魚游于波飛落攸
揚物謂爾何遵彼脩陵顧景高歌手弄暘熙神渝
天和日月迅邁胡爲蹉跎

採採石萼薄言江沚婉美者誰中洲之士目余有
瀾瓊樹繫游鑣瑤華代朝飡恣情戲靈景靜嘯啾
鳴鸞浮世信滄濁焉能濡余翰

幽人何髣髴乘化游丹谿雲裾佩瓊璠焱轂駟蒼
螭揉弄綠蘿煙蹠蹠紫霞輝薄言佇山椒璨齒脩
羽儀高舉謝塵寰長揖答夷齊

雜詩七首

迴陰翳朝日薄寒履微霜綠池潜游鱗飛鳥歸林
翔北風吹蕙帷馨香發我堂攬衣下堦除屣履獨
徬徨豈無芳草思欲寄愁春陽憂來人莫知悲憤
結衷腸山韞玉含輝川沉珠媚光所願崇明德別

離何足傷

皎皎明月光照見東大樓
天風吹綺疏櫺軒一何
幽上有憂思婦頽頽懷良儔
中夜鬱長嘆悲嘯含
清秋借問怨阿誰不語彈箜篌
清商激中曲音響
何淒淒大絃回陽春小絃咽
泉流精誠逾金石烈
思揚清謳蟋蟀鳴金閨
霜霰披梧楸日月迅推轂
鉛華安久留願爲梁間塵
隨風入君幃

丘中有隱士枯槁不可識
渴飲潁川流饑餐首陽
栢薜荔爲衣裳蘭湯沐
芳幘鹿麋戲左右猿狖相

洪崖公暮延浮丘伯揚袂涉中洲落英

蕩桂檝我願從之游飄忽
眇無跡佇望立澧浦颺
風起我側攬轡回故鄉
白日忽西匿感彼空冥鴻
翻飛振六翮

谿谷饒冰霜幽澤多芳草
朝煙滋綠輝夕露發青
藻芬香披原塗弱葉亦俊
好佳人殊未來繁華易
枯槁悲哉君子心緜緜在
遠道歲寒見松栢可以
喻終老

高樓有佳婦窈窕青雲端
左蔭綠桂枝右紉芳澤
蘭臨流戲珠浦拾翠游芝
田蛾眉衆所妬時俗尚
無鹽捐棄蓬蒿中誰來希
令顏徘徊歲云暮拂衣

聊長嘆

驅車泰山阿梁父何崔嵬狹路阻且難車輪不能
迴磊落百丈巖空冥千仞谿悲風從中來樹木鬱
森奇鴟鴞號我前熊羆舐路垂四顧絕人煙零露
霑裳衣遠行多輾軻傷哉心獨違回思駕方舟川
廣帆檣危徘徊在中途執勒思沉迷僕夫疲以痛
我馬復虺隤日暮隴阪長行行將安歸始知阮步
兵痛哭各有爲

征夫嚴夙駕負羽即長衢天山白霧滿瀚海愁雲
紆日暮向何處疆藩爲我虞前年雲中擾主帥血
漣而胡騎從北來鳴笳間旂旂今年遼陽驚干城
爲獷狙桀驚我皇使髡奴縶長組險阻掣重關氣
蓋連東夷欲揮天馬搥指顧定邊陲惜無晨風翼
阻此風雲期奮身臨飛觀遐覘還四區長城袤萬
里上與浮歎齊耳虛聽刁斗日竭迴旌旗安得楚
雄劔揚鏑震天威塞門背捲甲沙郡面渠魁緝安
兩鄙民扶持四海危掃清黃池塵放馬華山歸喪
元在溝壑馬革裹屍回

贈盧潭城二首

六龍推飈輪四運無停軌日春薄虞淵月朧昇玉

壘飛螢流雕甍微禽變玄海寒露被陵苕繁霜瘁
江滙缺隙馳白駒人命易頽改赤松旣渺茫安期
亦誕晦苟非青雲身焉能施後代鳳鳴振綺輝龍
飛薄霧靄步趾溷芳林揚聲欲珍彩豈維工雕蟲
立心貴鼎鼐君懷璠璵姿輝光茂真宰勗哉勤令
圖雲衢會相待

涼風越秋海吹我東階樹柔條歇芳輝密葉垂豐
露玉殿鑿凝霜金閨疊紈素念子居無衣薄寒隱
天霧芟荷凌晨宵雨雪恨遲暮嚴黍沐晚澤青松
挺陰沍尚父釣河濱甯戚飯牛寤天造時康屯雄
發霽霖雨貞觀詩書場母爲悲世迂我希吳延陵
寶劔非所顧敦義篤情親千里共奇步

○奉和王大伾侍御賦雞冠花有命輒和一首
東方有神鳥高棲紫霞山赤雲生羽儀列缺飛雙
翰據身蟠桃枝長鳴開天關青都閃玉樞白日照
幽玄帝怒振威譴摧落頭上冠墮地餘仙姿化爲
百花觀繁曲何逶迤茂彩亦蠶蜒峭葉滋碧輝墨
粟含珠丹軒發若揚音蹙撲迅衝欄窈窕信幽遐
翩翩誠足謹歲暮歷凜秋霜華浣其顏愧與卉草
伍豈惟松栢堅金谷乞嘉靈梅庭薦高賢左右娛

樂意圖書生清妍無爲長毛質飛去終難攀

贈道士

雲靜玉虛敞霞明金闕深鬱羅棲祥煙中有長生
人饑餐瓊玉英渴飲華池津不笑亦不言綽約含
天真爲問此阿誰渾沌卽與隣元始覲幽光鴻蒙
揖清氛瞑坐合運會揚眉條千春寄言下世士尋
茲入無垠

太子洗馬童公內方扈蹕謁陵有命輒作

春日曜陽景榮華何郁郁崢嶸繁卉菲歲蕤紫薇
簇禁光信清遐蘭撩親直宿我君感雨露裡薦信
非瀆龍章翔玉璽鳳儀戒黃屋流雲滿靈旂焱風
夾飛轂鳴鑾發春渚迴旌陟山麓白日麗蘭皋晨
光清滌澳極日眺神京祥煙紛四轟皇心亦陽澤
七陵發秀毓人神愜歡情海嶽拱清穆 聖孝
燁重光薰蒸浹九服豈云藐姑射盤游餌羞慙微
臣諒薄劣揄揚慙尺牘願陳駑馬姿清飈得坤軸
孟龍川許送芸香不至走索兼以詩寄

管鮑古名士聲譽何輝燭夙期貴相親感激良有
託我亦慷慨人卜居耻離索岵嶢望龍川颯沓煙
霧廓之子住翠微影響見灼灼作賦凌霄愛飲

臨大壑，翕張龍鳳姿。偃仰猿猱嬰，東園吟嘯臺。愧
如青天落，憑覽望八極。寰宇真空擴，仰殫明玉霞。
俯拾金光藥，調嘯宛孫登。清風振山閣，攬懷腐草
質。潛身在葦藿，深夜撫長劔。江海環其鏐，安得說
楚王。一揮萬人爍，功成長揖去。與君尋溟漠，瞑坐
焚芸香。高名辭衛霍，回看九關門。湫隘如大橐，勗
哉重然喏。毋與世相攪。

王大伾草堂五首 并序

嘉靖己亥歲，王大伾侍御築城南草堂成，朱明
旣麗，時雨方歇，兩山擁翠，雙岬迴繞，高臺騰吹。

以承雲木客唱舞而赴節，賓客樽坐，羅衣從風，
非有琦瓌之詞，曷申厥美。因著詩五章。

三五已淪替，霸王氣不全。末流信頽奔，至道中復
難。賢哲叅時中，奮志摩羽翰。棲身柱下史，託興擬
周聃。道違身即殉，棄世復來旋。

來旋自廣庭，希世濯塵纓。草玄合太始，茗飲通神
靈。物化在握紀，周章游無窮。漢儀委芻草，魏闕寄
鴻冥。心閒理自得，志澹物俱輕。

物輕亦徜徉，塵廓非我鄉。誅茅遠城市，結廬近山
陽。前沼含雲澤，後臺凌穹蒼。萋萋礪谿草，春秋生

輝光日暮會佳賓嘉樂陳中堂

中堂嘉樂陳紛華羅錦茵
巴僮激清徵越女流商
音一奏驚回廳再奏生陽春
中人莫云悟歌者徒
勞心所以重考槃
未懷嘉樹林

嘉樹清且圓蔭彼城南田
層枝棲孤鳳奕葉鳴寒
蟬幽人懷澹泊日夕獨盤桓
桃李雖容艷早落春
風前何如主人樹茂育長千年

繫獄敬呈王大伾侍御李復齋工部丈六十

韻

乾坤日羗蚩蚩尤薄雲際哲
后振淮海應期拯頹

世金陵王氣鍾石頭雲影麗
風牧效威靈夔龍掃
氛翳奕葉三百年皇風紹帝系
天子坐明堂南面
稱王制冕旒垂天光玉劍通霄霧
太微廓織塵萬
里見毛毳元默籍儒術恢絃資聖獻
宣室訪鬼神
茂陵求俊藝大岷起伏龍南溟恣
湔漓行空作霖
雨少答聖明惠辰趨紫微垣暮拽青雲履
抗劾無
中閹糾彈懾戚第上方斬馬劍入目決雙背
清戎
大梁郊按轡于越泅聳身一鷲鳥霄漢獨
凌厲迴
登黃鶴樓笑謁蒼梧帝赫赫江湖間高風捷虹霓
東家李北海侗儻執英袂仙宦浮江湘芳聲播燕

薊詔爲滄水使寬此漕會計疏鑿九河空導流百
川細三吳十萬艘朝宗轉迢遞雍絳各一時泛舟
同康濟至尊假顏色徵入承明砌御屏疏姓名金
馬晚留憇紫宸揚清氛飄颻借蘭蕙讒疑動明主
懷玦各長逝悵念平子詩頻流賈生涕懷沙一傷
心採葳聊卒歲僕本澹蕩人林壑憐松桂嘯棲巖
岫間疾與煙霞誓仰窺雲漢章自覺衆星矐不羞
鄰女顰竊效西施媿招隱小山椒聞經泗水蒞侯
巴顧何人太玄得深詣揚眉覩青天白日忽西閉
山海東南傾風波無停勢曾參却殺人蒼蠅點錦

幣改服南冠囚越吟從逮繫淳于當嚴刑緹縈杳
難繼痛哭父母柩那憐兒女斃一門如枯蓬超忽
無根蒂蹇予何迤邐遭此鯨鯢噬鸞鳳掩雲羅騏
驥苦淹滯豈不思天衢誰能徹蒙蔽發矢石飲羽
揮戈日反蕙精神苟不滅天網終見貫用茲曠達
心優游在塗泥閱書窮九關灑墨橫岱嶠衡嶽疲
夢想瀟湘見噴鼻有時仙人來攜我游荒裔倒景
不可攀倏然墜煙壁復爾淆濁中詎能聞鶴唳慨
彼魯連子調笑寡儔儷能解聊城紛求鼓滄浪柅
何辭涉中洲褰衣救淪替輾轉不得親徒爲眺睥

覬憂來復何言書向南山筆

贈胡公入覲

天王大一統四海皆朝宗胡公躡仙飈籍政聞九重鏘鏘青瑣墀翦翦雲從龍才力當代見儒雅深彌縫螭頭玉皇案落花何濛濛近時三輔賢獎擢此登庸願君勤明德早晚薦璧琮

贈故大同府節判魏張公祝入祠七十韻

魏博富才藪儲英斷幽顯金璞無留精虎豹澄視眄文章兩漢際墨跡蒼頡篆多賢信足徵特秀殊異譏張公真天人弱冠負婉孌鳳毛何翩翩孤嘯

絕嵒嶮矯然雲空翮似共扶搖搏遠器詎可識棲栖但蒼畝腹存五經笥身與六藝卷叔孫禮猶尊毛公詩放行桃李垂映春蕪穢屢摧揃庭草有餘姿園葵復開展李膺縣龍門侯巴激繩勉有母老且貧負米不憚緬比堂或寢憂視食臉必泣夜坐寧解衣晨興忘孱悞仲由晚升堂曾參力親劬豈不懷曠逸所媿斯道舛操觚赴風簷論議浮雲捲天地豈毫末萬物皆蠅虱揮霍斷鵠劍絡繹如甕繭九河一奔決筆力與深淺賈誼魁大庭郗生逼衆選春雨濕荷衣秋風醉華宴領教即同州文旆

辭御輦。凄其燕坐。羶寂寞。公堂鱸盤中。長首菴衣。
上生苔蘚。整飭文字。宗手足成宿。胼乙科連佳士。
芳聲捷銀匾。銓曹籍哲行。聖意親眷。繼制可決宸。
衷。啣命理東充。淮南多賓客。河間討墳典。枕中鴻。
寶書。禮經得細闡。其王似太宗。英睿天潢演。虬鬚。
多瀟灑。虎步遺芳躋。設醴延穆生。駢羅出禁巒。謹。
介控豪俠。揮金縈筐篋。王賜金字牌。旌忠古所鮮。
爲擢雲州判。饋運百里轉。甬道達交河。軍聲赫桓。
彌落日。單于營。秋風胡馬埭。漠漠黃沙磧。蕭蕭大。
旗。舉頗似蕭相賢。關中息餘喘。武宗踐祚初。逆。

瑾恣驕蹇。泰阿失金柄。寶鼎竊玉鉉。閹奴事私謁。
日請太倉廩。公氣時益振。那避禍橫罨。按劍雄四。
視。意欲鏟疊巘。奸回沮顏色。諒直非顧遣。董卓卒。
燃臍。李斯嘆黃犬。乾坤掃氛翳。社稷清沈湮。解綬。
賦歸田。衡門適游軀。王公枉駕過。俛視若蝦蟇。驂。
騶宜垂耳。鸞鶴易摧殄。汨沒漳水涯。沉絕廟堂璉。
鳳雛翔長雲。玉樹落蕭苑。佳婿李光祿。乘龍篤嬖。
媿後代。乃賢豪森森。盡碧瑛。道盛人難忘。有司累。
交薦。縣室列神靈。雕楹虛壇墀。窈窕映丹青。焯焯。
雜黜堦。春秋恪駿奔。陟降立有覩。玉貌雖匪殊。德。

音誰能戩門墻歎分席飽聞弟子善夙期儻相親
何必同笑噴哀贈起悲風遠懷淚若洗長吟薤露
篇少謝蒿里餞又稽尋陽囚號泣思徒跣伏枕纏
搢拳挺身畏戈戟江海苟不竭筆削太史編

酬謝逸人四溟三首并序

山東謝榛茂秦嘉靖中以能詩爲趙王客居鄴
邨嘗游跡燕趙梁宋間與余相知辛丑歲余坐
誣繫濬獄則杳然莫知出處近有人自宋中來
傳四溟詩集讀之乃茂秦所爲者中二絕句矜
予極寃擬之禰衡李白之倫夫禰李詩賦縣日

月彼雖死斯文猶存於世若予發跡旣隱又罹
重法有說如山誰肯爲余傳哉因作詩二首用
答其意若茂秦之得見與否無容心焉

曹思弄文翰歌詠鄴中詩招游七才子俱好相如
詞君隨鳧鴈圃應教鳳凰池聊拂清霞賞慰茲瓊
樹枝胡爲泛滄海令我長相思

謝客恣霞想揮手絕人羣朝辭北燕里暮宿大梁
雲海月照舞席澄江瀉清瀆遠游憇靈境奇節冠
秋雲黃鵠思煙侶長鳴向夕曛

李白謫仙才禰衡賦鸚鵡緘愁投夜郎掩淚赴黃

祖殺身揚綺芬高名播千古天摧白龍鱗雲斷黃
鶴羽感此遠謝君沉吟望梁父

讀謝明濱明水寺詩慨然有契奉寄二首

謝公躡石壁捫蘿入紫氛逸興滿吳會健筆凌千
軍英風邈誰儔明濱千載羣憇游明水作臭比芝
蘭芬海樹建霞標鷺鷥浮江濱恍然瀟湘思掛此
鄒魯雲我夢忽見之重襲若玄纁長路阻會面作
詩識前聞媿無雲錦字持此慰慙慙

吳門發白馬皎如一匹練賢無萬里明焉能坐相
見君懷鸞鳳姿羽毛何翩絢朝游丹水涯夕赴崑
崙宴黃鵠遭雲羅弋人待珍膳三年不蜚鳴冤頸
羞緜斲忽聞雲空音仰首矚流電翻飛無長風結
思緬州縣悠悠復何言長歌淚如霰

重贈李子理

麒麟出魯郊商鉏爲不祥向非孔仲尼何異犬與
羊所以路傍人按劍嘿夜光近時青雲士豈無魯
氣節苟不申甘蹈東海死世人聞此言棄之
如敝屣投君勿復道北風吹易水

送華從化省謁還章丘兼呈東魯諸公二首

華大如小阮開樽衛水東金鞭揮夜月玉袖並春

風偃仰青天笑歌吟芳桂叢持余湘水賦留寄與羣公

南山綠桂樹春來發幾枝歲蕤持滿袖千里寄相思月落清泉浦風吹沙麓支勗爾加餐飯徘徊別路岐

奉懷謝少谿侍御遷浙江憲副

橫海無凡鯉尺璧價連城孤騫少谿子謁帝登承明長劍倚窵翁步履蹋欂櫨至今霄漢上浮雲掛高名何年辭魏闕翩翩獨南征五峰雄天壁三江接滄瀛日夕兢秀絲紛輝迓霜旌海嶠擬新作石門尋舊盟戲弄浙江濤壯觀天地情雖紆金紫貴常濯滄浪纓遠宦兼隱逸而不塵垢嬰聖代無遺豪夔龍皆公卿東山起安石宣室延賈生爲茲江漢客彈冠及時清我身在羅網想見昇天行懷賢一嘯歌明月落前楹

贈友人歸別墅

綠楊漫垂舞擺動春風情吏役甘作苦瓜期思田榮尋溪觀游鱗出谷聽流鶯別有漆園客長歌懷友生

奉寄河東苟侍御小川三首

金陵驄馬發旌麾，遶石頭霜風摧鯨鯢。明月漾中流，軼蕩六朝賢。簞揚崔李舟，佳興滿吳雲。輝光耿千秋，我昔聞此時。交際增百憂，欲徃一見之。天路窮阻脩，瞻望邈不及。涕泗長河流。

孤鳳棲椅桐，應龍游重淵。神物固有託，變化胡能詮。爲是討幽客，解組歸山田。石徑掃行跡，蘿衣拂紫煙。目送羅浮雲，手揮龍門絃。道腴物固小，間居心悠然。茫茫下世士，大笑奚足賢。

屈原傳宋玉，子雲鑄侯巴。哲人多啓迪，講道臨河涯。至今江漢輝，炯炯凌朝霞。風期託深思，千載著名家。媿非桃李姿，焉能敷菁華。俄然柳生肘，物化終歆斜。何由重升堂，大造裁淫哇。

秋日寄上晁春陵內翰五首

扈聖陟秘閣，整轡游文林。揚輝比密玉，許身偕兼金。神風駭八維，靈雨潤四民。濟濟登龍客，闐衢耀朱輪。承顏接玄談，浩氣如浮雲。回視阡陌中，涸轍多凡鱗。揚鬢鼓泥滓，而與螻蟻隣。不惜及雲霧，提携入無垠。

白門涼氣發，蟋蟀鳴庭闈。念此感物化，中心愴已摧。掩淚歸幽房，含情當訴誰。微風扇羅幄，明月耀

雲崖良辰亮在茲容華難久持佳人隔城闥水嘆
徒爾爲

嘉樹何鬱鬱南山桐與梓柯葉苟不強樵爨從茲
始天道良苦艱甲第遺空壘棄置勿復道鉛淚徒
瀾瀾一身當輶軻誰能慕鄉里毒痛結我腹願君
察識此

瞻望大行嶺還視長河陰峻節何局促變化孰能
尋大火流坤維繁霜霑衣襟澤潏沉水滑松蘿罷
長林號獸走曠野鴟鳩噉哀吟志士悲凜秋惋嘆
傷明神矧茲鞠幽客悽惻固難任

夙昔游帝京雅志好絃歌師曠調清徵湘靈鼓雲
和一唱再三嘆游魚躍雙波調高和彌寡返駕涉
滯沱還顧望五原殺氣橫嵯峩誓欲掃龍庭長驅
出交河壯心忽不借白日空蹉跎歸來觸羅網傷
哉可柰何

孟龍川自京師旋爲余言秋部李滄溟聞寃
慨然有脫囚之志因作詩四首寄上

滄海何淼茫廓然含太清餘波浸九壤萬象已崢
嶸化機詎可測聊觀天地情乘風徒空言安得越
蓬瀛

太華長松樹，顛顛伐爲薪。東風恨來過，枝葉暗知春。
女蘿拽碧帶，玄鶴窺丹津。危顏倚窮石，猶恐剥蒼鱗。

綠驥騎龍媒，嘶雲啞蒼昊。誰令服鹽箱，西上太行道。
伯樂一見之，脫鞅恐不早。回頭語紫燕，報恩期瑤草。

晨起坐嘯嘆，永懷在簪纓。託風將情素，吹落鳳凰城。
聞鶴感陸機，顧影憐嵇生。願垂清鑑姿，持照萬古情。

聞張鵝山侍御巡按甘肅比歲當還敬以此

寄上

漢葉奕千載，中興氣益振。離照撫萬方，天狼避紫宸。
泰階無纖埃，青雲翊縉紳。昊穹挺神秀，應期誕絕倫。
翩如鳳峙嶽，矯若龍翔津。鐵冠指巖威，白豸行嶙嶙。
投章失衛霍，抗劾無齊秦。犯顏一折檻，奮世獨埋輪。
有時趨螭頭，雙履躡星辰。風采動萬乘，何言折大臣。
持斧出王郊，揮策向西巡。將帥謁馬首，武士騎鯨鱗。
亭邀苑嶺騎，幕遮輪臺賓。羽檄夜交馳，旌麾晝紛綸。
龍庭閒白日，天塞生陽春。萬古斥鹵地，能令風俗淳。
命駕旋直廬，行瞻帝城闈。黃

華反使節東山傷我神衣繡簪白筆再覩漢儀新
竊從文翰場氣節凌秋旻許身報明主圖畫驚麒麟
麟此志邈難嗣傷哉難重陳市虎遂搆患曾參乃
殺人冤頸在囹圄日與囚儼親風雲凋壯志衰謝
誰當掄明公立天衢卓然持大鈞宴桓遇苗公脫
難誠有因鮑叔救伊吾曠世孰爲鄰天地妙化育
寧辭芻狗仁傾誠望舟楫千載收沉淪

獄夜書愁敬呈吳少槐吏部

天帝一震怒貳負縛暝間石室枯兩足仰無日月
攀我稽潯陽囚迢迢如玉關妻女阻會面何時復
生還衛水東北流日夜恣瀟灑如何來枕上化作
萬行淚申包哭秦庭七夜救楚地掩面今三年猶
爲蒿里質天命安可知長吟慰顛顛

書柳川弟壁二首

春風昨夜來吹此庭樹綠好鳥皆芳鳴紛飛繞茅
屋乘興坐花傍一飲傾萬斛日暮倒玉山歸來卧
幽獨如何東隣兒冶游矜華轍

衛川狹春游翩翩佳公子衣劔何照耀馳逐矜鄉
里我非揚子雲草玄常晏起坐觀桃李花秋風亦
云已

送張壚山明府轉戶部五首

銅梁張仲子，割雞河水濱。一朝荷聖眷，白壁照

玄纁。鸞鳳起孤嘯，翻飛比天雲。昭王親灑掃，遲爾

勒功勳。

慷慨國士遇，投分知己恩。一語已肝膽，刎頸即夷門。何云明月珠，吐之隋侯軒。顧茲千里去，輾轉悲心冤。

鬱鬱太行雲，離離衛川樹。啾啾玄猿啼，颼颼驚鴻顧。五月搏長颼，將之千里路。努力黃金臺，相期共天步。

張公有神劍，飛入延平津。雄去雌空留，灑血滿龍鱗。天路旣云濶，變化胡可親。所以道傍子，哽咽雙颼輪。

詔出彤龍樓，官辭白馬縣。落花飄雲旂，英風緬京甸。欲射聊城書，解此閩海戰。去去復何言，悲歌振林霰。

書懷投李篁臺外博

昔余江海思，凌風恣天游。回覽鳳凰臺，薄行鸚鵡洲。玩弄潁水月，吟嘯箕山秋。緬想古人風，飄然不可求。挾劍適燕雲，裂繻游皇州。昭王去不還，金臺

長秋草樂毅徒空談劇辛亦枯槁痛哭九陌中迴
飈起蒼昊六噫辭漢京三山事幽討結廬大伾麓
蒔花黎水陽饑殮赤城霞渴飲華池漿舉杯酬阮
籍彈琴招稽康放浪期九垓枋榆安足翔天造誠
寥廓一夕生櫟槍光芒動圓象浩蕩亂天常南箕
乃長舌牽牛遂服箱寘身在昭憲夙夜守園土剝
膚咸逐蛇剗心皆劍櫓陰卧覓毳毳激視鬼傴僂
日月將焉施胡不照聾瞽父母荒殞階兒女死秋
堵嘔血徒傷心斬衣事終古悠悠九原思歷亂攢
肺腑篁臺百世士瀟灑落風塵談經施絳帳講道

開河濱有時瀉璣珠萬斛光璘幽鎔鑄能幾時席
上羅佳珍貶道理凡材褰衣訊幽谷煙雲忽一開
婉如熙春屋醜面行嘆息力疾對芳牘覽聽殊未
已猶獲玉雙鼓強成啓口笑無復論羞慙感此忘
形骸片言通鈞軸願爾垂神光乘時慰蹙躅龍荒
如有待萬里騎驪騮

秋日奉別王元美比部詳刑還京四首

送君沙麓野延望漳水濱爾登黃金臺我棲青桂
林雙鴈起前浦雄飛雌復沉相背一何速顧念隔
長雲遠眺碣石宮巍巍紫霄岑千里益相思鬱悠

傷我覓願言策高步圖畫終麒麟

爍爍天上星皎皎巖際月蟋蟀感夜吟涼飈遲晨
發山水旣云蒼江楓亦已脫遙望百里間茫茫但
寥濶鴟鴞鳴園陬虎豹步庭闕臨路別親悵然
增華髮思心獨徬徨誰能爲解結安得瓊芳枝慰
我常饑渴

清夜張宴會桃李沓衆芳微辭吐椒蘭穆如清風
揚東序理瑤瑟西清弄雕簧長歌遏流雲四座無
高倡離思動顏色杯酒空激昂悵望登高臺痛毒

我肝腸

泛泛白飛鳧刷羽長河濤有如客游子辭家遠留
滯衣裳灑秋風飄遙青雲屐仰視霄漢間景星何
翊麗瑤光忽若遺棄我即遠逝低頭空復憐白髮
茲衰替遲君報明主偃蹇卧松桂

奉贈李于鱗憲副之陝西三首

曠莽龍首野鬱嶂九巖岑應龍駕祥飈上下乘
陰靈威施肇榮五采絢相尋駘蕩誠足樂悵念詎
能任願希晨風羽招搖出平林交厲赤霄間翮翅
待嘯音神物固超忽棄我長河濤

崑崙萬里高海水萬里流感此慷慨士飄颻順風

游明珠多按劍，久玩知自孚。蕭艾豈不芳，蘭蕙良見羞。得志信須臾，展旆西石樓。念彼席上珍，硃磬行當收。還節汾晉間，冠蓋前雲浮。鴻儒富華實，履道固其常。顏笑破秋日，罄折如春陽。有時發幽微，珠璣盡輝光。室中列俎豆，堂上羅圭璋。鳴琴一再彈，清風惠時芳。玄沉亮高節，變化信無方。瞻望闕璇儀，悲嘯愁我腸。

贈子青三首

燕客懷白壁，別余長河洲。杳若蒼梧雲，飄落南天陬。三楚彌芳甸，九江接春流。喟言游此地，孤嘯誰

能儔

贈別無淒顏，臨風發長思。劒解雙芙蓉，上刻延平字。然喏輕一言，縱橫託深意。勿作羊腸悲，且馳千里轡。

衛川發白馬，散下綠楊堤。醉別關山月，歌傷白苧詞。樅江猿掛影，皖嶺桂橫枝。定有登臨興，題詩慰我思。

送顧聖之游楚時余將往金陵三首

春山送行子，春草惜離觴。不盡孤雲意，徘徊古道傍。望望荆門曉，悠悠郢樹蒼。此中蒲高詠，遲爾寄

江鄉

迢遙巫山陽曾佇神女節君今過此地坐見綵雲
滅歲蕤瑤草芳窈窕翠華結爲我一致之沉念紫
煙別

君作楚鄉客我爲吳會吟別離在造次杯酒更相
斟鳥逝清泥浦猿啼白石林感茲無限意引領各
霑巾

宿蘇門山夜懷王龍池別駕有詩未就因追
之以此

昔登蘇門山獨發孫生嘯悵念青霞人披襟可同
調落月照林薄迴風吹海嶠相思轉陳跡俛仰憶
悲眺

適金陵登魏武讀書臺奉別李覺齋丈

魏武建雄圖虎視何壯哉祗今霸氣盡空餘讀書
臺登臺覽四野蕭瑟悲風來饑鳶獵平楚寒狐鳴
城隈林木鬱蒼然煙霜日空摧咄嗟此山川千載
埋雲雷我亦慷慨人與君遠追陪酒酣拂寶劍肝
膽歷然開遙望南溟間鯨鯢滄波頽相顧起叱嘯
坐使風雲迴揚僕擁樓船聲名冠崔嵬富貴吾自
取他人徒驚猜投鞭自茲去千里騎河魁

寓譙郡宿魏武臺下贈羅汝龍

漢帝滅金鏡靈氛黯中原山川忽破碎海水日飛
翻蚩尤拓大旗時拂紫微垣奸雄竊神器霸王氣
并吞平臺起峭崿西北眺陵園千載乃丘墟秋風
散雞豚爾來值歲暮感此摧心魂託宿茅屋下偃
仰徒自論中逢豫章客夜半延青樽酒酣起視笑
飄然虬鬚掀開口復縱橫歷歷陳萬言宛若黃河
流湔湔決崑崙然喏在一時逸氣驚鴻鵠遠望江
路塞蠻烽照天門誓欲指雄劍直斬南溟鷗而我
豈不能與君同騰騫風雲苟未合且復侶猱猿陰
符掩玉匣寶劍藏塞壩拂衣一長嘯高風振丘樊
水流還大壑日昃仍朝暉待三乘景運一灑清海
渾

別李希賢

譙城冬日白渦水陰雲霏與爾經別地相看淚濕
衣旅思隨鴈盡鄉夢逆潮歸芳草他時滿令人寧
久違

贈紹易殿下二首

鳳凰巢玉樹翡翠集炎洲自非鍾靈匹孰能從茲
游副君懋明德端疑無前儔動搖瑤華章光映西

龍樓登高賦，衛薄愛士開。瀛洲桃李散，芬芳圭璋
咨皇猷。佳遇良在茲，清風安可牟。翩翩魏公子，千
載誠足羞。

撫劍發孤嘯，振羽翔林薄。西遊古鄴城，僂俛興著
作。日夕侍彤廬，凌晨登綺閣。虬顏希再覲，虎變驚
一愕。謬承瓊珠音，恍若煙氛郭。感此國士心，屏營
淚雙落。駕言旋故鄉，因風達魚鑰。

冬夜汪北津郎中過濬索詩因以此贈

霜霰驚嚴夕，初月照林杪。鼓吹入寒城，雙旌來遠
道。清飈何悠揚，拂此幽垣草。草色淒以腓，澹蕩望

春輝。早晚矜餘顏，永承瓊樹枝。聊此奉徽音，庶以
昭寒微。

過內黃宿圓上人講堂兼呈張沅洲太守

寶樹開五葉，輪風發光綺。圓公棲碧巖，戒得清蓮
蓋。延我諸天竺，說法雙樹底。玄談莽浩曠，恒河沙
瀾瀾。十年始鏡徹，澄心見秋水。靜卧薜蘿寒，彷徨
夜中起。仰視天漢端，涼月掛玉壘。覓清境亦寂，萬
慮俱頽靡。顧彼下世士，紛華競鄉里。何如虎溪客，
妙悟參禪理。

冬日獵射畢同艾瑞泉從子擢挈酒藉草坐

飲醉後作此

寒風吹林薄，白日愴以黃。呼鷹登高臺，走馬碗石岡。
狡兔起草間，裂腦厲秋霜。割鮮青山隅，藉草傳羽觴。
落葉入我杯，細細波悠揚。平楚正蕭瑟，感此情彌長。
雲中恣天驕，胡塵暗邊疆。殺將屠我城主，辱臣未僵徒。
令晒千秋，何以慰遐荒。合當捐微軀，雪耻左賢王。

讀史

孔明昔未遇，粲然守幽獨。蓬蒿深沒人，高風滿山谷。
時來乘雲龍，天人播芳馥。三分割梁益，伯王氣始肅。
斯人已云亡，千秋仰光躡。感此傷我懷，臨風一痛哭。

秋晚赴井汲水採野蔬供飯

衛霍富華屋，原憲隱蓬蒿。物理各有適，而我甘鴻毛。
靄靄秋欲夕，踈葉鳴林臯。開門忘所事，瓶甕行自挑。
素綆汲深寒，何用扔桔槔。攬衣採藜藿，灑濯西城濠。
豈曰薦玉盤，慰此饑者勞。併日偶復爾，欣會忘紆陶。
歸還讀我書，杳然青天高。俯察寒蟄噓，仰視雲鴈磬。
萬化紛倚薄，吾生安足騷。如何綺紈子，失路增悲號。

雙唐賈客詞

雙唐復雙唐白石何齒齒笑殺新安江水深清見
底君家住新安松蘿帶翠巒年年隨海舶歲歲客
長干長干風色苦何如向陽武袖隱博浪錘權輕
萬乘主胡商自古雄多在塵埃中使君儻未信請
看陶朱公

贈董明府迎侍四首

皇阪多麟趾天池必龍翔明宰乘兩鳧列宿動精
光閉閣鳴絃琴沉思遠高堂嗷嗷林鳥悲悠悠風
木蒼撫枕夜五起慕愛結衷腸詎言何從事白首

滄黃糲

昊天列光景清輝緬赤縣少微垂高雲婺彩明河
甸眇眇寰宇間習習祥風煽茲匪巨孝蒸孰能撥
靈變回頭語中州大養非珍饌持此金石開會膺
紫泥眷

鬱鬱山上雲油油礪中薇慨彼寸草莖宛映三春
暉仕漢信亮節游楚傷方微物理尚可鑒遠邇相
因依陟岵揚哀音白華播芳輝藉以準時哲千載
將同歸

昔聞荀太尉白髮能孝養英風邈海隅至今復清

響鳳嘯必倚梧麟游非草莽託跡豈不然寄心且
遠傲合符一術間總轡萬事長所以不匱姿垂聲
得淑儻

喜艾子紹二子作此

天馬來何處本自濯龍媒蹀躞關山道黃雲萬里
開歲晚將名駒矯矯非凡材長鳴噴綠雪嚙膝眠
紫苔神駿一何爾倏忽遺纖埃異時獨不見飛上
昭王臺

題王龍池彭錢圖兼壽共嶽東谷

安期留玉舄王喬御飛鴻壽命偕元始精神茂華
嵩展玩瀟湘幅愛茲方瞳翁焚香紫苔石揮手白
雲空六龍且按轡乘汝游無窳君家泰華老意氣
與此同身騎綺鳳凰飛出秦王宮三月初度時簫
鼓迴層穹環珮出洞房清切鳴玲瓏既稱瑤池飲
亦薦蟠冢熊佳哉良宴會千歲成始終持此丈人
意遠謝石樓東

寓目水石藤樹人物

青天出片石古木垂寒藤下有太古士姓字不可
稱瞑坐游九垓元氣隨所乘恐是無懷民縣車避
朝徵人生苦勞役視此將無懲方爲槍榆鷄何羨

天池鵬

陪成臯王太虛觀齋居感鶴至

夏后騎兩龍上下扶桑津青陽登帝臺俛仰觴百
神張樂豈洞庭感召即精裡玄鶴西南來盤舞紫
霞宸清響落雲間指顧環河濱重華未云邈大孝
方此倫

鄴下贈吳山人聞官軍與倭戰不利

慷慨燕市歌蕭蕭易水風至今多感激嘗摧壯士
衷鄴中逢吾子正值風塵裡劔歌爲爾開一語肝
膽是西北戎馬喧東南海水翻爾我俱草莽誰能
期報恩白馬河上馳翩翩欲何爲三軍氣已死主
將無復知君有魯連箭赤羽不肯見請爲約矢書
一解聊城戰

送吳東原還蘇門

少年負意氣客游長千里八月秋風高揚帆下江
水江水復悠悠送君臨清州臨清花月好錦障帶
珠樓誰家妖冶女彈箏日歌舞忘却湖南商無復
相思苦相思能幾時還家定有期庭前芳桂樹攀
取最長枝隣兒問野叟椎牛勸美酒夜深起相視
君鬚近長否輾轉東原游思君不可求覓夢一見

之多在石湖頭

重寄內二首

青山橫東廓，白水流城西。欲濟微舟楫，緬眺少丹
梯。唯當見明月，相思俱沉迷。此時遙相望，知汝流
玉啼。浮塵暗芳鑑，蛛網生蘭闥。一身在置罽，八翼
垂沙泥。汝非蔡琰人，長跪解羈縻。好爲小兒女，傾
心聽天題。白日有返光，出雲還舊谿。會面秋風前，
勿作頻酸嘶。

天運無停機，陰陽夕反復。起家籍儒術，願汝佇金
屋。詎云惟羅網，鸞鳳各離羣。鹿門邈難嗣，舉案徒
空聞。羅幃歇春風，玉砌生芳草。視此傷朱顏，誰云
未成老。重關不相見，無奈別離心。精神非間隔，何
啻結重衾。作書謝美人，淚濕瑤華字。青鳥一致之，
爲予問顛顛。

七言古詩

奉答楊六坡推府隱居見贈

并序

余讀書浮丘山，性癖山水負煙霞之疾。嘗披覽
匡廬圖跡，巘嶂之盛，侈有飛志遐思，飄然如在
五老峯下，雲蘿翠壁，掩翳錯疊，左右外視形骸，
不知我爲何如人。遽遽然也，因慨然太息天下

高明之士何限物相羈鞅其誰相與放浪天地
之外眇萬物俯八極瞬息古今包含宇宙也哉
嘉靖乙未固原楊六坡以大名推府謝政卜居
浮丘之樊治亭榭花竹水石與樊人相還余每
過之便有高興佳作自謂匡廬之志雖未即遂
而談玄吊隱亦足以渝洩一二蓋吾人曾中自
有山水何必攀蒙茸躡巉巖而後爲高致哉辱
六坡草堂詩見贈遂援筆奉答聊著雅尚若木
瓜瓊瑤之報正不必論爾

我昔住青都玉樓揚紫氛靈妃散天花把弄坐層
雲肌膚瑩瑩婉冰雪孤嘯常隨鸞鳳羣闔闔長辭
九萬里帝樂仙音那可聞失意山中尋瑤草白雲
引入天台道桃花流水非人間碧椀彫胡待終老
遙望匡廬歎九天屏風九疊石磴旋香爐返照赤
霞晚雙劍迴空白日縣雲霾四塞龍虎睡嵯峨一
逕猿猱前陶公鍊液呵赤電李重還車躡紫煙長
揖謝世恣同往綠髮方瞳列上仙青谿卧聽松風
歇起向山中弄明月獨立蒼茫望九州漠漠黃塵
毀金骨聞君獻賦長楊宮飛章絡繹四海雄光輝
燦爛動明主天書降問恩隆崇風塵侘條解圭組

歸去滄浪作釣翁。結廬小傍浮丘麓。幽洞巉巖蒼翠簇。清風臺倚金露寒。白石橋連水清泚。當堦竹引鳳凰毛。背戶青松走麋鹿。婉如匡廬落我前。便欲因之借休沐。夫子值此格氣豪。秋來興與南山高。寄我五花雲錦字。讀之飄然若雲翺。自慚才非盧照隣。敢與楊炯爲伍。曹楊盧千載各一時。異代風流如有期。爲君倒囊彈素琴。清商繚繞陽春辭。歌罷拂衣五陵去。明月青山湘水湄。

秋夜望雲旅懷

秋來五色雲在眼。浮花蔓草相鮮新。天空似是巫山繞。日暮更與銀河臨。凭欄久望待不至。倏忽變化蒼麒麟。衛川冥冥在何許。我意乘此尋歸津。終然翻飛不可去。棄我還從銅馬塵。

贈別李性菴還任丘

燕郊十月飛胡霜。臨岐送子各盡觴。腰間笑解延陵劍。雪花墮地蛟龍翔。都門佳期那可顧。相思開遍三花樹。歸時倘遇浮丘公。爲予接引高高去。

送崔秀才南還

孟冬送客臨沙浦。蕭蕭風動薊門樹。驕嘶啣轡不肯行。一鷲南飛過天柱。燕臺擊筑且高歌。青樽酒

盡紅顏醜五更鼓角星野平看汝騎駟凌天河

長歌送王翰林盱山還保定

國門識君與君遇夢游十度攀花樹朝牽李憑彈
琵琶暮宿倡樓聞曲度燕臺草色送春袍小苑花
枝轉葡萄柳色偏濃金殿露鸞聲醉殺後宮桃白
馬翩翩過戚里笑指落花雙燕起遨遊不數新豐
兒調笑寧知太宰詔別去開樽重酒籌春詞樂府
倍堪愁白雲自散蒼梧影明月常懸彩鳳樓

贈別南田楊子還晉石

并序

十五年余游京師馳翰苑獵文囿延師士之肆

游韜冀野窮覽燕墟曰壯哉帝王之居也迺攬
轡西市遇晉石楊子景新與之論皇帝帝王霸之
要雄姿風發鼓劍悲歌慨慷泣數行下於戲士
之負傑烈不羈之性曠世相感一至於此哉今
年秋楊子還晉石因作詩識別

我本衛川豪君作燕城客意氣各千里相逢在燕
陌燕城燕陌跨京華青煙作帳銀爲沙五侯龍馬
耀金鞭蒼螭寶帶屈盤擎層城日出歌鐘起繡戶
珠箔幌羅綺遙憶夔龍集鳳池亦知衛霍矜戚里
笑倚青萍劍耻上黃金臺昭王非帝胄樂毅自凡

材燕丹空有心，荆卿徒悲哀。白虹沒長雲，易水不能迴。瑤華翠葆浮雲沒，錦石雕甍秋後伐。古人已見覆蒼苔，今人空對西山月。西山月出宮殿寒，坐愁白髮驚飛湍。風雲萬里不相待，白羲垂耳蛟龍蟠。雞鳴開九關，天狼若可攀。勢欲請長纓，繫胡燕然山。長纓繫胡心，不朽君去青山。但揮手落日，天風吹海波。月明來勸一盃酒，酒中慷慨樂事無。據地酣歌玉唾壺，晉石山川爲君迂。千巖萬壑來長途，往日春光懷我處。奇花不盡相思樹，葡萄露下餘空醅。終日待君那能顧，滄洲今已暮。瑤草不知

路，欲乘黃鶴一問之。爲予淨掃南田霧。

留別馮少洲進士

春風吹綠雪，湖水生微波。與君上河梁，攜手哀情多。此時客意難舉觴，道傍楊柳鬱金黃。欲折一枝留郢客，柔絲冉冉斷君腸。斷君腸，勞君顧，離思眇眇青山暮。青山暮，今傷我心。我車南還，執子衿，贈爾媿無英瓊瑤。倚馬聊爲梁父吟。

送友人南還

鳳凰樓外雲氣長，青袍白馬生輝光。送君千里促羽觴，鳴箏清歌如故鄉。相思明日忽分手，誰把青

驄繫綠楊

送人之塞上

北風瑟瑟胡馬鳴，君今棄我何遠行。
陰山雪花大如掌，黃雲出沒單于營。
萬里龍沙那可見，將軍大小七十戰。
捷書奏入建章宮，寄我雲中一隻箭。

贈孟龍川二首

季布竟何罪，緝捕搆千金。
介身胡越間，南北任淪沉。
託跡魯朱家，髡鉗奴僕心。
英風豈不特，所懼禍患侵。
主人誠多賢，脫難青萍鐔。
權門一命輕，鴻毛三士殺之費。
二桃虎畧詎能讐，國難龍泉一日成。
鉛刀人心如風波，凌徑眇難度。
適此血玄黃，雲雷何霹沓。
思君若饑渴，引領望瓊樹。
瓊樹瓊花別有，天迴風吹雪。
繞龍川，相思遙寄藤蘿月。
洗濯輝光待我還。

又

白龍魚服游滄海，豫且鳴絃不相待。
洪濤一悞失，精靈耐可乘空訴。
真宰海水東流渤澥深，風雲漠漠杳難尋。
憑誰借與升斗水，飛上青天作帝霖。

五哀詩五首

學士抱甄博綜典訓效業而弗鳩建辭而弗賓

父殯母隕未就窀穸之事室饑而病二子交喪
而不獲求訣待死圜室哀孰加焉遂作五哀詩
其辭曰
有父有父濯塵纓棲栖遠在滄浪溟樵蘇不避芸
且耕春泥秋雨淇門中泰山巉嶄忽顛墮怒豕談
熊立向我蓬蒿一望盡烽煙高樓蹀血宵滂沱嗚
乎一哀兮歌始發青天黥黥沉明月

又

有母有母思晨軒蕙帷縞帳泣且漣蒼梧眇在白
雲間臨江哀竹心悽然慈闈一久歸明月怨恨千
秋那可歇何言寸草報春輝號泣苦廬毀筋骨嗚
乎再哀兮歌已烈皇天爲我開金石

又

有室有室在衛塢蓬髮連蜷守空堵
浹晨不爨井泉苦布衿如鐵冷秋雨
高堂灑掃心魂摧金華翠鈿空塵埃
良人欲委長城窟此身早晚隨寒灰
嗚乎三哀兮歌彌長寒風四起激清商

又

有子有子驕且冲兩兒如玉垂瓊英
花翻蛺蝶紈綺叢意態婉婉雙冥鴻
阿爺啣冤在網柵汝心長

望成來隔桑樹那忘白玉環夢竟哭汝東山陌嗚
乎四哀兮歌正苦回飈蕭颯吹庭樹

又

有客有客號秋旻十年不得逢陽春柴門反鎖黎
水濱前朝屈宋寔所親阜棧連翩淹驥足出門十
步九羈束燕郊六月飛胡霜漢史終然恐失續嗚
乎五哀兮歌聲衰長江東逝流酸斯

保定兒留別

沙麓風塵暗河縣漳水東流疾於箭落花別圃誰
可憐南去北來一秋燕汝曹自是中山兒垂首天

雄識君面意氣相期何有無分乎一言淚如綫南
山嶢峴秋氣高似與君情同纒眷明發騎馬涉滹
沱長歌遠贈北門錢

春日後贈王任菴五湖昆季

春日澹靄西日微浮雲流水爭光輝一雙白璧動
燕趙光搖海宇青煙霏早聞妙譽今見之酒酣大
叫心思飛幾時攜汝尋滄海明月秋風一釣磯

七夕

銀闕含秋星欲爛天孫脉脉度河漢仙鬟玉珮那
可聞佳人夜半開簾看階前月色疑有霜獨坐穿

針向畫廊東方日出烏鵲曉天上人間枉斷腸

送醫友還山

洛陽買畚逐世貧金華藏名四十春歸來浮雲變
城郭矯首落花輕拂巾堂中會飲還賓友低戶雲
光散罇酒慙乘白鶴謝時人會向山頭一揮手

九日寄孟龍川

憶昔登嘯臺蕭瑟湖海秋酒酣迴舞袖拂落桑柘
洲青雲動蟹螯白雪霏金甌兩邊坐笑如花妓吳
趨白紵飛清謳戢翻入牢籠忘却山陽道菊花爲
誰開沉憂日衰老此日長吟獨憶君巉巖歌壑掩

浮雲何處龍山堪落帽風流醉後子孟參軍欲託雙
鯉魚錦字寄滄溟願君細嚼茱萸蕊壽比南山千
萬齡

寄謝逸人四溟二首

漢京詞賦多風雅前擁鄒生後枚馬四溟旅人興
最豪馮軒落筆長河瀉醉中一別十經秋落葉翻
翩嘆白頭思君恨無黃鵠羽涕泗遙瞻滄海樓

又

海水飛動凌三山巨鼇出沒流其間人生風波有
如此颯颯秋風凋玉顏魯連自是紫煙客獨儻長

揖二千石一朝談笑解聊城東入滄溟眇無跡

寄汪員外南華

海若東游沒海濱白魚况非白龍鱗豫且鳴絃偶
相值卧看鬢鬣飛黃塵謝君瀉與天河水乘之免
作酒輟鯉他時雲霧或晦冥海底銜珠報知己

襄國飲鴛水野亭奉懷張壚山明府

秋盡野亭鴛水陰平沙落日青楓林寒花爛熳不
自愛霜風一墮柴門深我來對此沉吟久况是壚
山別離後何處浮雲晚未還散愁且醉襄城酒

贈李山人

朝登崑崙丘遙望煙雲海三山徒渺茫六鼇今安
在昔時中山衛叔卿身騎白鹿游紫清仙人一去
不復返霄漢空縣千載名白日無回輪紅顏易頹
老何如恣天游山川事幽討萬里擔簦尋冥髮烟
水漫漫幾超忽乘時小憇蒼梧雲因風復弄蛾眉
月蛾眉月出照海湄夢裏猶聞猿鶴悲傍人不識
君所爲白馬青袍一笑之君胡不解清溪囊示以
瑤鏘五嶽辭

贈張長公鳧墩五句四韻

長公割股愈父疾

蜀山萬里青雲迴鳧墩縹緲超浮埃霜刀一拂金

石開清風獵獵不可見憑高西望心寬摧

再贈張雲谷

僕素聞雲谷自旅次與之靡談遂神醉宛若登
羅浮涉洞庭泛彭蠡尋孟門雲霞靄映風思飄
然蓋竒遇也已同謝四溟田莘野約爲小律今
不暇待先作此見情云爾

昔聞金陵地乃是帝王州冠蓋六朝賢名與青雲
浮往事千年不可道別苑離離長秋草酒中慨此
復霑襟落日翩翩送飛鳥今時再見金陵豪白疊
小側薜荔袍凌風起舞鄴城月長呼興比南山高

四溟情同五嶽雲莘野詞流三峽濤雲谷此時發
意新開卷調笑如有神萬里煙霞起曾臆驚翻白
鵠翺麒麟飲我催詩酒倒却頭上巾君身孰與儔
似是洪厓隣早晚笑攜盧敖去坐看滄海成埃塵
登西城嘉禾樓重送張嶺山赴部

高樓西望縈空煙南風渺渺吹河船碧沙細草遠
相送一夜飛過黎陽川驚寬如縷隨君還恨無雙
翼凌青天魏闕霾陰雷隱怒灞水橫波不可渡此
時揮手重堪悲千里相逢未有期燕臺倘值悲歌
飲擊筑先尋高漸離

送李滄溟太守入覲

襄城太守濟南客。夜發雙旌搖海月。城頭箕尾超
天河。城外征人吹曙笛。父老扶杖前致辭。太守此
去人皆知。內史親傳大官饌。野人共拜甘棠祠。黃
霸功名何足數。公車詔入鳳凰池。

送陸明府夢洲入覲

爾時登眺黎陽山。松門蘿徑窮追攀。昨夢巖花散
幽色。髣髴百里開心顏。覺來欲往無時閑。思君玩
弄雙瓊環。天寒日暮愁蹇產。漳水橫波龍轉眼。浮
雲北向但高旌。海嶽驚看壯此行。異日層霄不可

望。好將書寄鳳凰城。

雪霽後過周紫泉山堂

紫泉山堂在何許。衛溪東岸蒼山麓。青松偃蹇雪
意寒。孤光晚映琅玕竹。紫泉調笑宛在目。亂雲奇
壑相縈觸。我欲於此傾醺醪。開襟醉卧青山屋。絕
境幽森不可留。野狐夜叫猿嘯秋。別去長懷紫泉
客。滿林楓葉吟颼颼。

詔獄結後書情敬呈王龍池二府兼致謝意

蓬萊出海底。金銀樓闕浮空煙。蓬萊仙人與我語
授之赤明玉字瑤華篇。長跪讀玉字。五內發金蓮。

欲持紫腦訣常從上清仙上清一去無窮已回飈
吹落長河汜晚將辭賦上燕京遂使明時笑巴里
北闕風雲不可期歸來小卧青山垂竒峰秀壑常
相隨千巖度盡松風吹馮高把酒叫明月桂魄蟾
影皆參差醉尋劉伶頌醒詠阮公詩泰山雷霆何
足有淥水洪波可戲之烈烈雲間鷲脩脩蓬下鷄
何意見相猜懼此血吻患羽毛灑平蕪骨肉不敢
盼園墻一去幾時回桃花坐見十三開青春憶月
秦人洞白日呼霜夏后臺我欲乘風震天鼓前擁
脩蛇後猱猱九江濤湧未是哀太行輪摧不言苦

東海陸公真神明决垣掎鎖鸞長纓古泉楊馬連
章入制可始放南山耕生來感此國士遇何限千
秋萬古情入門一笑復何有女會縫裳妻白首竈
下尺薪貴於玉盤中粒粟皆瓊玖惟有牀頭劔鋒
在夜夜精光射牛斗射牛斗待張華神物詎肯終
泥沙不然飛入延平津今者蛟龍昔鏌鋹鏌鋹蛟
龍孰可判明公義氣通霄漢爾時我爲入幕賓贈
之豈惟青玉案霞杯綺食飽我心至今側身倚墻
嘆東風嫋嫋沙草春衛河綠水波龍鱗欲將輕棹
尋仙館其柰楊花滿河瀕楊花不可亂河瀕不可

極待余攝衣起舞龍門前坐客滿堂驚太息

羸女鳳圖

秦臺明月下照見乘鸞女玉簫聲不聞緘情空復
許相思何處憶離羣欲報佳期隔絲雲懷中知有
瓊華字夜夜清光獨映君

送郭侍御劍泉謫永安松栢園

蒼巖鬱鬱長松樹石甲龍鱗挺天霧雨澁霜沉幾
百秋似與君心同歲暮君今謫宦永安城閩海愁
雲日夜生會待明明時宣室詔定從江浦望雙旌

春夜與吳山人飲穆前江宅招妓彈琵琶不

蟻蒙集五卷
伍

蠖螾集卷之五



黎陽盧柟少梗著

雜體詩

伏雨嘆二首

陰陽薄盪雷雨急江峽出雲溪夜喧烟霏似與秋色遠黃鵠垂翅愁飛翻九壘溷穢不可住晞髮陽阿阻煙霧東走豈應還問津回頭變化空桑樹山雨下澍白紛紛憑高莫辯牛馬羣江寒自駭碣石浪日暮猶合蒼梧雲破厨濫釜烟水黑玉盤金鯉無消息直欲上天叫帝閤闔閭九重恐顛踣

史平臺夜宴詞

漢史玄以宣帝大母家封爲侯於外家親居多
得賞賜簪貂珥世寵溢內外明浮丘山人作史
平臺夜宴詞

高堂膩燭嬌紅春麝爐掣鎖銀麒麟掌中舞袖回
金縷背後落花覆錦茵夜半歌鐘起洞房繡羅香
煖對鴛鴦旋徵玉鴈排箏譜復弄梅花近笛牀繡
額紅衿真媚嫵隔簾髣髴調鸚鵡喚回蒲座鬱金
香鮮鯽銀絲出翠釜雞人夜唱銅龍瀉內監忽傳
進挈馬絳綃雙引貂襜褕長秋門前馬不下北風

吹山海水移世人見此復垂淚寶玦香車俱莫嘆
金掌仙人已辭漢

苦寒吟

北風怒號河水折鑿冰慘淡鮫人窟琉璃應手忽
破碎天吳回首蛟龍血錦鱗撥刺入豪門鑿刀玉
釜飛紅雪馮謹夜坐食無魚彈鋏高歌氣未舒方
袍着凍冷如鐵嘯嘯霜霰攢兩眉星火不燃寒欲
死皮齧肉裂老無齒誰能醉解驪鬃裘別有權豪
會戚里苦寒吟苦寒之吟不可聞古來傑士多餓
死何必垂首涕交紛

杜鵑行

杜鵑西飛隴水西，羽毛搖落隨山雞。雲空萬里不得去，藤蘿掩靄青烟梯。當行鷓鴣向我笑，鳳凰不與同羈棲。舊日同林鳶與鷂，怒目烟視秋水畦。東海汗漫稀有鳥，尋我三年窮路迷。知是杜鵑向我拜，血淚不覺滿面啼。口不能言臆相向，似欲遠引凌岷谿。四郊孕且多，隱壘獵火燒天喧。鼓鼙寄語燕山胡，鴈婦慎勿往，恐穿金鉞。

快鵑行贈盧潭城宗弟

快鵑快鵑南山擊鳥北山灑血，朝發秦隴暮宿荆

越凌厲橫視遊翔恍忽，蜩鳩捨飛榆枋間仰面血視無好顏。人生得意且快鵑，何用悠悠長閉關。翟公昔在蓬蒿下，萬里清風減高價。君今慷慨躡長雲，藉藉芳聲四海聞。楊雄欲獻河東賦，司馬先傳喻蜀文。醉吟快鵑行，醒啣快鵑羽。願君化作天池鵬，莫學快鵑棲巖樹。

黃利黃謠

黃利黃黃利黃黃，黃河岸上洗衣裳。黃河流水鳴湯湯，幾時流到我家鄉。

次童謠

山東綺雲雞刷羽來山西到處潛飲啄河梁借羈
棲江鶩野鴛欺予客怒目血雋動相扼紫翎蹉跌
金距愁碧葉輕翻香稻秋不如折翅歸故鄉五更
明月啼山丘

壚岷謠呈張壚山明府

朝乘五嶽鶴暮望十洲雲尋山不厭壚岷遠笑謁
壚岷入紫氛壚岷名嶽天下聞巴江前繞接氤氳
翠屏巉巖斜軋幾萬丈玄猿夜嘯臨江濱馮夷水
仙何超忽凌風起舞壚岷月蒼藤翳靄看不見欲
上壚岷苔徑滑昔聞天台山昭嘒摩天關赤城起

霞色王喬時來還洞天已與壚岷別爲說壚岷生
汗顏壚岷謠謠且遠仙茅千載留靈根玉葉金葩
待君飯君意詎可論恍若岷山源崩渚赴溟海聊
可比君恩生來未識壚岷路此身幾日登壚岷壚
岷謠謠未已早晚化爲壚岷原上之青松常倚壚
岷望江水

芒履謠

蒲葉青蒲花黃爲君採纈結成雙隨君步履入屨
廊芋羅山下君不返恨殺吳王輦路長

修武行贈李主簿

君不見修武城邊日欲暮西望崑嶢漢京路驛樓
閣道迥連雲花燭葉潭車馬駐車馬駐聽修武歌
裊裊秋風度黃河客懷衣上灞陵雨鄉思夢繞新
豐蘿乘時小作修武尉披襟靄靄流仙氣自言節
操凌南山直使風聲排趙魏使君稅駕是何年日
飲醇醪高枕眠山鳥隔簾下廳事對客髣髴鳴寒
絃城頭角聲星滿野城門落花隨去馬谿澗荒茅
留使君天風繫馬棠陰下父老垂涕前致詞使君
到來人不知今年詔書蠲租稅湏臾還見承平時
憶昔少年爲君舞共憐修武西山樹卽今望樹復

憶君悵嘆雲霄歌修武

信陵亭行贈張幕史

昔聞貴公子乃是信陵君劒氣連秋水英風邁長
雲堂中愛養三千士玉袍珠履何繽紛信陵一去
幾千載堂中今無一人在空餘城裏信陵亭日見
黃河走東海信陵亭右送飛鴻豪士者誰張長公
虬髯瀟灑眼如電論吐何啻垂天虹身騎宛馬鐵
花驄霜蹄決裂耳生風四顧已無南海尉一心要
滅黑山戎朝發夷梁津暮宿黎陽渚軒蓋狹廣路
翩翩皆龍舉春風澹蕩吹羅帷宛如淶水蓮花池

異代風流今有此若問信陵那可知

樂府

出自薊北門行

翩翩羽林兒少學龍虎韜督力過賁育英風擁行
旄展藝萬人謹上馬盤弓發怒揮魯陽戈倒刺寒
潭蛟腰懸繁弱弓仰射太行猱北出鴈門塞從軍
樹竒勞占轡李輕車應募霍嫖姚羽檄動邊序烽
火無昏朝分兵救廣武轉戰龍城郊投鞭澣海渾
結陣陰山高朝擒左賢王暮擣單于巢拓塞亘萬
里奪旗列千遭胡霜飛玉關漢月照銀袍疾風影
雲旂黃沙驚馬鑣天寒角筋勁墮指如翦蒿豈不
懷金閨畏此簡書遙仗義報明主殺身誠足要

前有罇酒行

春風吹水搖綠波春日輝輝上翠峩悠悠簾幕捲
芳草細細落花嬌綺羅胡姬嬾婉顰青蛾促絃急
柱爲君歌海水東流逝不返君今不飲可柰何

子夜吳歌

燕花敷錦繡楚舞醉羅裳明月空悲妾白雲常似
君不知遼海上書信幾時聞

古別離

鏡臺倚新粧。羞復畫蛾黃。羅衣蕩艷色。落花空故
香。登高望帝子。蒼梧雲正長。願托雙鯉魚。錦字寄
沅湘。

懷仙歌五首

崑崙山勢倚天嵬。弱水千年四下迴。花開王母三
桃樹。雲擁周王八駿來。

蓬海城高十二樓。金銀花發近仙洲。玉童贈與青
藜杖。天女邀乘白鹿遊。

綠髮雙鬟白羽裳。眇無人識自騎羊。宜時背癢尋
仙侶。願借麻姑指爪長。

丹崖石壁渺冥冥。鳳嘯鸞歌狎廣庭。王子吹笙應
有待。相思遙寄赤松苓。

玉樹長攀有所思。仙人遙在海之湄。木公醉飲千
鍾酒。瑤姬齊唱萬年詞。

碣石篇

蓬萊東望橫海水。白波如山幾萬里。巖前琪樹發
葱青。遙見仙人綵雲裏。麻姑欲過來。何遲手把青
都綠。玉枝願將此物寄南嶽。相逢重獻萬年詞。

隴水曲

隴山當面起。隴水向西流。中倉妾墮淚。幾日到涼

州

涼州樂

月氏穹廬夜秋風起暮笳胡星沒鴈塞漢月湧龍
沙露滴葡萄酒天寒首蓓花從軍莫浪譁轉戰屬
輕車

怨歌行

長安二三月紫陌競朱輪秀色金閨婦鉛華珠箔
春綺紈續雜逡鞍馬自逡巡青鳥銜瓊書飛入赤
城闈日暮荷寵歸文犀銀麒麟借問此阿誰大國
號與秦憶昔嬌小佇蘭房刺繡五紋雙鴛鴦星河

織錦度明月天孫剪綵分雲章願將賤軀開天笑
夜逐三星宿未央未央樂事多莫謂宜春好宮女
妬蛾眉容顏日衰老君恩從此弛棄妾青樓道青
樓大道繞秦川鳳管鸞絲徹九天太液紅蓮初映
頰瀛洲綠草已縈烟妾情慌忽如昨日那知恩斷
韶華年夢入彤樓夜金壺瀉春水髣髴接君歡晤
言竟非是閭闔浮雲萬里遙雲旂翠葆徒相邀詎
聞阿嬌貯金屋枉殺秦嬴吹玉簫寄語漢宮娃莫
倚顏如花君心難自保棄擲終泥沙妾容已自落
倡家妾心耿耿凌朝霞羊車竹枝待君御高唐雲

雨空淫哇君王欲較妾長短請看前朝張麗華

枯魚篇

枯魚枯魚爾身自白龍誰使爾爲魚一朝落泥沙
鱗甲生長蛆嗟嗟鯨鯢振鬣滄海吹嘘三山簸揚
鬼罪爾罪維斯死亦何悔誰能借風濤作書上天
帝雪此均堂冤飛騰吸雲霓枯魚枯魚從此遐逝

折楊柳

春思結楊柳搖曳金窻煙東風澹蕩時吹落玉臺
前深閨別離婦感此心凄然沉吟毀青黛投淚謝
珠鈿攀條寄遠人引恨碧雲天微物豈足惜長懷

芳樹妍

怨詩行

秦戍樓荒君未還楚鄉秋早妾摧顏日寄情心與
明月相思何謝望夫山

丁督護歌

朝唵都護行暮唵都護歌都護逝不返妾當可柰
何妾年十五嫁夫君銀轂珠簾度彩雲還從佳賓
選四座刺繡鴛鴦羨五文高堂拜姑嬪清厨調菽
水日旭供華饌香風動紈綺二十長子孫雲媪滿
高門頗借伯鸞志叙此向平婚詎意良人從逮獄

幽垣無分田天矚闔門骨肉盡草莽放室雞豚那
能促桂帳蘭薰知幾時鴉鬢凋髮爲誰綠妾身死
去無處所忍向何人說衷曲去年天使至籍錄發
良人中途不得語况復能相親今年一會回若墮
烟霧身執手無別言但訴寒與貧淹忽歲云暮已
非夢寐真東家女兒嫁商賈春去秋來不言苦何
似妾懷常相思萬恨千愁忍飢窶落葉反本根歸
雲常在山君身陷羅網經歲不復還豈唯君坎軻
所恨妾命慳妾非蔡文姬長跪解君死有女非緹
縈誰能見天子一唱都護歌再唱情轉深愁多不

爲牛山哀淚下豈有雍門琴君心若知妾腸斷願
化東南填海禽

少年行二首

長安俠客多少年醉歌擊筑南山邊相逢不避曾
勾踐一夜擲盧得萬錢

又

長安俠客矜年少青驪緩步章臺道相逢欲取胡
姬憐笑挾金丸墜飛鳥

東塘行

暮秋搖落金井煙瑤牕月出愁無眠請君四座且

勿嘆聽我試歌東塘篇東塘春風樂遊冶寶帶螭
盤騎白馬朝從狡兔上闌東暮闌金雞長干下儂
家繡被金錯床逢迎七十紫鴛鴦生來孱小無人
見艷着荷花嬌上粧錦瑟春生鳳凰柱翠袖香凝
蛺蝶縷浮雲小駐緩聲歌花葉驚翻垂手舞眴眴
流波媚笑顏此時恩愛比南山那知輕薄易年少
一別迢迢隔玉關儂心歷落如秋草西風吹折江
南道江雲斷盡君不來會使蛾眉待君老東家買
得錦鱗魚中有傳情尺素書君身亦是臨江客何
惜相思一字予機中罷却流黃織爲恨東塘淚霑

臆寄語春陵遊俠兒莫學東塘負傾國

鳧墩有序

鳧墩者銅梁張壚山明府兄長公也長公父疾
且篤醫莫能愈長公引刀割左股和藥進父病
立已有司聞之表薦明浮丘盧栴作鳧墩篇

東觀岱嶽西引鳧墩偃仰怙恃有如子孫解一鳧墩

之容温懿無阨軫父之疴謹掄鳧里解二白楊鏘鏘

矯若龍翔仰天一呼烈石飛霜解三實毒我父寧知

我股盡血濺濺以淪以釜解四父曰予膏啜此餽羹

殆其有瘳欵如已醒解五稚笋之薦江魚之膳昔聞

太史今茲匪譖六荆蜀之鄉爰有銅梁篤是異人

刑我有邦七解

黃鵠篇贈羅封君就養還萬安

君不見黃鵠飄遙下太清天風接引銅臺城仙雛
啣羽遠相慰嘯舞不覺烟雲輕玉珮瑤鏘何所致
熒熒上刻瑤華字歸時持贈與盧敖萬里螺川恣
遊戲

相逢行

黎陽臨大道城北達城南相逢問令尹不盡使君
驂雪霽椿枝綠春融萱草酣荀何千載後獨此一

清瞻

胡鷹渡海來篇

鬱律山上雲飄遙雲間葉葉落尚有返雲去杳難
涉胡鷹渡海來將雛還飛去我欲因之執此鳥徘徊
迴流涕不忍顧長跪折矢一語可方客子周游情
同此傷天老介叢父母在幃雜珮繒錦玳瑁珠璣
杖屨陟降窺秦桃源仙姿玉度埃何能言陰符畫
設鬼神呵守至道不勝苔滋蚪蚪虞皇歷阪文后
岐甌永錫爾類揚名中州

閭闔篇

春日照城隅佳氣紛朱邱宮女三千人雲光晃羅
綺且卷珠簾開直待雲車迴玉簫吹行雲飛下瓊
瑤臺瓊瑤臺畔仙妃舞鳳鳥唱歌龍袍鼓天風渺
渺動朱衣天女乘春散花雨綠萼花前細草茵玉
階鑠斷金麒麟明朝騎爾朝上帝壽我四萬八千春

五言排律

甲辰歲張郡伯鄧西如覲京師其母太夫人

出中饋給囚囚感激述懷作五十韻以謝

鳳曆開皇紀龍池憶紫烟青陽調玉燭白日轉幽
天河朔風雲會渾涯氣槩先諸公梁苑客明府漢

庭銓沈宋金童籍陰何玉轡聯衣冠連日表精爽
動星纏各應非熊兆同操哲匠權文翁兼化蜀郭
隗始登燕五馬襄城野雙旌霸水漣夾輪雙鹿擾
上漢一槎縣忠獎推王室金泥受帝宣吳公才第
一賈誼席應前鄩善何無爾河源卽有焉疏名勒
玉藻歸院徹金蓮虎變谷風起鶯鳴喬木遷那微
文伯母誰產范滂賢黃鳥空玄理關雎德化全肅
雍元啓胤聖善摠承乾壺臬慈文表襟裾風紀綠
大家新著作劉向舊名編雨露含濡遠江河流澤
偏吹噓延朽腐哀痛及顛連粉署琅玕碧天牢桂

玉鮮八珍真麤鑿五醢更駢闐楚麥赤城外杯羹
玄圃邊春盤行荏苒曲机坐連翩眉睫光初潤膏
肓病卽痊尚方虛擬賜陰室兢相憐小步嬰金鐵
揚眉媿拘攣朶頤羣僂側染指竭夫筵坎廩心仍
切低回腹稍便循牆如喪狗冤頸似飢鳶慷慨期
投壁呻嗌尚縮肩搶噓北向拜遙祝西華年少假
恩猶乳翻思淚下泉二靈忘伏臘兩稚飽鷹鷂丘
壠哀新鬼圖書鎖廢廬干戈嘗膽苦衰颯噬臍眠
故國孤冤杳他鄉白髮牽妻貧嫵再醮女大恠施
放犬因無食挑針作覓錢塵埋蒼兕劔蟲篆白
鬢

鬢鬢旣釜從蛛網幃幃或馬韉鬼神泣簡牘妖孽
戲花鈿壯志浮雲去灰心苦藥煎敢辭先茵聽爲
恨失騰騫雷雨龍門別風霾虎吞捐薇繆多窘束
榜楚替迤邐百轉傷心曲三年似禍倏傾危希造
化早晚謝陶甄

暮秋承華主簿竹川饋飯奉謝凡三十五韻
衛上清秋暮寰中氛氣多草湮康叔國沙沒禹王
河瘠土分常貢蒼生病歲儺輓應梁地麥畚浸漢
江波盜賊綠邊隄喧呼動且回濟南鍾儁傑河北
待絃歌斷鵠揮虹劔揚兵蹴海鼉黑山戎破膽白

馬將橫戈山鳥行廳事芳顏藉酒醃圖書盤海岱
詞賦入牂牁荒阪時鳴驥黃庭或換鴛文傳驄馬
客舊聽鳳凰珂敏察周窮儼殷憂達隱訛憐才無
近遠覆業惠征科中饋人間出殊恩天上過金城
酥比練翠釜鱠兼和劑吻愁玄豹摧峯掣紫駝秋
深沙苑菟霜落洞庭鮑細膩殷紅玉芳蕤淨碧莎
那能雙玉筴秣辱縵金陀小食歆三臭迴思感萬
疴巖庭風颯烈幽壘日蹉跎繫鴈窺前浦啼鳥想
故柯通宵從鼯鼠入夜戲天魔燥髮紛難解胼肌
厲可摩永懷天吏伏拭淚使星軻海運虛垂翅雲
身早見羅襴衡愁正苦阮籍醉如何歲暮誰堪健
風塵鬢欲皤凌虛疑海嶠曳履想岷峨謬望舒州
錫不成彭蠡蓑青雲思桂樹春月罷松蘿猿鶴三
年夢琴樽一夕俄明公寬節制雨露得滂沱犬馬
如留齒神光報泰阿

七言排律

酬羣大餽飯

班固大家能著作陸機英妙負文雄兩都賦有凌
雲氣擬古詩高曠代風驄馬早延通籍譽才華應
見古人同燕王臺館愁鄒衍晉室衣冠有阿戎書

豈萬言天險峻飯傳一飽畏途窮世經豺虎催頭
白路難驂騮灑血紅西哭幾湮秦帝闕南冠虛憶
楚江楓投君劒氣不得死猶倚崆峒百丈虹

五言律詩

山居

懶慢無人地經時景不違貪飽魚暗動掠水燕爭
飛搗藥雲舂碓移花露濕衣山陽幽適好日暮澹
忘歸

浮丘院壁

洞口春雲薄桃花一水香金壇凝夜露玉盃出瓊

漿河上僊人遠洲中紫氣翔何當着雙鳥爲覓費
長房

大名故城

魏郡遺空壘蒼蒼接水湄鴈衝斜鳥陣柳拂捲龍
旂樓閣青雲恨陂塘白日悲北門無鎖鑰腸斷立
郊垂

過邯鄲作

趙庭虛廟畧雄長竟誰名國破歸秦帝城亡插漢
旌山河猶壯麗豪俠失縱橫回首傷心地春林轉
暮鶯

送友人入秦二首

春日催行幘，花明旅鴈還。
燕陵青嶂外，秦樹白雲邊。
解劍酬知己，傾尊倚別筵。
關河他日望，芳草思芊芊。

又

整轡東辭闕，還家西入秦。
雲烟三晉合，風雨二陵頻。
烏道斜連漢，龍山暗度春。
壯遊看寶劍，萬里蹋妖塵。

上張鄧西明府三首

燕關寒日薄，漳曲早冰澌。
白髮親闈暮，青春子病危。
殷憂聞鼓角，想像見旌旗。
遙識齊王相，能憐越石悲。

又

刀斗催嚴署，秋風蘇肺肝。
冤冤幽共語，魑魅喜相看。
丞相何多畏，將軍久失餐。
金雞應有詔，衰謝一時寬。

又

御史清霜鉞，危腸結禍胎。
敢辭豺虎餉，無異犬羊材。
魏闕書難上，秦庭哭未回。
條風吹北極，天意起寒灰。

喜得釋獄消息

聞道真州信，霜臺霽夕威。
春陽元自動，草木已含輝。
妻子愁看，在鄉關喜不違。
遣心翻太惡，俛首涕霑衣。

卽事

薄暮轉蕭瑟，經心常苦悲。
驚枝鳥不定，斜嶺月生遲。
冥思空林藪，春雲時蔽虧。
謬言隨偃蹇，不敢畏支離。

戲寄孟龍川

舊日浮丘伯，曾將王子喬。
周遊乘白鶴，接引上青

霄。大藥留丹鼎，天台度石橋。
不知千載後，爲爾一相邀。

送張壚山還蜀

朝思蜀艸綠，夜見漢鴻飛。
溪縣青春滿，山關紫氣圍。
飲餘看寶劍，歌罷弄金徽。
別去應相憶，銅梁音信稀。

喜還舊業草堂

漢節雲間任，秋風送我還。
荷恩思聖主，悔難自皇天。
臺沼看今日，松筠去幾年。
草玄吾未老，應許萬人傳。

登天臺山有感兼呈張嶺山

天風吹斷壑秋色渺荒臺浩蕩江河去蒼茫日月
迴傷心經絕險回首起重隈欲盡登高興慚余作
賦才

服闋口號上張鄮西明府兼呈吳少槐吏部李

東岡翰林二首

際會驚何代支離過此生親宮無宿草子位遠含
情未敢衣純綵誰能痛失聲廿年當此夕天地忽
頽傾

又

獄久年三換刑深鬢一毛愁淹天畔日淚作海門
濤寸草傷春碧慈烏近夜號感時思雨露回首望
旌旄

聞吳吏部少槐哀僕乏嗣飭內入獄侍湯藥

四首

宓子彈琴日山濤謫宦時澤梁弛禁網鰥寡遂恩
私未識洪鈞妙應霑造物奇周南王化遠終不負
螽斯

又

落日低荒戍天風鎖禁庭正愁秋隴斷誰啓夜臺

扃宜母苗堪摘王孫草尚青使君佇高駕引領濕
長纓

又

天豈蒼蒼色川仍脉脉流乾坤一物在日月此生
浮嚴考曾無壘哀殤已故丘何心望河漢牛女度
清秋

又

晉室嵇中散陳留蔡議郎彈琴神不去續史恨何
長慘淡悲千古淒其滯此方翻思兒女意斷盡九
迴腸

冬夜遣悶三首呈吳少槐吏部

翳氣浮銅柱霜威折玉衡愁看蟾影没病與兔
冤清辭賦憎關世存亡憶結纓鄒陽書再上愈覺寸
心傾

又

芾芾梧桐影紛紛荆棘墻徐看侵鐵鎖不比落銀
牀物色渾如此吾生可共傷那堪聞玉笛風力更
清商

又

鐘鼓何相報謹呼促警齊仗嚴妨落月析罷淨鳴

雞計過疑疎濶才輕敢怨攜漢庭循吏在何必嘆
羈棲

哭董縣丞紳

丞彊幹任事清苦厲節有古人風壬寅歲長
揖恤刑沈法曹抗救洗冤於耨居甚今茲長往
柝安得不悲故詩以哭之

十月黃河穩天寒素舸孤斷雲低不去哀鴈起相
呼忽暗郎官宿虛傳太史鳧哭君重回首愁色滿
蒼梧

又

列郡開方藥嚴墻阻別離蒼生猶有待逝者竟如
斯老去傷心地愁邊失望時玉棺誰爲殮蕭瑟九
原思

又

哀挽宜陽路銘旌汴水風青驛傳海上白鶴果遼
東抗救邀天使鈞裁秉帝衷愚民痛一哭雪涕灑
寒空

初月

雪霽樓空夕寒輕月欲明素魂升海上殘眺傍人
清桂樹春應發蟾蜍夜自生傷心望牛斗流恨滿

山城

示外弟陳可

阮籍何窮軌，陳生已着鞭。
朔鷹秋始健，宛馬血方妍。
不負儒林傳，寧玄弟子貞。
五車如破的，萬里看騰騫。

送劉少尹赴興州經歷三首

宸極霑仙籍，雙鳧別尚方。
何如魏賓客，不減漢循良。
大府宜方器，牙門足薦童。
材高豈伏櫪，萬里見乘黃。

又

潘岳花封宰，陳琳將幕材。
檄文傳萬壘，列宿近三台。
悵望薊門路，深懷河朔杯。
君王求駿骨，待詔上燕臺。

又

大府元戎騎，長驅引萬羣。
共迎劉記室，喜得郗參軍。
燕月排弓影，胡霜綴鎧文。
知君閒廟畧，一嘯洒天氛。

秋夜奉懷王鳳洲比部

獨坐秋城夜，長歌憶鳳遊。
帝鄉臨紫浦，仙吹下炎洲。
早食琪玕樹，西巢雲綺樓。
無緣近苞彩，慰此別

離憂

寄上徐龍灣比部

相思木葉落迢迢起重哀
翰海雲初斷盧龍秋正
來慚無國士報獨憶鳳城隈
坐今生華髮臨風一
痛哉

贈王少府封君水亭

長嘯下江閣披襟卽水亭
魚龍淨秋浪舟楫倚寒
汀且失干戈苦還依社稷靈
夜來看紫氣光滿少
微星

贈王龍池別駕

晉石分青嶂龍池抱紫臺
秋風動鱗甲白日發雲
雷太液濤休險昆明勢欲迴
何當洗兵馬萬里絕
氛埃

夏日同王大伾董右坡張壚山陸夢洲孟龍川登大伾山覽黃河故道得溫字

五月隨僂鳥凌風勢欲騫
却思乘海鶴翻憶聽秋
猿石樹穿雲冷巖花散酒溫
大河猶在眼何必問
崑崙

西巖

西巖雙柏樹猶自倚青壇
舊識洪河險曾經大壑

寒龍鱗剝雷雨鵲榦瀉風湍回首思梁棟還驚際
會難

題楊太尉揮金幅幃

獸憶關西老揮金氣尚奇江河流浩瀚天地眇端
倪諫草危時恨亭臯絕代悲由來圖繪意不盡史
臣辭

畫葡萄

漢使尋源後蒲萄滿舊宮如何尺素裏枝葉往時
同滾露啣空碧搏烟射小紅誰能貯萬斛遠寄日
華東

贈謝山人四溟

春桂綠華滋芬芳合待時君今餌玉葉聊以駐僊
姿擬著三湘賦深題五嶽詩相期共方眼爲覓葛
洪陂

遊成臯王城南園見水石漁艇

不作江南客空餘江上山水同明月靜石似白鷗
閒僊徑松蘿外漁舟蘆荻間相看渾忘却無復住
人寰

七言律詩

出塞

城門伐鼓日欲墮西山返照入平蕪玉關秋動氣
橫塞交河霜冷夜愁胡健兒風吹白豹障將軍雪
壓金僕姑晝傳羽檄連雲戍夜發精兵到海隅

慈壽宮

漢宮羅列倚雲霄鳳翥龍飛積翠遙東矚扶桑延
日觀西連雪嶺入寒宵皇輿拜舞臨黃道仙仗繽
紛觀紫朝諸將謾勞繁鼓角至尊今已奏簫韶

浮丘精舍

衛河東岸浮丘高竹舍雲居隱鳳毛遂有文章驚
董賈豈無名譽駕劉曹秋天散步青山郭春日催

詩白兔毫醉倚湛盧時一嘯長風萬里破洪濤

書長春觀二首

萬里天風海水高三山不動駕羣鼇青霄漠漠聞
鸞嘯白日翩翩見鶴翱巖下瓊漿留衛叔山中瑤
草寄盧敖懷紆金紫人間事日日吹笙對碧苑

又

天門日出海雲蒸碧殿霞綃山氣層羸女吹簫乘
夜月茅君騎鶴下秋燈金莖玉露生華髮紫極丹
書接上昇緱氏山頭一揮手幾觀滄海變峻嶒

贈李金吾口號

漢家飛將李將軍三十承恩淨虜氛馬蹀金微橫
朔氣箭傳青海動燕雲陰風漫捲賢王陣大雪長
驅突厥羣未信封侯縣鵲印已頒新使煥龍文

七夕

去年七夕登浮丘今年七夕客燕州仙槎獨憶銀
河水桂樹誰看玉露秋葉下井牀驚別淚蟲吟花
檻送深愁平生自信庾開府懷抱于今賦遠遊

挽楊六坡推府

草閣談玄不復聞山陽鍛後涕交紛十年辭藻漢
京事萬里鄉關秦塞雲尹喜傳經空汝待王喬飛

烏竟誰羣荒墳靜鎖仵山麓日暮遙悲渭水紋坡

関右人好丹液
術客死於瀆

除夜寓大名寄孟龍川

忽憶襄陽孟浩然風流名與太湖連沙村遠近青
春酒山舍週迴白石田何處椒花能媚頌他鄉綵
勝舞隨筵思君獨步清漳曲南望竟銷倍愴然

古意

漢苑春繁鎖縹紗銀牕嬌小護僊葩朝雲裊裊行
清曉落月娟娟見玉華湘女漫彈瑤瑟怨天孫虛
憶紫烟槎使君五馬何軒豁佇望郊端柘影斜

贈關中陳一泉廣文二首

漢輔金墉百二關，千秋王氣鎖南山。忠良苦憶蕭陳侶，豪俊還生涇渭間。會有文星通帝座，豈愁仙履綴鸞班。春宮首著何辭長，鳳陛圭璋可待攀。

又

魏闕恩光落上台，龍門賓客會羣材。太玄無媿侯巴誦，九辨何勞宋玉哀。江漢秋容松葉澹，宮牆春雨杏花開。明時擬有石渠詔，翰苑驚看補袞裁。

憶昔寄錢同野弟

憶昔讀書住石城，青天對落兩山橫。江潭夜傍魚

龍宿，軒牖晨看日月生。多病浸淫漢司馬，著書憂憤趙虞卿。匡廬舊約空回首，腸斷清宵淚濕纓。

宿沙口贈王比沙二律

谷口寒雲擁北沙，柴門深鎖待春華。楚騷自合千人誦，漢水猶懸八月槎。賈誼匡君頻痛哭，楊雄識字著名家。相逢媿我垂雙鬢，潦倒青罇海日斜。

又

魏郡西連沙口原，故人高卧倚晴軒。黃雞碧酒須多事，楚些吳歎可細論。豺虎空村當落日，魚龍入夜漫孤翻。自愁騎馬衝寒塞，古木蕭森起斷猿。

九日奉懷謝四溟逸人兼酬往日見寄之作
鄴中辭客古今才千里秋深發興哀陶令行藏只
盡醉孟嘉容止歎清裁山萸細細團風裊園菊亭
亭滯雨開白首思君何處望煙雲苦憶魏三臺
奉和王大伾侍御題周紫泉東山艸堂二律
石壁巉巖一徑幽漫隨杖屨訪林丘嵇康不負山
陽隱謝傅能忘淝水籌日落滄洲時佇望天寒桂
樹且淹留徵書旦暮馳秋隴擬取高名別代收

又

海門秋動青瀟麓天畔風高白草堂太傅松楸高
下見繡衣旌節往來常窺軒細篠娟娟碧截壁孤
雲裊裊長薄暮翠微歸興嬾暫隨流水一揮觴

震岡集留別

城闕秋還白露清十年懷抱與君傾彈琴細憶嵇
中散痛哭猶憐阮步兵絕巘松枝元自峻經時花
蕊爲誰明開罇莫負中宵賞別去愁看銀漢橫

秋日懷錢同野

象魏獨憐秋氣清苦垂冤頸且長纓背巢寒鳥經
年別出塞浮雲盡日橫鮑叔衣冠頻悵望禰衡詞
賦已吞聲滄洲憶汝傷心極坐嘯驚看白髮生

送林越山廣文之石城尹二首

粵海炎洲氣未踈，高涼快爽此安居。
蔡彤有待殊方詔，虞詡終收太史書。
茂嶺秋深纔見鴈，廉江水緩自生魚。
慎時努力加餐飯，返浦看乘白鷺車。

又

漢節遙分南海邊，天風獵獵擁樓船。
蒼梧雲盡山如戟，合浦春回樹若烟。
占歲豈應緣戍日，兢歌何用勝千闈。
遐邇亦是藩王地，賴爾文翁治化賢。

贈徐少尹

峒嶼中山插泰清，斷巖西影下層城。
彈琴不去人

吏散岸幘何勞官，長迎縣竹土風今。
變態黑山盜賊敢橫行，樗材慙媿河陽賦。
坐起青霄望弁纓。

赴理大名道中感李有池惠粟之作

關塞遙憐霜露清，燕雲漠漠鎖層城。
鄒陽不盡十年淚，鮑叔猶深萬古情。
秋水魚龍休悵望，春風鸞雀賴生成。
酬恩欲擬愁難賦，坐嘆空垂白髮莖。

聞比部李滄溟出守順德書此寄上

漢署仙郎何處求，高旌知駐古邢州。
漁陽久待張君淑，河內爭迎郭細侯。
舊日石門曾拒壘，此時銅馬莫輕謀。
畏途遠附青雲翼，慷慨長吟寄壯遊。

立春前夜宴張壚山明府宅

城柝傳聞客子夕，清罇一發便宜人。
巴江水汎雲邊臘，壚嶽天開雪後春。
避地衣冠從嬾慢，驚時花鳥自逡巡。
媿知張翰留顏色，擬許盧敖隱釣綸。

醉後射魚宿羅山人草堂

南射滄溟十丈魚，碧潭搖影動清虛。
太行遠望仙人嶂，淇水斜臨高士居。
曉傍楓巖留客飯，夜歸蘿徑卽吾廬。
何時共策青藜杖，爲覓中山白鹿車。

觀妓卽席走筆

楚女東隣未是過，秋來休似隔銀河。
香鬟小學平陽舞，艷曲低翻子夜歌。
弄日鴛鴦窺綺幔，偷春蛺蝶趁花羅。
大堤此夕堪腸斷，回首猶憐逝水波。

舊黃河道中有懷張壚山明府

黃河渡口舊飛湍，白馬東連瓠子灘。
夏后山川餘斷石，漢皇巡幸咽回鑿。
寒沙滾滾龍蛇動，晚日蕭蕭鴈鶩乾。
慨古思君易，搖落秋風更送紫騮鞍。

贈羅月巖推府迎侍還萬安二首

漢京仙客知名早，佐郡驚看漳水濱。
南楚花明萊子服，西山樹送狄公雲。
高秋大澤龍蛇隱，落日寒江鼓角聞。
最是少微干象緯，天風先報洞庭君。

又

燕塞霜空萬木摧。楚鄉烟淨錦帆回。洲如白鷺天邊落。山似青螺海上來。孫晷蘭輿元水國。曹家僊賦在銅臺。南雲北渚休相憶。紫誥金泥次第開。

春晚將還舊業。諸公送遠。獨方水雲以病不

至作此留別

青春載酒尋君處。君病春殘我亦回。背葉流鶯愁對語。捎泥乳燕恹飛迴。烟雲奔奔高歡壘。日月荒荒魏武臺。醉裏劍歌時自放。白頭還望轉堪哀。

登南城樓有感兼懷荀前川

獨上高樓四望明。海天愁色起縱橫。黃雲不斷飛狐塞。殺氣遙連偃月城。未訝健兒能陷虜。早聞白羽尚徵兵。封侯知有荀公達。好向中朝事請纓。

五言絕句

山雨五首

日落石窓時。林花起幽色。不敢窺蛟龍。雨昏潭影黑。

又

朝看山作雲。暮看山作雨。幽人期不來。踟躕望江

奇

又

秋水作鳴濤瀉入秋山下大石橫絕梁小石流空野

又

峽雨晝不絕暝煙沉孤嶂徘徊山中人苔蘚生衣上

又

門前黃岡陂能長青瑯玕夜來溪雨惡流作白石灘

示從弟橋三首

鴻鴈隔春水鵲鷓宿淺沙翻飛共遲暮終爾棲雲霞

又

吾家白玉樹璀璨已橫枝儘可叅霄漢莫教傷別離

又

莫向蒼山宿蒼山古木橫風動連枝影淒其傷爾情

寄高貞庵明府二首

隴水鳴幽咽隴山不可攀何緣牽夢到夜夜繞秦

關

又

隴坻千萬里，悵望使人迷。
願作青鸚鵡，能言向隴西。

七言絕句

別冀康川進士口號

秋風七月動，燕關雲散金。
空遊子還欲上高樓，重
愁思海濤東望阻天山。

長春觀二首

瀛海可雲見帝丘，玉炁浮動五城樓。
茅君借我山

中鶴飛上天門看九州

又

紫極清壇道士家，閑騎白鹿弄雲霞。
蕭臺旖旎金光草，春殿虛無玉樹花。

青樓詞

百尺高樓掛彩烟，錦箏銀甲亂哀絃。
夕陽欲下簾深捲，望見西江萬里船。

雲中曲八首

將軍羽箭射天山，閃日旌旗出漢關。
夜月欲開青海嶂，秋風先到白龍灣。

又

燕岱河山黑水分胡沙北望接氤氲桑乾斜映龍
山月碣石遙通魚海雲

又

元戎幕府倚天開將校星纏四下迴漢壘天成標
漢旆雲州日轉作雲臺

又

高闕塞頭殺氣橫居延川內少人行黃沙欲沒李
陵墓明月長懸蘇武城

又

半夜飛書報建章交河新駐左賢王卽分驍騎屯
榆塞便發元戎出定襄

又

大將遙分西顧憂魚腸

花流陰風漫捲賢

王陣白纛魯縣克汗頭

又

黃鬚羽帽破烏桓丈八蛇矛血未乾胡馬盡歸元
帥幕蕃刀贈與故人看

又

白馬青裘海上來自言家住古秦淮封侯未遂爲

人下沙漠橫行恐見猜

戲贈于山泉

楚王宮殿鎖寒暉，瑤草金花匝四圍。
十二巫山覓不見，滿天雲雨濕僊衣。

贈衛川居士

衛川南望多白雲，滄洲落葉各紛紛。
何時咲入烟霞去，醉裏常隨麋鹿羣。

送王盱山還保定

君去青山挹紫氛，我亦南還弄彩雲。
相逢美酒不成醉，別去空憐落鴈羣。

秋興漫成六絕句

壁峭江深雲物明，沙村秋氣轉初清。
出門散着雙蓬鬢，醉舞酣歌太放情。

又

天外晴山色不移，苑邊衰柳駐遊絲。
沙平細履無人見，恰似青春二月時。

又

絕巘寒藤垂古月，秋江過雨濕仙花。
柴門幽興尤堪賞，徧遣銀壺賒酒家。

又

當堦松樹何楚楚，黠葉蒼枝已傲霜。要須見汝作
梁棟，桃李春華休擅場。

又

柴門反鎖對秋城，獸樹花開眼自明。但使濁醪常
醉汝，向來車馬不須迎。

又

買茅藉宇非無地，簷花澗石錯相鮮。西隣野老憐
踈放，數借風亭涼處眠。

衛河漲二首

河隍東望似東洋，簸蕩中流日月光。漁子舟人頻

顧盼，恰如五月下瞿塘。

又

瓠子煙波橫九灘，淇園蒼竹斬千竿。何如此日風
濤惡，灑雪衝飈作海湍。

寄孟龍川絕句

燕郊六月起穉霜，地振山傾薄日光。吁嗟風雲那
有此，黃金臺下斷人腸。

西山集宴

山作屏風襍錦苔，鳳笙龍管遞相催。若非緱氏山
頭飲，擬有僊人海上來。

對勸呈吳少槐吏部

漢法終憐天地寬，楚囚何恨歲時難。
肯教細艸隨霜死，願借春光及暮寒。

獄夜

城頭烏雀飛欲棲，樓上驪聲四下齊。
一夜霜風吹不盡，滿庭秋色使人迷。

聞華從化誦李中麓樂府詞有憶寄上四首
漢庭協律按新聲，曲度梅花散月明。
拂拭青天垂手舞，相思遙寄鳳凰城。

又

曩倩西辭金馬門，酣歌特地引芳樽。
海上長謡王母宴，人間謫得歲星蒐。

又

東望山東中麓山，赤城霞送主人還。
忽聞醉裏松風曲，恰似劉伶善閉關。

又

麟閣虛傳身後名，琴臺貰酒自須傾。
颺沓結風成楚舞，歌唵綠水勝秦聲。

謝華竹川酒肴二首

淮陰市頭惡少喧，騰下之辱詎可言。
漂母屢出金

盤食白沙綠水哀王孫

又

燕國舊飲金盤露章丘今見玉壺春烟霞去住不
相似笑殺中山賣酒人

宿沙河值雪同蔡百戶作此

南雲漠漠鎖天荒北雪霏霏暗北堂日暮角聲吹
出塞沙河愁殺蔡中郎

丁未夢中遊王西軒園作是歲十一月二十
日獄吏譚遵令獄卒蔡賢笞柙數百謀以
土囊壓殺之官覺之免

秋日園林一蹙過桃花默默鎖空蘿歌聲漫逐浮
雲去不覺霜風兩鬢多

憶內

蘇武霜旌辭漢關李陵沙漠去無還舊時亦有金
閨淚何似今朝爾別顏

贈內二首

蘇武匈奴十九年相思知在海雲邊上林鴻鴈啣
尺素寄汝秋風玉塞前

又

君身似是杞梁妻玉貌絨情只自啼幾時哭到梁

山月携手青雲入會稽

內寄衣

吳江白紵雪絲裊不惜春芳細艸薰玉手裁縫誰
得見金刀一剪斷行雲

與張山人雲谷對飲言別

海上曾留赤玉鳥山中今共紫霞卮相逢暫爾各
飛去颯颯天風駕彩螭

代邊騎

駢弓貫臂箭橫腰慣射山陰雪後鵬欲假金笳鳴
出塞不知誰是漢驃姚

訪海月上人不遇

錫杖到來知幾日天花落盡鎖春山柴門流水不
相顧漠漠烟雲送我還

